

# Ki Sagi Jong Ngi

Da ki Nonghikai

Le kun da  
D. H. W. STEN

1904



# KI SNGI JONG NGI DA KI NONGHIKAI

*compiled by*

DR. HAW SHUN  
Professor of Khasi NEHU  
Shillong

ISIS PLUS,  
GOETINKS KHEHSNONG,  
SHILLONG - 793 001

2000

**CHECKED**

**State Central Library  
Shillong**

# KI SNGI JONG NGI

© The Authors 1994

First Edition 1994 - 2000 copies  
Reprinted 2000 - 1500 copies

2A · 1100

**Don Bosco Press**

Don Bosco Technical School

Shillong - 793 003

Don Bosco Press

Don Bosco Press  
Shillong - 793 003

# KI JINGTHMU

**N**aduh ki snem ba long *Vice-Chancellor* u Dr B D Sharma ia ka University jong ngi, u la ban ba ia ka prous ba phah pule ha ka *paper* ba ngi ai kyrteng *modern Indian language* (MIL) ha kolej kiba hap eksamin da ka University la dei ban pynioh kat kum ka jingdawa ka por, ym ia ka jingpule ia kaba ki samla jong ngi mynta kim lah pyniaid kam shuh ha ka jingim ba man ka sngi Ym shym la lah ban leh ia kata ha ki snem ba u don, namar ka daw bah ka long ba ngi na NEHU ngim ioh lad ban iasylllok bad ki nonghikai Khasi ha kolej ha ki snem shwa ia ka 1991

Na ki jingiasylllok bad katto katne ngut ki nonghikai, la ioh lad ban iathuh ba dta u VC ba rim u kwah ba ngin pynpule bad hikai, lada lah, ia ki jingthoh ba ki samla ruh kin iohi ia ka lynti ban iaid Ngì la pyrshang ban kyrpad ia kiba nang ba tip ha ki kam ba ki treì, hynrei ngi suba ba kim lait por Ngì don kam ban ioh jingnang ha ki lañ baroh wat la tang ban lam lynti kum ha ki lynnong V, VII haduh X ha kane ka kot Ki nongpule ki don hok ban tip shaphang ki radio, ki television, kam bank, bad bun kiwei pat kibym shym rung hangne ba kin iohi lpa ia kaba ki kwah ban treì ynda ki la dep ka jingpule Kat kaba ngi ai mynta ruh kin biang ban pyniaid kam Lehse kan don ka por ba kiba shem phang ha kaba ki nang bha kin iabynrap khnang ba ka kot kan kham rben. Ngì shu sngew hun ba la lah ban pynbiang ia kine ki khatsaw lynnong, kum ka jingsdang

Kam eh ia ngi ban jied ia ki lynnong ba iadei bad kano kano ka kyrdan (kum P.U., bad B.A.) lada kita ki kam

tang ha kawei ka kot, namar kaba thied bun ki kot kham tam ia ka Prous ka pynjynjar ia ki samla jong ngi Kumba phi iohi hi ha ka kot, ngim don parom lyngkot ruh ban pynproh ia ka jabiang ki nongpule ha kane ka thup kaban kyntu ia ki samla ban iathoh ia kum kita ynda ki la dep B A , ne B Com , ban ioh jingkyrshan na ki kot khubor kaiba kum pat lah rai ia kaei kaba ki kwah ban tsei Lada don ki samla kiba ai kylihang ia ka kopi jong ki sha uba la nang bha ia kano kano ka kam, bad lada uta u thoh, ngim pynrben ia ka kot ha ka sien shon ban bud ia kane Ngim sngew pher ei ei lada ki samla ki hap thied ha ka dor ka tyngka India mynta haduh 50 tyngka kawei ka kopi lada ngi lah ban kdew lyntu ia kiba pule pre-university kumno ban pynklreh ia lade Ngi don ki enjimai, ki doktor, bad kiba tip ia ki kam jong ki ngi kulai ba lada kum lah ban thoh lut ha ka Khasi ruh, ngim iakhinih hi ma ngi Kane ka dei ka jingkhot u Dr B D Sharma Io iarap ban pyniben ia ka kitab

## 2

Ki nongpule kin iohi ia bun ki kabu ban kyllur hi na ki bynta ka kyrdan M A , ne M Phil , ha ka Khasi tang ha kane ka kot Yn kdew tang ar tylli ba ioh ki shum kabu than

*Wei* Ym shyim pyniaryntuh ia ka rukom spel ia ki dak

*Ar* Ha ka rukom pynsnoh kyntien ruh ym shyim pyniaid lang, namar u nongluin u shum ia kane ka kot kum ka ka lad ba ki skolar kin lap hi da lade, hynrei ka jingthmu ka jop

## KI NONGTHOH

Bud dien ia kaba lashai lyngba ki kot khubor, hynrei ia haduh ka 19 1 94 ki nonghikai kiba pynnoh synniang sha kane ka kot ki dei kine

- 1 Dr (MRS ) STREAMLEI DKHAR, Lecturer in Khasi Department, NEHU
- 2 MR D L WAKJRI, Selection grade Lecturer, St Edmund's College
- 3 DR (MRS ) M B JYRWA, Reader, Khasi Department, NEHU
- 4 DR J S SHANGPLIANG, Senior Lecturer, St Anthony's College
- 5 DR SYLVANUS LAMARE, Lecturer, St Edmund's College
- 6 DR (MRS ) B WAR, Senior Lecturer, Khasi Dept , NEHU
- 7 DR (MRS ) B LYNDEN LASO, Reader in the Centre of Adult and Continuing Education, NEHU
- 8 DR BEVAN L SWER, Professor of Khasi, NEHU
- 9 MRS SUKJAI SWER, Lecturer, Sankardev College
- 10 DR H W STEN, Professor of Khasi NEHU

---

---

**Ki Lynnong ban Pule**

**Ha B.A.**

**Lynnong I, II, III, V, VII, VIII, XI bad XII.**

**Ha B. Com.**

**Lynnong IV, VI, VII, XI, bad XIV.**

---

---



# **KI LYNNONG**

	<i>Sla</i>
I. Ka Kyrdan u Rangbah Khasi - <i>Streamlet Dkhar</i>	9
II. Men Suh Syntiew - <i>D L Warji</i>	15
III. Khyndiat halor ka Mut ka Pyrkhat u Khasi - <i>M B Jyrwa</i>	19
IV. Ka Seng Trei Lang ha Meghalaya - <i>M B Jyrwa</i>	30
V. U Biew bad ka Mariang - <i>J S Shangphiang</i>	36
VI. Ka Jingkordor jong u Dewiong ha Meghalaya - <i>Sylvanus Lamare</i>	45
VII. Ki Nongrep bad ki Lad ba Plie ia Ki - <i>H W Sten</i>	54
VIII. Ka Kam Hikai - <i>B War</i>	62
IX. Kaba Hikai Thoh - <i>H W Sten</i>	68
X. Kawei pat ka Lad ban Ai Jinghikai - <i>B Lyndem Laso</i>	86
XI. Ka Literature bad ka Bor jong ka - <i>B L Swer</i>	93
XII. U S J Duncan bad ka Bina Rai - <i>B L Swer</i>	97
XIII. Ki Jingsniew ha Shnong ha Thaw - <i>Sukjai Swer</i>	106
XIV. Ki kyntien ba ju iohsngew ha ka kam Khan - <i>H W Sten</i>	111



## Ka Kyrdan u Rangbah Khasi

**U** rangbah Khasi u don ka kyrdan kaba khraw bad ka kamiam kaba kongsan bad kaba khia bha ha ka imlang sahlang naduh hyndai hynthai haduh mynta U long u kñi ne suidnia ka kur ia la ki para ki pyrsa Ha kajuh ka por u long u kpa ha iing khun uba ju tip ia u kum u Thawlang

Ilaba ngi thir sani bha ia ka kyrdan jong u rangbah Khasi ha ka imlang sahlang ngi shem ba u long uba donkam ha batoh ar kitei ki iing kata kum u kñi ia la ki para ki pyrsa ha iing kur, namar dei ma u uba sneng ba kraw, katba ha iing khun pat kum u kpa uba ai ia u Symbai u rna i uba ai mynsiem ia la ka kur ka jait ha ka pang ka shitom, bad ha ka suk ka saiñ rñh Dei ma u uba tip ia ka spah ka phew nongtymmen bad ka synshar iing synshar kur Katba ha iing khun pat kum u kpa ai ia u Symbai u rna i uba ai ia ka long rymeng ka man rymeng ha la ki khun ki kti Ka bynta jong u kum u kpa ha ka longring longsem ka long kaba kyrpang haduh katta katta, namar khlem ma u, yn ym roi ka kur ka jait lane iar u tnum u tyndai ha iing khun jong u. U PRT Gurdon ruh u kren halor kane ka jingkordor jong u kpa ka iing ha ka dustur Khasi U kpa u long u khlieh duh jong ka iing, uba lah uba iai, uba pyndap uba pynbiang ia kr khun ha ka shit ne ka khriat U Gurdon u thoh ba wat la ka jungshim jait ka long na ka kmie, ka long kaba bakla ban shum ruh ba kpa um don bynta ei ei ha ka iing Khasi U kdew ruh ba u kpa u long u khlieh duhjong ka ling bad uba synshar ia ka. U

long ruh ma u uba tur naphang ia ki jingeh jingma baroh  
na ka bynta la ki khun ki kti bad ka tnga

Haba ngi bishar bha ia ka jingsngew utci u nongthoh  
ngim banse ban bishar kham bniah ia ka jinglong ka kyrdan  
u rangbah ha iing kur bad ha iing khun Haba ngi phai sha  
ki por kiba kham mynshuwa, u rangbah u don ia ki ar  
bynta ban pyndep ha ka imlang sahlang Ngi ju iohsngew  
ba kata ka kyrdan jong u kum u kni ka kham kor ban ia ka  
kyrdan jong u kum u kpa Ha kaba ki pyrsa ki tieng burom  
ia la u kni haduh katta katta U kni u don ka bor haloi ki  
pyrsa bad ka ktien jong u ka dei ka aiñ, khamtam lei lei ha  
kaba rai ia ki jingdon jingem (nongtymmen) jong ka kur,  
ka iapoi kha iapoi man, ka iap ka im, bad ka suk ka shitom,  
ki shong ha ki tyrpeng jong u ban kit khlieh ia la ki para ki  
pyrsa, wat ha kaba sneng ba kraw bad pyni ia ka iaid ka  
ieng kaba don akoi don burom La ju khot barabor ia u  
ban pynbeit pynbiang ha iing kur lada don kano kano ka  
jingiakynat bad ka wit ka wa

Ha kajuha ka por, u kni u don ruh ka bynta kaba khiaw  
kum u kpa ha la iing khun Ngi ju iohsngew barabor ba ki  
kynthei ki ju kren shaphang u khaw, kum ba shu ong noh  
“Kat shaba don u khaw shata ngi hap bud ” Kane ka kdew  
ia ka kyrdan u rangbah kum u kpa ka iing uba wan rah ia  
u khaw, kumta dei ma u uba pyndap pynbiang ia ki khun  
ki kti bad ka tnga ha la iing, u don ruh ka jingkit khlieh  
kaba khia kumno ban pynheh ban pynsan ia ki khun ki kti  
ha ka lynti kaba dei bad ha ka burom ka akor; nador ba u  
hap ban pdiang ia la ka kyrdan jinglong rangbah jong u  
kum u kni ha la ka kur ryngkat bad ka jinglasngewthuh  
jingmut hapdeng ki kur bad ki kha.

Hynrei katba ki por ki nangiaid, ki rukom ruh ki iatyllun lang bad ki ha ka jingiadei bad ka kyrdan u rangbah Khasi ha ka imlang sahlang Ha ka jungshisha, ki riti ki dustur ha ka jingiadei bad ka bynta u rangbah Khasi kim pat shym da kylla haduh katta katta Hynrei dei ka jingsngew briew hi kiba pynkylla ia ki rukom Lehse ka bynta jong u rangbah Khasi ha ka imlang sahlang ha kine ki por ba mynta ka ia pher bak-ly-bak na ki por ba kham mynshuwa Don lehse katto katne ki nia kiban kyrshan ia katei ka jingong To ngin iapait mynta ha kaba rai bad bishar ia kano kano ka kam iing kam sem, wat ban rai ia ka jingdon jingem ruh, u kpa u lah ban pyni lem namar suki suki ka nongtymmen ka kylla long noh ka nongkynti ha ki khun ki ksiew jong u Te haba ka jingkit khia u kpa ka la nang bun ka jingtuklar jong u kni na ka liang ka nongtymmen ka dang don hi khamtam lei lei haba ka don ka jingiapher jingimut hapideng shi kur shi para Kata ruh ka shong eh ba la kita ki pyrsa ki pyntip ne em sha la u kni bad la u dang don jingiadei kaba jan ne em bad ki para ki pyrsa Ban kham shai ngi lah ban shim nongimuna na ki iing kiba dang bat ia ka niam ka rukom tynrai Ila ki por hyndai ki shi kur ki iashong iasah marjan tang ha iwei i nongrit Ka jingiadei hapideng jong ki ruh ka long kaba iajan bha namar ba ki iakynduh lehse man la ka sngi Ka don ruh ka jingiasngewthuh jingmut para ma ki ha baroh ki liang kynthup ruh ba ka jingiatiup lang halor ki hok long trai bad ki aii jong ka Haba dang iajan kumne shi kur ha kajuh ka jaka lane ka nongrit u kni ruh u dang lah ban ialeit iawan bun sien man la ka sngi. Haba kumta ki para ki pyrsa ruh ki dang tueng burom ia la u kni. Hynrei ka jingkylla jong ka por, ka kur ka la sdang ban saphriang kylleng kylleng ki shnong ba marjan wat shaduh shajngai

wat sha ri nongwei ruh. Kane ki jingkylla ki wan na ka kam ba ki trei, ka khaii ka pateng, ka pule ka puthi bad bun kiwei pat ki daw kiba pynlong ia ki ban iajngai hapdeng u kñi bad ia ki para ki pyrsa namar ba um lah shuh ban poi khah khah sha ia ki kur Ka leit ka wan ka ktah nyngkong eh ia ka por, ka bai lynti, ka miet ka iong, ka jingbun kam nalar kiwei kiwei ki daw Kumta ka kyrdan u rangbah Khasi ka duna noh ka bor ka iktiar na kaba ju long ha ki por mynshuwa

Kumta ka don ka jingtronñ na ka liang jong u kñi ha ka jingñadei jong u bad ki para ki pyrsa lait noh sa tang ha ka iap ka um, ka poikha poiman, ka kha khun bad jer khun

Ha kane ka juk ka kyrdan jong u kñi na ka liang ka kamañ kajih ruh ka ktah bha, kata lada u khraw kamañ bad heh kyrdan, u lah ban ioh ia ka burom na ki para ki pyrsa lehse ba u iarap ia ki ha ka liang ka pisa ka tyngka Hynrei lada um heh kyrdan bad khraw kamañ kata haba u tnga jong ka para (kynum) u kham khraw kamañ bad heh kyrdan bun na ki kñi kim ioh ia ka jingburom na ki para ki pyrsa khamtam lei lei lada u long uba buaid, uba lyngkar te tang katta kim kheiñ snep shuh ia u

Ngi iohi ba u kñi mynta u kham jngai na la ki pyrsa ha baroh ki liang katba u kpa pat u iajan bad ki khun ki lah ban iaphylliew jingmut bad ki lah ban pan ne kylli ia kiei kiei baroh kiba ki donkam; bad ngi shem ruh ba dei u kpa uba kloñ ban kit ban bah ia ka duk ka suk jong ki khun baroh. Te u P.R.T. Gurdon haba u thoh ia ki jingsngew jong u kiba lehse u Keith Cantise ruh u iahap jingmut ba ka bynta u kpa ha ka iing ka trei kam kham bha bad u kham jan bad ia ki khun ki kti bad ka tnga ban ia u kñi. Don ki nongthoh jong kane ka juk kiba kren halor kane ka

phang, kɪ jong u Soso Tham, u Primrose Gatphoh, u Darningstone Lyngdoh, u Spiton Kharakor bad kiwei de kɪ kren lane phawer sha kane ka phang Ngi iohi ba wat ha kɪ khana biria lane ha ka shad ka kmen, lane ha u khnam ka ryntieh la iathuh ei ei ia ngi halor ka long kur long jait u Khasi ba kumta naduh ba u rangbah u wan longbriew sha kane ka pyrthei yn jer yn thoh ia u ha ka niam ka rukom ba baroh kɪ shynrang la kynto da ka hukum ba dei ban buh lai tylli kɪ khnam bad ka ryntieh kɪ 'nam iawbei ban neh ka kular, ka long syiem man syiem halor kɪ laiphew jingthaw ha snieh pyrthei, ban neh ka long shynrang long rangbah kumba thoh u D T Laloo Te u rangbah u don la ka jong ka kyrdan ba la pynkhamti ha u naduh ba la kha Hynrei haba ngi sngap ia ka jingiakren u luk u lak halor ka kyrdan jong u rangbah Khasi ka paw pynban ba um long ei ei shuh ha kane ka juk namar ngi shum jait na ka kmie. Ha kaba kut ngi lah ban ong, namar kata, ba ka dor u Khasi ha kɪ por mynnor ka long shisha kaba la pynkup da ka bor bad ka iktiar ha la ka kur bad u kpa ha la iing khun Hynrei ha kɪ jingkylla jong kɪ por bad ka jingiatyngkhuh bad kiwei pat kɪ bor bad kɪ kolshor jong kiwei pat kɪ jait bynriew, ka bor ka iktiar jong u rangbah ka sah hɪ wat la ka la synjor noh ha ka liang kɪ kur kum u kni namar kɪ katto katne kɪ daw ba la tai sha khmat. Hynrei ngi dei ban sngewthuh ba wat la u rangbah Khasi u synjor noh ka longkni ha la iing kɪ para kɪ pyrsa u dang don pat ia ka kyrdan jong u kum u rangbah ha iing khun; u kpa u ba lah ba lai ia la kɪ khun uba baroh kɪ khun kɪ ieit bad burom

Ka kyrdan u rangbah haba bishar pat na ka liang kɪ jingnang jingtip, ka kam ka jam, ka khañi ka pateng khamtam lei lei ha kine kɪ por mynta, ngi iohi ba la bun

kiba la kynjoh ia ka thong kaba kiwei ki jaid bynriew ruh  
 ki la iabeh La bun ki doctor, ki nonghikai ha ki skul rit,  
 ki college bad haduh ki skul bah ruh, nangta la bun ruh ki  
 rangbah jong ngi kiba la long ki engineer, ki I A S officer  
 kiba la pas ia ka A Ç S bad ia ka M C S ruh Te haba  
 bishar bniah ha kane ka liang jong ka jingkieu irat ki  
 rangbah Khasi jong ngi ha ka pule ka puthi, ka kam ka  
 duk ngim lah ban shu pynkut jyndat ba ka kyrdan jong ki  
 ha ka imlang sahleng ka la hiar dor, wat la ngim lah lait  
 kum ka jinglong briew ba don kiba mon ban pule bad  
 pyntbit ia lade ha ki kam kiba kwah hynrei ym don lad ba  
 ban ka duk ne ka thngan bad ba u khaw u dawa wat tang  
 ban bylla mynsngi bad hap bam rwing Hoooid, don ruh ki  
 khun ioh mon kiba dang khie dang san kiba don kyrhai ka  
 spah ki kmie ki kpa ban pule bad pyndonkam ia la ki sap  
 ki phong kiba ki don hynrei kim mon satia bad ki im ha ka  
 di, bad kiwei de ki jingim lyngkar jong kane ka juk Jar  
 la katta ruh, u rangbah Khasi kumba ka paw ha ka imlang  
 sahleng, u long ka burom ia ka iing ka sem ka ri bad ka  
 jaidbynriew, u long ma u u khadar bor ba baroh ki tieng ki  
 smiej bad "Dei ia u rangbah keiñ - Baroh ki briew ki iet"  
 naimar ha u ka shong ka mon ba jwat la bun kiba bein  
 kiba khoh ia u hynrei ym don ba lah ban rat ia ka jinglong  
 rangbah jong u kumba rwa U Soso Tham bad u rangbah u  
 lai sah hi u rangbah shirta.

Dr. (Mrs) S. DKHAR



## LYNNONG II

# Men Suh Syntiew

**U** babu Primrose Gatphoh u batai ba 'men suh syntiew' ka mut ia "ka briew kaba pnah ktien ban pynialuh samla, bad kaba loh la ka nongsngi namar kata ka kam" U Father H Elias pat u batai "ka briew kaba sianti bad pnah thylliej ban pynialuh kynthei shynrang" Kiwei pat ki nongthoh kynthup ia u Rev I Kharkongor bad u babu Nisor Singh ki batai haba shu shun kyllum kumne ka briew kaba nang ban pynibha shynrang kynthei Ki da buh de ia ka kyntien phareng Pimp (one who procures gratification for the lust of others)

Imat ka kyntien men suh syntiew ka pynlong ia kine ki nongthoh ban pyrkhat ba dei tang ki kynthei kiba nang bad ba dei ban leh ia kane ka kam Ka kyntien pimp pat ka kynthup lang bad kynthei bad shynrang kiba don bynta ha kane ka kam, bad ki briew ha kito ki jaka ki kheñ poh ia kine ki briew

Ka jingdon jong kine ki MSS ka la iarap shibun ha ka liang ka shongkha shongman namar ba ki samla ki don lynti ban phah kylli lyngba jong ki bad lehse ka la lah ban khate ia ka rukom ba shu iaioh kulmar khlem da don jingmut lypa ne jingiaiet ei ei lane khlem da pyrkhat da puson lypa ia ka longiung longsem Ha ka jingtip jong nga kane ka don haduh ba ki samla ki la nang ban thoh shithi samla Lehse ka jingiakynduh ba kham khah khah ki samla kum ha ki ung mane ruh ka la nang pynliot noh ia

kane ka kam kaba la ju don Lehse ka jingjam palat pud jong ki MSS da kaba ki pyniakap samla khlem da salia shuh ia ki ar kur mamla ka pynlong ia ki kinie ki kpa ban phah kiar ia la ki khun samla na ki Kine ki MSS kum long ki nongkhan ne nongdie briew kumba la don ha kane ka juk jong ngi mynta Ka kam jong ki ka long kaba beit bad ba ka jait bynriew ka tip bad ka pdiang ha kata ka por

Hapdeng ki khar Hindu ka kam kaba iasyiem kum kane ka MSS ka dang don haduh mynta Ki Pundit (Brahmin) kiba ju leit ju wan barobor sha iing briew ban leh Puja bad kiwei kiwei ki kam jingpyndep niam ki tip bha ia ka longiung longsem (family), bad ia kine la ju pyndonkam barobor ban pyniakap samla Ka jingiaphet ka long ba kine ki pyniakynduh ia ki kinie ki kpa jong ki samla bad hadien sa don pat ka jingiashongkha shonginan ia kane kajuha ka kam la ju leh ruli da ki Samashi Sevak (Social Worker) kiba tip bha ia ka longiung longsem jong ki briew ha ki jaka ba dei ban trei Wat ki khar Napit kiba ju khot ki Nai-I ki ju leh ia kane ka kam mynba ki ju leit sha iing ki briew ban khap shñiuh ia ki briew kiba don ki ha kane ka kam ki ju khot kyllum ia ki ki Viba Dalal Ha kine ki sngi lei lei la mih sa ka rukoin kaba thymmai kaba lyngba ki jingpynbna ha ki kot khubor Bun bah ki jingiapoikha hapdeng ki Hindu ki la urlong lyngba ki jingpynbna

Ka jingkylli kaba mih mynta ka long hato ngi ki Khasi ngi donkam ne em ban pynim pat ia kane ka kam MSS Bun bah ki Khasi kiba la dei ban shong jngai na la

ka ri namar ki kam ba ki ttei ne namar kino kino pat ki daw bad kine ki shong ki sah syndon hangto ryngkat bad kiwei pat ki jait bynriew Badno ki khun samla jong kine ki longiung kin iashongkha? Hapdeng jong ngi ki Khasi ki kinie ki kpa kim ju kham leh koit ia kane ka kam MSS, hano ngin pyinkhamti ? Nangta shuh shuh ngi iohi ba ha kane ka juk jong ngi mynta don bun bah ki samla kynthei bad shynrang kiba biang ba bit nadong shadong ki shong khynraw sah Lada shum ha la i kyntoit ba ngi shong ngin shem ba bun bah ki samla kiba la palat ia ka 30-35 snem ka rta hynrei kiba dang shong khynraw Nga la iohlad ban iasyllok bad katto katne ki thei samla kiba la iaw bha kiba jubab beit da kaba ong 'ba ym don ba phah kylli' Katba na ka liang jong ki tangbah pat kim shlui shuh ban phah kylli beit beit namar ki ong hana ba ioh shah kyntait Kane ka ktah ia ka jingsngew jong ki khamtam lei lei kito kiba la kham don kyrdan Lada jia ba shah kyntait hano hano kane kan phuang khlem pep bad mynta ki la sheptieng ban pyrshang biang sa shawei pat Nangta shuh shuh haba ki kyrdan pule lane kyrdan ttei kam ki la iaphei nang mih shuh shuh ki jingeh bad jingshitom jingmut ban pyrshang ialuh samla Wat ka jingriabun kam than jong ki samla ha kine ki juk mynta lem bad kiwei de ki daw ka la nang pynbun ia kiba shong khynraw

Ha kane ka rukom ka jaitbynriew kam iot kam kha shuh kumba ka dei ban long Nangno yn ioh tnumtyndai thymmai haba la nang bun kiba hun ban shong khynraw ? Kane kan wan rah ia ka jingmynsaw kaba

shyrkhei namar ba ngi long ki jaitbynriew kaba la rit paid  
lypa bad ngin nang rit shuh shuh haba ngi ianujor bad  
kiwei pat ki khraw paid

Lada ka kam MSS ba rim kam lah iaid iew shuh  
lehse ngi la dei ban pyrkhat da kawei pat kaba lah ban  
iarap ia ka jaitbynriew ban kham roi bad ba ka lawei kan  
shong skhem

- D L WARJRI

### LYNNONG III

## Khyndiat Halor ka Mut ka Pyrkhat u Khasi

**B**aroh ki jaitbynriew ki don la ki jong ki jong ki rukom pyrkhat shaphang ia lade U Phareng, kata u Britisher u sngewtynnad ban pyrkhat shaphang ia lade kum uba kot pyrkhat Namarkata u synshar pyrkhang ia ka ktien ba u kren bad ia ki kam ba u leh Uin long uba pynpaw lut ia ka jingsngew Ki ummat kim ju kham jaw na ki khmat jong u wat hapdeng ka jingduh ba mih na ka jingiap U buhrteh ia ka jingsngew jong u da kaba u pyndonkam khyndiat ki kyntuen Haba u bam jingbam, lada kata ka jingbam ka bang had lada u sngew dei ban ong ei ei halor kata un ong lehse *The food is good lane The food isn't bad* la kajuha ka jingbam u dkhar un ong *The food is very good*, un da stress lane ban ha ka adverb *very* U Khasi pat un ong *Ish ' kaba la bang kata la ja* Ka jingong u Khasi bad u dkhar ka kham kit shibun ka jingsngew ban ia ka jong u phareng

U Khasi u khlaif kaba baroh ia kiwei, hynrei u tlot shaphang ia lade Haba u jop ha kano kano ka jingialeh kham niar eh phin shem ba u kren shaphang kata Kaba synshar ia ka rukom pyrkhat shaphang ia lade ka long ka jingong . *U khiew ba dap um um ju sawu*, Hynrei ka jingbym kyntiew ia lade teng teng ka la long haduh u pud uba bakla Haba leit sha ka jingkhawai ne jinglabam

sngewbha kɪ nongkhot kɪ ɪalh katba lah ban khreh ka bam ka diɪ kaba bang kaba shngiam Kɪ leh katba don la ka bor ka buit ban pynbang ɪa kata ka jingbam Ynda la ɪabam, kɪ nongbam kɪ ɪaroh ɪa kɪ nongshet bad jingtbɪt jong kɪ Hynrei ka jubab ba kɪ nongshet kɪ aɪ halor ka jingɪaroh ka long baraboi *Hana te' lane Shano phi' Shu shet malu mala* Teng teng ha shuwa ban bam ne hapdeng ba bain kɪ trai ɪng kɪ ong *Bam malu mala ho ' Bunstien kɪnc kɪ jingong kɪ long kɪ phreis bym don ha kɪ ka jingmut kaba ɪ kumba kɪ don Kɪ long kɪba la pyndonkam tang kum ka rukom ban pynrit ɪa lade ha khmat kiwei Bad ɪa kɪnc kɪ phreis la pyndonkam wat da kito kɪ briew kɪba ha kaba shɪsha baroh kɪ da thrang eh ban ɪoh jingɪaroh*

Ka don ka jingkyɪduh ha ka liang ka jingɪaroh ɪa lade La pyndonkam ɪa ka kyntien ɪaroh ɪa lade ha ka jingmut ba dei ban mynjuɪ ba kaba bha ba dei ɪaroh ka long kaba dei shɪsha ban leh kumta, kam pher lada ɪa lade ne ɪa kiwei Ym shyin la pyndonkam ɪa kɪ ban kɪnc ɪa ka jingsarong plak kaba shu thew sharyntoh ɪa kiei kiei khlem dei rukom Kane ka jingkyɪduh ka wan ym na kaba kyɪduh shɪsha hynrei na ka jingmlɪen kren kyɪduh hi Ka jingmɪh na kane ka long ba ka la kiath shɪbun eh ɪa ka jingmut jingpyrkhat bad jinglah jong kɪ longdien Ka jingmlɪen u Khasɪ haba don kano kano ka jingɪaroh ka long ban kah dum noh ɪa ka jingphyrnai kata ka jingɪaroh Kum ka nuksa, haba don mano mano ba ɪaroh ba ka jingthaiñ (swetaɪ) ka long kaba itynnad, ha ka jaka ba kata ka trai swetar kan ong *Phi itynnad ? Nga ruh nga itynnad*, ka jubab ka long pynban, *Hooid ka itynnad, tangba peit nangne ka lah kad; lane peit hangne ka don ka jinghakla thaiñ. Ka jingmlɪen*

ban pynphai da ka ba duna sha pyrshah ka jingiaroh  
 Kum kine ki jubab ki pynpaw ba kiba bun na ngi kum pat  
 nang ia ka buit ban tyngkai tang ha lade ia ka jingtip  
 shaphang ki jingduna Ka pynpaw ia ka jingshida than  
 Kynmaw u Aesop u ong "ban shida than ka ban iap"

Kaba kdew ia ki jingduna hadien ba la iaroh ka long  
 ha ka jingshisha ka jingpyrshang ban ong *Hei ho' wat da*  
*iaroh eh* hynrei kaba sngewsih ka long ba kiba kum kitei  
 ki jubab ym tang ba ki weng noh ia ka jingiaroh hynrei  
 wat ia ka jingitynnad hi ruh Ka jingkyrduh jong ka iaroh  
 ia lade (self appreciation) ka long na ka daw ka jingkwah  
 ban ym kyntiew skong ia lade Ka long ruh na ka daw  
 ka jingkwah ban buh ia lade kham harum ban ia kiwei  
 Ka long kaba bha ban leh kumta Hynrei kane ka  
 jingpyrkhat ka la kylla long pynban ka jingina ia ngi kum  
 ka jaitbynriew, namar ngi la sngewrit than kat haduh ba  
 ngiin nang shuh ban buh ia lade ha ka jaka ba dei ban buh

Pyrkhat ia ki jingong *Yn lah shano phi kum u — Yn*  
*leit lah shano ban ialeh bad u - Ish uba la nang sat-U-te*  
*uba stad, phi* Hato kine ki jingong kim long kiba kthang ?  
 Balci ki kthang ? Namar kine ki buh lypa ia uta uba kren  
 ha ka kyrdan ka jingbymlah, ki weng noh ruh ia ka  
 mynsiem ialeh tynggeh Ki ai lad ia u nongkren ban buh  
 pud lypa ia ka jingjop Ka jingjop te ka jingjop tangba  
 kaba kham hapoh ia kiwei

Ki jingkren jong ngi ki synshar ia ka mut ka pyrkhat,  
 ia ki kam ki kti jong ngi. Ki pynpaw ia ka, dor ba ngi  
 pynshong ia kiei kiei ha ka jingim. Sngewthuh ia ki phreis  
*kum ban iap. Haba kdang ruh kdang kum ban iap, haba*

sam rkhiē ruh *samrkhiē kum ban iap* *Kdang bad sam i khiē* kī dei kī *positive lexis*, kata kī kyntien ba kren ia kaba bha, ba sngewtynnad hynrei ia kine ruh la kah syrngiew da ka *kum ban iap* *Toi, kum ban iap* ka dei ban iaid ryngkat bad kī kyntien *pang, ilot, thait, tieng* Kam dei ban iaid ryngkat bad *kdang* ne *samrkhiē* Pynban kine kī ia iaid lang bad haba leh kumta kī wallam ka jingkyrduh kī phreis ba kham sngewtynnad bad kham sngewbit na ka bynta ban tei ia ka longbriew manbriew ha ka jingiaid shaphrang

Lada peit ia kine kī phreis bad bishar bniah bha ia kī phin shem ba kī long kum ka jaiñpoh kaba thaw ia kawei pat ka syrtap ban long ka nongrim ka jingsahdien ne ka jingkynran dien pynban

Ila kine kī sngi ka don ka jingud ba ka ri bad ka jaitbynriew hī baroh kawei kam long shuh kumba ju long Ka la pher shibun ha kine kī sngi Ka don ka jingkylla ha ka rukom im na kī liang kiba pher ba pher Kī jingkylla kī ia khleh kiba idei kito, kī bym idei kito Ka don ka jingjingpyrta ban pynneh pynsah ia kī matti kī long shuwa, kī riti kī dustur ba la ai pateng ha ñgi Ka jingpyrta teng teng ka poi haduh u pud u bym idei shuh, kum kato ka jingpyrta ba la mih ha kī kot khubor ba kī samla kynthei kī dei ban bat ia ka riti ka dustur riam kaba da ka jaiñ tapimoh bad jaiñkup Ia kum kine kī jingpyrta uba bun uba lang u la shu wiat khlem ong ei ei Phi lah ban lap shibun kum kine Hynrei haba dang don hī ka jingāwer ban pynneh ia ka jinglong kyrpang ka jaitbynriew, dang don ka jingsngew shngaiñ ba ka jaitbynriew ka dang im

Kaba wad ia ka dien trai, kaba pyrta kaba wer ban ia tyli kawei kaba pynneh ia kī dustur jong ngi, dei ban sngewthuh shai ba kam dei ban long kaba khla shiliang ha



ka pylla kat haduh ban pynlong ia ngi ki briew kiba pert tang sha ka mynnor Ngı iohı ia ki jingkylla bad ngi kren pyrshah ia ki Hyniei la ka jingbym kylla jong kieı kieı kiba dei ban kylla pat ngim iohı Kane ka ieng kum ka jingma, namarkata ia ki saikhum jong ka dei ban bthar

U Khası u long uba la ri syiar naduh hyndai hynthai Sleim katno ha ka hyndai ym lah ban kren da kaba thikna Ki *archeologist* ki batai ba ka jingri jingri ka la sdang ha ka pyrthei ha ki snem 8000 B C ei ei Tip u Khası ha kane ka por u don haı ? Tang kane kawı ka thikna ba u Khası u la ri syiar naduh ba u la iohı ka Niam ka Rukom na u Blei İai Kynrad, Nongbuh Nongthaw Lah ban kren ia kane da ka ba skhem namar ba u Syiar u long ka bynta jong ka niam U long ma u u iangiaıkhad, u nongbah khala ia ka pop ka sang u khunbynıew Dei da kaba pijar ia ka snam jong u halor ka duwan dewıaw harud shıong ba long jingkııa, dei da kaba peııa ka kıap ka star ki snier jong uba sngewthuh sa aıu shuh u briew u dei ban leh kat kum ka niam ha ka jingıadeı bad u Blei ne para briew U Khası u la ri syiar na ka bynta ka niam naduh dang kynthong ka pyıthei La ong ba ka jingri syiar ka sdang hangne ha South East Asia hapdeng ki Khası bad kıto kıııı pat ki briew kiba don mynta ha ki tharıı Burma bad Cambodia kıba ka niam jong ki ka long sawdong u syiar

Nangta u khan u shat pylleng ban wad ia ka daw. Ka daw ka lah ban long na iıııı ne na bar, bad dei ha ka jingkeıı jinglar ka pylleng ba lap ia ka daw Kı tymmen kı iathuh ba hateng hateng ym lap ia ka daw kumne kumne, bad namarkata la dei ban shat haduh shı shang ka pylleng.

Ka pylleng bad syiar ha ka rukom kaba maıan kı la long kı bynta ba kongsan eh ha ka niam u 'Khası' Nalor

kaba shim ia ki ban pynleit ha ka niam, u la shim ruh ia ki kum ki jingbam ba bha bad ba kyrpang Ka dohsniang dohnasi ki long ki jingtah pyndap taiew, ka dohsyiar ka dei ka doh kynsai La pynkhreh pylleng bad dohsyiar barabor tang ia kito kiba ngi leit bad burom eh

U syiar u la ong ka rukom im ia u Khasi ha ka liang ka jingkheĩn por Ka kynih kaba nyngkong, ba-ar bad ba lai ki long ki por kyrsiew thiah Barabor hi, u Khasi u khie dang ngir tang shu la riew syiar ban pynkhreh ka bam ka dih ha shuwa ban ia mih ban leit sha la ki kam ki duk Ki phreis *Kynih ka 'iarkynthei, dang riew u 'iainyngkong, kynktok kumba kynktok ka syiar kha pylleng ki kdcw ba u Khasi u la im ryngkat ryngkat bad kine ki jingri la slem bah*

Nalor kaba u syiar u ieng rangbah ban ap jutang u Blei na jrong, nalor ka dak ba ka pylleng ka ai, nalor ba u bam ruh ia ki, ki syiar ki la long ruh ka rukom ia ki tang samla bad thei samla ha ka kam kuinno ban ialuh U Syiar lud uba dang shu paıt ryndang shen, phin lap unc shu thlup thlup thlep thlep, tang shu la wan ka iarkynthei hajan Hynrei ym kumta bad u iarryngkuh Haba u imon ia kano kano u da khroh kup kup hajan jong ka U da tyrwa u kba u khaw, u da puh thalap, nangta u kyrdem kjat thum ha khyndew U leh kumta laisien laiwat, lada kata ruh ka mon te ka wan iakrad jingbam lem hajan hajan Hynrei lada kam mon ka phet sha jngai Haba kam mon u iarryngkuh uba la rangbah um ju leh bor Hynrei u kyrdem kjat thum ha khyndew, nangta u kynih, u ieh ia kato, u wad da kawei Kane ka ialuh samla u Syiar ka phalang ha ka ialuh samla u rangbah Khasi ha ka shad suk mynsiem ne shad lat Ynda la jan kut artad ka shad, phin iohi ba uwei u nongshad

ba la kham rangbah u ialam ia ki khyraw nongshad sawdong sawdong ki thei sotti hangto Phin iohi ruh ba ka jylli shad ka long kaba ki nang khem nang khem pynrit Une u rangbah haba u ialam kumto ha ka jingshad u phawar artad la artad ki jingphawer ba iadei bad ka ialuh samla. Nangta u peit thuh de kano ne kino na kita ki theisotti kiba la bit ban iawer sha kane ka kam Kito kiba la i bit ki phuh muiñ shi muiñ haba ki sngap ia ki phawar, nangta ki sawkyniang ki ngap hoiñ hoiñ Kito ki bym sngewthuh ne patiaw ia kata ka iawer, kito ki shu la ka shad bhabriew Haba u rangbah u iohi ba sawkyrang ka thei samla u shad artad u kyrdem de thum ha khyndew ha pyrshah kata ka samla ba la i dei nangta u king pa king ha la ka jingshad Ka jingkyidem thum ha khyndew ka long ka dak ba u ai ha kita ki khyraw ba bud ia u ba lada ki don jingmut, kito ha kiba u ai ka dak ki long kiba la long ban ia pyrshang

Kiba bun ki rang nongshad kim tip balei ki kyrdem kumto, imat ym shym la batai ia ki ka mut aiu kato Hynrei to tip ba kato ka long ka rukom ialuh ba don buiom ba u khasi hyndai u la seng da kaba peit thuh na kiei kiei jong ka mariang

Katne u Khasi u pyndonkam ia u syiar Ka long ka bym lah sngewthuh balei u Khasi u ri syiar tang thohmut thohmat teng teng tang ban dap ka khan ka shat ka knia ka khriam ruh ym dap bha Hato um iohi ba ia kane ka jingri lah ruh ban pynlong ka tyllong ka ioh ka kot nalor ba pahuh la ka bam ryngkat ka niam ka rukom ?

Haba kylli na bun ki briew, kaei ka daw ba kim ri syiar shibun kat haduh ban pynlong mar khaii ia ki ka jubab ka shu long bert *"Tip, ym ju pat leh keiñ kumta'* Don pat ki ba tieng ia ka khlam.

Peit thuh ia kiwei kiwei ki kam Phin shem ba ka jingpyrshang kan long tang kat ban shu biang ka jingdonkam Ka jingthaiñ khoh, star, knup, trap, shang bad shylliah ka long tang kat ban shu biang na ka bynta kito kiba wad ia ki Kam ju don ka jingpyrshang ban shalan ia kine ki mar shabar Ka knup ka trap lei lei imat kumba kan sa duh noh hi ha ka jingbymlah ban iakop bad ka shatı bad ka jaiñrı Ka jingtbıt u Khası ban thaiñ mula bad shylliah ka bym long iakren, hynrei um treh ban ai ıong ia u thrı ne ia u skhen kumta ba um lah ban tharı ki mula bad shylliah bun rong U shylliah thrı u long u ba skhem bha Na ka liang ka jingshah u lah ban shah slem katbā shah kano kano ka karpet Hynrei haba la thaiñ ia u da u thrı, ym shym la thaiñ itynnad bha Kam shym don ka jingpyrshang ban ai ha kata ka jingthaiñ ki jingpynwan dur (pattern) ban pynshoh khmat ia ki nongpeit Ka daw ha lyndet kane ka long “Kı ong, ba ym ju dei ka rukom ban thaiñ khyllah” Hynrei ka daw ba shisha ha lyndet kane ka jingong bad jingleh ka long namar kam don ka mynsiem pynjop ia la ka jong Kam don ka jingkhmiñ lyntı ba yn don ba thied ia ki mula bad shylliah jong ki shabar na la ka ri, namarkata ka jingpyrshang ruh kam don hi Ban ri kano kano, ban thaw kano kano ban thaiñ kano kano ka long tang ban biang ki jingdonkam, kata, ruh malu mala. Ban die ban ıoh pısa, kata ruh tang kat ban biang ban ym da kyndoi-ja-kpoh eh, ka long ka nongrim ka treı ka ktah

U Khası u shoh thaw ki wait ki tari kiba nep haduh katta katta. Kı wait ot dohkha ki bym long ia kren ha ka liang ka jingnep bad jingskhem Hyareı phin wad ban thied ia ki phin ym lap Phin wad tari ot rutı ruh phin ym

lap Imat ba kɪ longshuwa jong ngɪ kɪm ju bam ruti mo ade ? Kɪ tari jong ngɪ la kɪ bha, kɪm pat shyɪm rung satia ha kɪ dukan heh hangne ha sor Hato kane kam dei namar katei ka daw haneng Lada ka nongrim ka ioh ka kot ka long tang ban lait ka kyndoi-ja-kpoh, to ngin peit mynta ka ba kumno ka rukom pyniaid ia ka ioh ka kot (economic system) ba u longshuwa u la seng

Lada yn peit ia kane na kɪ kyrteng ba la aɪ ha ka jingdon jingem e g *nongkynti, nongkhyɪnraw, nongtymmen, ri kynti, ri khurid, kamai ɪng kur, kamai ɪng khun*, phin iohi ba ka jingdon jingem ka shong ha la ka jingpyishang shimet Uta uba nud ban trei shitom naduh ba um pat leit ɪng briew te u la don la ka nongkhyɪnraw, uta uba nud ban phuh syep kat haduh ban da dap ka bam ka sa bad kat haduh ban da ioh kynshew katto katne, ha kaba kut lehse un ioh ban thied ka khyndew ka shyiap, ka hali hator, ka ɪng ka sem, ka ksɪar ka rupa Hɔ uba nud bad ba mon ban pynroi ia ka nongtymmen te ka nongtymmen ka kylla long ka baiseng hym rɪgat, hynrei lada da kumwei te wat ia ka ba u don ruh yn shim noh

Ka rukom pyniaid kam ba tang maiwei (individualistic) ka don ha ka kɪ jingduna kiba la long ka daw jong ka jingbymneh pateng la pateng ka spah ka hajar. Kɪ khun kɪ pyisa kɪm tip aɪu kɪ kɪn kɪ kpa kɪ leh bad kumno kɪ pyniaid ia kɪ kam jong kɪ Ka buit pyniaid kam ka long shimet bad ym lah satia ban tip ia kata namar ym shyɪm la pyllait jynhaw da ka ktien kumno kɪ leh ia kɪ. Dei namar kata ka daw ba ngɪm da don ha ka ktien Khasi kɪ kyntien kɪ ban kdew ia kane Ym don kyntien ba iadei bad ka *planning* bad *budgeting* Kɪ kyntien khaɪ kɪ long *baiseng, baiohnong, baiduh die, thied* bad lehse sa katto katne kiwei pat

Haba ka *system* ka long trei marwei marwei bad haba ka nongrim ka long tang ban lait ka kyndoi-ja-kpoh te au keiñ ngin lah ban khmih lynti ban ioh ?

Ka burom jong ka thaiñ War ka long u Sohñiamtra (tangerine) Ka jingiathuh ki riewtyminen ka long ba haba u sohñiamtra u soh bha ia ki tnad diengsoh dei ban da shan, lym kumta u soh u kynduh ha madan Ha kine ki sngi ngim iohsngew shuh kum kine ki jingiathuh Lait noh noh na ka snem 1992, ym shym da don ka jingsoh soh kaba da katta katta Ka daw ka long namar bun ki diengsoh ki iap tram, bad wat kito ki bym iap ruh kim seisoh Ka daw ba la ai ka long namar ba ka khyndew ka la blad, kam don shuh ha ka ka bor pyNSEISOH namar ym shyin la ai lad ia ka ban pynthymmai ia lade da kaba ich syllai Te hynrei kaba pynlyngngoh ka long ba ka jingud ka la shu sahkut kumto Kam shym da don ka jingpyrshang ban leh thymmai ia ka rukom thung diengsoh

Ka jingthung diengsoh ha ri lum ruh ka shu long madei mata Ym shyin don ka jingpynmih soh ka ban biang ban kyrshan kum ki mar rew na ka bynta ki kaikhana umsoh, jam bad jeli La shu ieh ia ka rep soh tang kumto kumba ka ju long la ha ri War ne ri lum Balei ? Namar ka dei ka kam shimet Ban leh thymmai ia kano kano ym ju kot bor ban leh tang marwei Donkam ka jingiatrei lang jong katto katne kiba iamut kumjuh Hynrei imat ka nongrim trei marwei kam pynlah ia u Khasi ban ia trei lang Te haba kumta ngin shu sah hajuh ?

Kam long ka ba suk ban wanrah ia kano kano ka jingkylla ha ka trei ka ktah, ha ka mut ka pyrkhat khamtam lei lei lada dei ban leh ia kata da lade Ka suk ban tynneng ia kiwei, ka suk ruh ban pdiang ia ki jingkylla ba wanrah

da kiba nabar Kane baroh ka long namar ka iaroh ia lade  
 ka kyrduh bad ka shaniah ha lade ruh ka synjor palat Te  
 yn leh kumno haba kumta ? Dei ban kylla ha ka mut ka  
 pyrkhat shaphang ia lade Kam biang tang katta Haba la  
 lai ban kylla ka ba donkam eh ka long ban pyntbit kyrpang  
 ia lade ha kata ka tnad trei kam kumta ba ka jinglong  
 kyniad kan sah Phi kwah tip ki lad jingpyntbit ? Kyli  
 pyrthew, pule, tung sha ki ophis bad laibreri, bad khadduh  
 ch siewspali ia ka por

- Dr (Mrs) M B JYRWA

*(Ka jingiathuh halor u sviar bad ka iuluh samla  
 ka long kaba la pynshong nongrim ha ka jingiakren  
 halor ka Kolshoi u khasi bad I Rangbah  
 H S Lvngdoh, M L A )*

## Ka Seng Trei lang ha Meghalaya

**K**a seng trei lang ka long ka seng ha kaba ki brierw da la ka mon sngewbha ki iasnoh kti lang ban pynmih pisa na ka bynta ban seng ia kano kano ka kam ban wanrah ia ka jingmyntoi, jingroi bad jingmanbha nyngkong ia ki hi bad hadien ia kiwei de Kane ka rukom ban iapynmih baiseng lang nangta sa iasam ia ka bai iohnong ka mih na ka jingshisha ba ka kham bha bad kham khlañ ka seng ha kaba shiphew ngut ki iasnoh lang ban ia kata kaba tang da uwei u brierw khamtam lei lei lada uta uba marwei u long u bym da don ka seng kaba heh Ia kane ka jingshisha la sngewthuh da ki rangbah Khasi naduh ki snem kiba mynshuwa Ha ka kot khubor *U Lurshai*, Lber 1925, ka la don ka jingtyrwa ban thaw kawei ka 'Company' lane seng trei lang ka ban lum ia u phan, u soh, u kwai, u tympew ban shalan ia ki sha ri dkhar Ha kane hi kajuh ka jingthoh la kdew ba kawei pat ka kam kaba kongsan ba kata ka 'company' ka dei ban leh kan long ban hikai ia ki nongrep ban rep arshah ban ia kaba ki ju rep Kine ki jingtyrwa ha kane ka kot khubor ki kdew shai kdar (i) ba uwei pa uwei u nongrep um lah ban long ma u hi u nongshalan mar sha ri dkhar, (ii) ba ka kham bha ban don ka seng ka ban lum shibun ka mar nangta sa leit die ban ia kaba uwei uwei u nongrep u leit die hi ha u karia bad shah khñot dor ha u, (iii) ba ki paid nongshong-shnong ha kane ka dong jong ka ri India ki donkam ban shah hikai bad pynshlur kumno bad katno ban rep La don ka jingkdew



shaphang ka jingdonkam ia ki seng trei lang naduh 1925 kumba la kdew haneng, pynban ka jingdon bad jingiaid shaphrang jong ki seng trei lang hapdeng jong ngi kum ka jaidbynriew ka long kaba dang rit shaba palat eh Lada ia kien ia ka jingiaid shaphrang jong ki seng trei lang ha Meghalaya, kata naduh ba ka Meghalaya ka long ka jylla ba pura (Jan , 1972) yn shem ba wat hapdeng ki jingpyrshang bad jingiaksaid na ka liang ka sorkar jylla ban pynroi pynsan ia ka jingtrei kam ki seng trei lang ka jylla Meghalaya hi ka long kaba dang sahdién shibun eh

Ka jingtreikam jong ki seng trei lang ha Meghalaya ka sdang da kaba ka Sorkar jylla ka la shum ia ki aiñ seng trei lang kiba na Assam (*The Assam Act 1 of 1950*) bad *The Assam Rules 1953* bad hadien ka jingpynbit pynbiang ban pyniadei ia kine ki aiñ bad jingdonkam hapoh ka jylla la lah ban ioh ki aiñ kiba mynta ngi tip kum *Ka Meghalaya Co-operative Societies Act (1976)* bad *ka Meghalaya Co-operative Societies Rules* Kine ar tylli ki kitab ki kynthup ha ki ia ki aiñ ki dustur kiba dei kum shaphang ka jinglong dkhot hapoh ka seng, mano ba lah ban thaw seng, katno ngut ki dkhot donkam shuwa ba yn lah ban khot ia ka, ka seng trei lang, ka kynthup ruh ia ki aiñ kiba dei ban bat ha kaba thung ia ki nongkit kam hapoh ki seng, kumno ban buh jingthoh ia ka ioh ka duh bad mano ba dei ka bor ban khmih pyrman halor ka jingtreikam jong kano kano ka seng

Ban pynbit pynbiang ia ka jingtrei ki seng trei lang jong ka Meghalaya ia kaba ka la ioh pateng na ka Sorkar Assam, ha ka snem 1972 U Shri P.N Damre uba long u Deputy Governor jong ka Reserve Bank ha kata ka por u la wan sha Shillong ban khmih hi da lade kumno lah ban pynkhlañ ia kane ka tnat treikam. Kawei na ki jingring

jingmut jong u ka long ban pynkylla bad pynthymmai ia ki seng trei lang kiba ai baiseng ia ki nongrep (agricultural credit societies) ba kin ym ai tang ka baiseng hynrei kin ai ruh ia kiwei kiwei ki jingshakri kum kaba ai symbai, ai dawai sboh, dawai pyniap khñiang, die marbam mardih ha ka dor kaba tad, ha kaba thied ruh ia ki tiai ne jingmih kiba ka jylla ka pynmih bad nangta sa shalan pat shabar Kine ki jingai jingmut ki long kiba bha bad donkam na ka bynta ki briew jong ngi Ki briew jong ngi, kiba bun hi kim da long kiba riewspah Don napdeng jong ki ki bym don tang ka lum ne hali ban rep ban riang Kine ki la dei ban wai ia ka lum, thied ia u symbai bad sboh, siew bai nongtrei tang da i baiseng iba rit, teng teng don ki bym don tang ka baiseng ruh Lada ki dei ban trei khnang ban im ki dei ban shim da ka ram na ki nongaisut ha shnong Ka jingmih na kane ka long ha kaba kut ka snem, ka jingtrei shitom jong ki ka shu iadep tang bad ka ram bad bai wai Haba dei badei, haba ka nemsniew wat tang ia kane ruh ym lait

Ban pyntreikam ia ki jingai jingmut bad ban pynduh ia ki jingeh kiba ki nongrep ki iakynduh na kawei ka snem sha kawei pat la pynkhlañ ia ka jingueikam ka *Meghalaya State Co-operative Apex Bank* Haba shu kren kyllum kane ka bank ka ai ram ia ki nongrep ha ka sut kaba jem ha ki lai rukom *Short Term Loan, Medium Term Loan* bad *Long Term Loan* Nalor ba ki nongrep ki lah ban ioh ia kine ki ram na Apex Bank lyngba ki Service Co-operative Society, ki nongrep ki lah ruh ban ioh ia kine ki ram na kiwei pat ki bank kum ka Urban Bank lane Rural Bank ne Commercial Bank ruh Ka jingioh ban shim ram na bank ha ka sut kaba jem ka la dei ban pynlong ia ki nongrep jong ngi ban ym donkam shuh ia ki nongaisut ha ki shnong

jong ki, hynrei ban ioh ia kine ki ram na bank kam long  
 kaba suk Ka rukom ha bank ka long ban da bishar biang  
 pa biang la kata ka jingpanram ka long kaba shongnia  
 Shisha ka dei hi ban long kumta, hynrei namar ka jingslem  
 eh ka jingbishar bniah teng teng la shem ba ia ka ram la  
 mynjuu ban ai ynda haba ka por thung poi tep ka la dier  
 Nalor kane, ki bank kim pat da ioh ia ka jingshaniah na  
 kito ki briew ki bym nang thoh nang pule Ka  
 jingbymshemphang bha shaphang ki kyndon kiba teh ia ki  
 ka long ka daw jong ka jingbyimshaniah ba la kdew haneng  
 Kaba kyikieh eh ka kam ka long, namarkata, ban nang  
 pynbun shuh shuh ia ki skul pule na ka bynta kiba la san  
 bad ha kajuha ka poi lyngba kine ki skul ban pynlung ruh  
 ha ki ia ka mynsiem iatiei lang Ka seng ki seng tiei lang  
 ha Meghalaya ia kaba la tip kum ka *Meghalaya State  
 Co-operative Union, 1978* ka la iohi ia kitei ki jingeh ba la  
 kdew haneng, bad kum ka seng ka la kut jingmut ban  
 ialeh tynggeh ban hikai bad bsuh ha ka jingmut jong baroh  
 ki nongshong shnong katno ka long kaba donkam ban shum  
 ia ki jingiarap ban ioh na ki bank bad khamtam eh ruh ka  
 long kaba nang myntoi shuh shuh lada para ma ki ki iakut  
 ban seng ki sengtiei lang kiba khlañ


Ka jingdon jong ki seng tiei lang die marbam bad  
 tiar iing ka long shisha kaba da myntoi eh khamtam lei lei  
 lada kata kaba ioh ha ka dor kaba tad ka long ruh kaba bit  
 ba biang ban bam ne pyndonkam U paid nongthied haba u  
 da thied hi la ka pisa u sngewtynnad ban thied na ki briew  
 kiba riap riap ka ktien, kiba kloi ban pyni ia ka mar, ba  
 iathuh dor, ban kdew ia ka jingbha ne jingbymbha ka mar  
 haba ia nujor bad kiwei pat La khmih lynti ba ha ki  
 jinghikai pyntbit nongtrei kiba ka *Meghalaya Co-operative  
 Training Institute* ka ai, la ai jinghikai ym tang ia ki heh ki

haiñ ha kɪ seng treɪ lang hynrei ryngkat ruh bad ɪa kito kɪ paɪdbah kɪ ɪa kynduh man ka kyntɪ ba kɪ leit sha kum kine kɪ dukan

Kawei pat ka kam ba la pyniaid da kɪ seng tɕei lang bad kaba ɪ don jingkyrmen bha ka long ka jingthaiñ jaiñ bad ka jingri khñiang sai rusom Ka jingai jinghikai kumno ban thaiñ jaiñ ka don ha kɪ khyndai tylli kɪ skul thaiñ jaiñ ha Shillong, Nongstoin, Aizadong, Jowai, Tura, Baghmara, Phulbari, Resubelpara bad Williamnagar Nalor kine, la pynbeit ruh ba kino kino kiba kwah ban leit shabar jylla kɪ lah ban leit ha ka Assam Textile Institute, Guwahati, lane ha ka Indian Institute of Handloom Technology ha Guwahati hi Na kɪ jingthaiñ jaiñ ba kham heh lah ban kdew ɪa ka Intensive Handloom Development Project ha Garo Hills ha kaba la thaiñ ɪa kɪ jaiñ kiba ɪshongkun bha Ka Handloom Weavers' Co-operative Societies ka dei ban don la kumno kumno sanphew (50) ngut kɪ dkhot kiba dei hi kɪ nongthaiñ jaiñ khnang ba ka seng kan long ka seng kaba pyniaid da kɪ briew kiba da tip bha ɪa ka kam

Ka jingri khñiang rusom ka don ha Shillong, Ummulong, Mawdymmai, Nongpoh, Tura bad Resubelpara La nang plie shuh sa ɪa kiwei pat ha Dilma bad Bonagiri ha East Garo Hills, Umsohpieng ha West Khasi Hills bad Kdiap ha Jaintia Hills Kɪ khñiang kiba lah ban ri ha Meghalaya kɪ lah ban pynmih saw jaid kɪ ksai rusom kiba kɪ khot Mulberry silk, Eri silk, Muga silk bad Oak Tasar silk Ki don kɪ seng treɪ lang kiba thied ɪa kito kɪ sop ksai kumta ba kito kiba ri khñiang kim da donkam ban khuslai shano yn pyniaid ɪa kɪ

Ym lah ban kdew lut ha ka rukom kaba bniuh ɪa kɪ seng treɪ lang kiba don ha Meghalaya. Kine harum ka long




Ka jingkdew tang ia ki jaid seng trei lang nalo kitei ba la kdew haneng (1) Service, (2) Thrifts, (5) Dairy farming, (4) Industrial, (5) Housing, (6) Fisheries, (7) Canteen, (8) Piggery, (9) Labour Contract, (10) Printing

Ha shuwa ban pynkut, la sngewdei ban kdew ia kane kawei ka jingshisha ba ka jylla jong ngi ka dang sah dien ch ha ka liang ka jingdon ki karkhana shna tiar Haba shu peit lah ban ioh kyihai ka mar rew kaba lada lah ban pyndonkam bha yn lah ban pynmih shibun ki mar ki mata kiba ngi lah ban pyndonkam hi ma ngi ha ka jaka ba ngin thied na shawei U Shyap u long uwei na ki mar rew kiba lah ch ban pyndonkam ha kaba shna bitoi Ka jingbun u siej uba lada ym pynduh noh da kaba shyrti ia ki khlaw u biang na ka bynta ki karkhana shna kot sada Ka National Industrial Development Co-operation, Ltd New Delhi ha ka Survey report kaba dei ia ka Meghalaya ka kdew ba don haduh (50) sanphew tylli ki jaid karkhana shna tiar ba lah ban seng bad pynroi hangne ha Meghalaya - da ki mar rew ba la don lypa hangne Ka la ih bha ka por mynta ba ki nongshong shnong da lade kin ieng ban seng ia ki karkhana da kaba ma ki kin seng ia ki seng trei lang Kaba shu ap eh tang ia kaba ki bor Soikar kin leh ka pynroi ia ka ioh ka kot ka jaidbynrew baroh kawei Ka jingiatrei lang lyngba ki seng trei lang bad ka jingianeh nangta ka long u shabi sha ka jingroi bad jingmanbha ia uba ngi dei ban da sumar ruh kyndong ioh kumno re kumno u jah

- Dr M. B. JYRWA

*(Ka jingsngewnguh ka long ia ki rangbah kiba  
trei ha ka Department of Co-operation,  
Government of Meghalaya, Shillong)*



## LYNNONG V

### U Briew bad ka Mariang

**K**a Mei-ramew ka long ka kmie kaba thum ha ki pneh jong ka ia baroh ki jynthaw baim bakhih haloi jong ka, hapoh jong ka ne ha suiñ jong ka Ha ka u laiphew jynthaw u heh u san, ha ka u shaniah ia la ka bam ka sa, na ka u ioh baroh kat kaba u donkam

U Nongthaw Nongpyllong ia ka U buh U bynta thik-pa-thik biang-pa-biang ia kiei kiei baroh ban iabiang pylla bad da kumta ruh ki iai long iai man na kawei ka por sha kawei pat katba u jaid jynthaw baroh u dang dem mane ia ki aiñ mariang Kum ka um ha ka pung, baroh ka jai-jai kynjai lynda don kiwei pat ki bor ba pynphaloh ia ka

Napdeng ki jynthaw baroh, ym don ba lah ban len, dei u briew uba halor tam la ha ka bor ne ka jingsngewthuh Ka jingshemphang jong u ka iai kyrsoi ha man la ka khyllipmat; nang iai mih pyrthei ki jingshem thymmai na kawei ka por sha kawei ka por ryngkat bad ki nang iai mih ruh ki jingdawa ba bun rukom Ki jingshem thymmai ki long ki jingkyrkhu ia u bynnew katba u briew u dang lah ban pyniad dor ia ki na ka bynta ka jingbha jong u hi, hynrei ki long pat ka jingtim kylla lada ia ki la pyndonkam bakla Ha u briew ki don baroh ar ki shabi

Ym don ba lah ban len ba ka don ka jingiasnoh kaba iajan tam hapdeng u briew bad ka mariang kumba long baroh ka-jait jynthaw ba un ba par ba her halor jong ka

mei-ramew Ka jingiasyllok ba kynjai hapdeng u paid jynthaw bad ka mariang kan neh lada yim don ki bor ba pynphaloh ia ka Ka jingleh be-ijot ia ka talwiar sawdong sawkun kumba ka paw ha kane ka juk mynta, kaba lehse kan nang jynde ha ki juk ban dang wan, kin long ka daw bah namar kane ka jingphaloh U briew u lah ban tei pynbha ne ban pynjot

Ka jingiada bad jingtyngkai ia ka mariang bad ki sawdong sawkun tawiar jong u briew ka dei ka kam ba dawa kyikieh mynta Ka lawei u khun bynriew shi satlak ka pyrthei ka shong syier haduh katta katta na ki daw ki kam leh pathar khlem pyrkhath ne peit jngai ia ka mariang bad ia ka talwiar sawkun jong ka

Haba ong ka mariang bad ka talwiar-sawkun jong ka, ngi mut ngi thew hi ia kane ka sla pyrthei bad kiei kiei kiba don ha ka bad ha kajuha ka por ngi thew ruh ia ka suiñ bad ka lycr ba sop ia kane ka pyrthei kiba don ka jingiasnoh bym lah ban kdat bad ka jingim u jynthaw baroh ba im ba khii halor ka mei-ramew U Nongthaw u Nongpyllong ia ka, um shym la thaw khlem da kheiñ da woh biang-pa-biang khnang ba baroh kita kiba u thaw kin pynbha pynmyntoi kylliang kylliang Kane ka tarajur iapynbiang kylliang ka iat tui khlem sangeh naduh ba sdang ka pyrthei bad shaduh kaba kut ka por, lada ka dei ban kut

Ba ka jingim u briew bad baroh ki jynthaw kan shngaiñ kan neh bad kan lait na ki jingma kiba ap ha ka lawei la donkam mardo ki lad iada ia ka mariang bad ka talwiar sawkun Ka long ka deiti jong ka mynta bad ka lawei ban wanrah ia ka jingsngewthuh ia ka dor ka mariang bad ka talwiar sawkun jong ka Namar ka spah mariang ka dap kynrei bad u briew um shym donkam ban syep ban

ioh ia ka, u kheñ mar sorkar i ka Ki khinat jong u ki kot ban iohi tang ia ka mynta bad ñiar eh u ban peit jngai sha lawei lanor Kane ka jingdkoh ka longbriew ka long ka daw ka jingbymsalia ia kaei ka ban wan jia La bynrap halor kane ka jinglong sa da ka rhah bad ka khwan myntoi shimet shikhmat khlem da tyngkai lein na ka bynta ki longdien lawei Ka jaitbynriew kaba iet bad don jingkit khlieh ia la ki khun ki ksiew ka ialeh ban tyngkai ia ka spah baroh na ka bynta jong ki Sangsot maiblei lada ngi knieh ngi knan noh ia ka hok ki khun ki ksiew jong ngi tang namar ba ngi khwan lalot Haba ki khmat jong ngi kin ym sakhi shuh ia ka lanot jong ki longdien, ngin hap ha ka bishar jong ki Yn tian bishar ia ngi da ka jingpynrem bad ka jingtim

Haba ngi phai sawdong ngim lah khlem da diaw da ka jingbynriaw ban iohi ba la sloit bad lied lyngkhuid ia ki jynphong ka mariang La syllen ki lum bad khylllem ki khlaw Ka jymphong jymgain ka mei-ramew ba pyntngen ia ki khmat u briew, ba pynitynnad ban peit khlem ngiah, ba kyrsiew thiah ia ki jingmut bani balung jong ki rang myllung, ba dap ba shlei da ki jynthaw baim bakhih ba khring ia ka dohnud ki samla, ki rangbah ban pynieng la ka ksaw ka kpong, ba ai mynsiem ia u duk u suk ha ki lum sharai masi ban pynher iewbih thiang ia ki sur rwai sur besli jong ki - shu kloñ lan mynno ka la lngaid noh sha ki por bym lah wan phai shuh. Ka jingjulor kam ktah tang katne hynrei ha kane ka jingjia la pruid ia ki dak ki shin ba iathuh lypa ba ka lanot ka ap marbud ia ki jingleh pathar.



Ki riewstad pule bniah ia ka jinglong ka mariang bad ka suiñ bneng ki iathuh ba ka jinglyngkhuid ki khlaw kan ktah shibun ia ka jinglong ka suiñ bneng kat haduh ba ka jingshit ha suiñ bad ha sla khyndew kan jur bha ha ki por mynsngi bad kham pynkhrat pat ia ki ha ki por mynmiet Ki iathuh ruh ba ka aiom ki sngi slap kan hiar katba u lapbah ba wan kum u lap praw un wan khah-khah bad thei jur jaka-jaka ban ia kaba dei ban long Da kumne ki jaka rkhiang kin nang rkhiang shuh shuh katba ki jaka slap kin sngem palat bad ktah shibun ia ka rep ka riang

Ka jinghap u slap uba jur ha kito ki jaka ba la slott noh ia ki khlaw ki btap ka sait noh phoiñ ia ka dew sboh ban pynkylla lyngki ia ka

Ba u briew un lah ban im shngaiñ bad un lait na ki jingma ba mih na ka jingpynjot, pathar ia ka mariang dei ban pynkloi ban iada ia ka

Ka dorbar ki ri ka pyrthei, kata, ka United Nations Assembly da ka jingsngew khia bad da kawei ka jingmut ka la pynmih ka rai ha ka 15 tarik u Nohprah, 1972 kaba kyntu ia ki ri baroh ba kin shim khia halor ka kam ba iadei bad ka jingiada ia ka mariang bad ka talwiar-sawkun Ka kyntu ia ka jingiatrei lang ki ri baroh ban jop ia kane ka thong Ka dorbar ka la jied kyrpang ia ka 5 tarik u Jylliew jong man ka snem ban rakhe ia ka World Environment Day Kane ka sngi ka pynkynmaw bad kan lai pynkynmaw ba u briew baroh ba im ha shikhrum ka bneng u dei ban imsngei dngong ban sharai bad tyngkai ia ka mariang bad ka talwiar-sawkun jong ka bad ban kynmaw ban kiar na ka kam leh jot pathar ia ka.

Ka kam ban ri, ban tyngkai bad iada ia kane ka spah bah ka mariang ka dei ka dei bakyrpang jong uwei-pa-uwei Ban ong ba ka kam iada bad tyngkai ia ka mariang ka dei ka kamram ka jylla bad ka ri da kaba pyllait jingkit khlieh na lade shimet ka long ka jingmut kaba bakla Ka ri ne ka jylla ka long tang ka shyntong ba suda lada weng noh ia ki briew ba shong ha ka Ki nongshong-shnong jong ka ki long ka dur bashisha bad ka inynsiem jong ka jylla ne ka ri Man uwei-pa-uwei u nongshong-shnong u long ka jylla ne ka ri Ka kamram ka ri ne ka jylla ka dei ka kamram u nongshong-shnong jong ka hi

Ka riti synshar ka Ri India ka pynkup boi ha ki sorkar jylla ban pyndonkam baroh ki lad ban ai jingiada bad pynbha ia ka talwiar-sawkun, ia ki khlaw ki btap bad ia ki jynthaw baim baroh ba don ha ki khlaw kum ki sim ki doh bad ki iniad ki inreng Ia kane ka bor la pynkhamti kat kum ka amendment ba 42 ka Riti synshar ha ka kyndon 48 A kaba ong ba ka jylla kan shim khia ban iada bad pynbha ia ka talwiar-sawkun bad ban tyngkai ia ki khlaw bad ia ki inrad khlaw jong ka ri Da ka jingthimu ban pyntrei kam ia kane ka aiñ, ka sorkar ka la nang ia pyntimh aiñ kawei hadien kawei na kawei ka por sha kawei pat kum ka Forest Conservation Act, 1980 bad ka Environment Protection Act, 1986

Ki aiñ iada ki long kiba donkam khamtam ia ki nongkam sniew Ha u briew uba don ka jingsngewthuh bad jingshemphang ba ka kam iada bad tyngkai ia ka spah mariang na ka bynta ka jingbha bad jingmyntoi lade mynta bad lawei, ki aiñ ki long tang ka jingpynkynmaw hynrei ka jingsngew krt khlieh ka wan na lade hi. Kaet

kaba u leh ne pyrkhath na ka bynta ka mariang bad ka talwiar-sawkun jong ka u leh na ka bynta ia lade hi, kine ki iashan kylliang

Ka Meghalaya ka long ka jylla kaba riawspah na ka liang ka spah khlaw Kumba 44 na ka 100 jong ka jylla, kata kumba 9963 Sq Kilometres la tap da ki khlaw ki btap Na kane, kat kum ka jingjurip ka Sorkar, tang kumba 44 na ka 100 ka hap hapoh ka jingpeit jingsumar jong ka Sorkar, kaba sah baroh ka hap hapoh ka jingpyniaid bad jingpeit ki trai jong ki ri-kynti ri-khorid, ki ri kur, ki Hima, ki raij bad ki shnong Ia kine ka sorkar kam lah ban teh lakam namar lada leh kumta ka iaiaid pyrshah ia ki riti ki dustur ba la buh naduh ki sngi u Ni u Kong hyndai. Ia ki khlaw ki btap ba hap hapoh kitei ki jaka la pyniaid mon da kito kiba long nongpeit nongkhumh ia ki Ka adong sorkar ba mana halor ka jingpom pathar ia ki dieng ki siej ka trei kam, namarkata, tang hapoh ki Rhyndew sorkar. Ban dup lah ban tyngkai bad pynneh ia kane ka spah bah bakordor ka mei-ramew ka dawa ia ka jingsngewthuh uwei-pa-uwei u nongshong-shnong ka pyrthei ban shem ki lad iada ia ka bad ban tyngkan ia ka jingkwah rhah na ka bynta ka jingdonkam shikhmat jong ka pateng jong u. Ki khun ki ksiew bad ki pateng ban wan baroh, ki don la ka bhah ha kane ka spah Balei te ngin shukor ia ki da kaba ngi knieh noh ia kaba dei hok ka jong ki? Da ki kam bym kheiti snep jong ngi ngi phon khongpong ia la ki jong, najor kata ka jingtum jong ki kan sdien lydui ha ki kpep jong ngi.

Ki jaka ba lyngkhuid khlem khlaw ha jylla Meghalaya ki don mynta palat 8150 sq. Km., 500<sup>sq.</sup> Km. la pyrshang ban thung dieng da ka Social Forestry. Da ka jingiaipom dieng pom siej ban shalan shabar ka jylla ki,

jaka khlaw kin nang ia kylla jaka lyngkhuid tiap-pa-tiap Ban pynduna ia ka jingkylla sylleñ ki khlaw, ka Sorkar ha ka snem 1976 ka la pynmih aiñ ban adong ia ka jingpom dieng ha ki jaka sor bad khap sor Ha ka snein 1981 ka Sorkar ka la mana da ka aiñ bym bit ban shalan ne pyngngad ia ki dieng lung dieng lud Toi dang iohi ba ka jingshalan ia kine ki jait dieng ka dang thnem hi

Ka jingpyrshang ka Sorkar jylla ban tyngkar ia ki jaka khlaw baiar ha kaba ki jait dieng ba bun jait ka mariang ki don, ka long da kaba pynjari ia ki jaka kum ka Balpakram ban long ka National Park Nalor ki dieng ki siej bad ki kynbat har rukom, hangne yn tyngkar iuh ia ki miad ki mreng, ki sim ki doh bad ki jynthaw ba um baroh ba kin san hapneh ki aiñ mariang khlem ka jingleh mushlia u briew. Ka Balpakram kaba heh kumba 26,748 hectare ka long ka lad ba la shum kyrpang da ka Sorkar jylla ban iarap pyllait ia ka na ka jingpynjulor u briew

Don bun ki shnong kiba daiñ ka kuna kaba jur ia kino kino kiba pom ne pyngngad dieng na ki jaka khap tlong umpohliw Ka jingbyndon shuh ki khlaw sawdong ki tlong um ka lah ban pynngad shisyndon ia ki bad ka jaka ka lah ban kylla long ri shyiap bym don bor ban pynseisoh ia ka Ka um ka long ka thymmei jingum Ym don jingthaw baim bakhih ba lah ban im khlem ka um Ki jingthung jingtep ki dawa ia ka um ban plung ban san ban seisoh. Ka um ka pynkhih ia ki kor ki bor, bad da ka la pynmih ia ka bording elektrik Halor kane ka jingsngewthuh ia ka jingkordor ka um, u briew u dei ban thaw lad kumno ban tyngkar ia ka da kaba u tyngkar ia ki khlaw ki tiap.

Katta nang mili ki sngi ki snem, katta yn nang jyllei ki briew. La ong da ki riwstad ba haba ngin kynjoh ia ka

2000 snem, kumba 4 bynta na ka 5 bynta jong u paid nongshang pyrthei uba la kot kumba 6 7 billian, un krih ban wad jaka shong jaka sah wat sha ki jaka ba rai-eh rai-dam ha kaba ka jingmih ka rep ka riang, ka bam ka dih bad kiwei ki jingdonkam ban im kan duna shibun Ki riewstad kin hap ban shem buit kumno ban ia-aireng bad kane ka jingehi Katba nang bun briew, katta ruh ki jingdawa kin bun Ki jaka khlaw bad khambun ki jaka seisoah kin shah tap da ki nongrit bad nongbah Kham bun ka khyndew yn donkam na ka bynta ka rep ka riang ban lah ban pyndap bam Ka bynta ka sla khyndew ka ban shah sliah kham bun namar kine ki daw kan long ki jaka khlaw Namarkata, ka jingdawa ba hakhamat eh ha kine Ki Sngi Jong Ngı ka long yin tang ban ialeh ban tyngkaı ia ki khlaw ki btap, hynrei ban pynroi bad pyniar pynbun ia ki jaka khlaw da kaba ngin thung ngin sara bun jait bun rukom ki dieng khamtam ha kito ki jaka kiba la khuid syllen

Ki kpa barım bajah jong ngı hyndaı ki long ki riewstad bamaian Ia ka jingjyllew ka jingshemphang jong ki la nang iai peiphang mynta ha kine Ki Sngi Jong Ngı La ju ñiew ia ki da ki nongwei nongar wat da ngı ki longdien jong ki ba ki la ju long ki 'riew ngeit bieit Ki adong bad ñiew kyntang ia ki khlaw ki btap kiba don ha ki jaka jaka da kaba pynsngew ha ki longdien ba kim bit da lei lei ban pynjot ia ki ha kano kano ka dur Katba ka ktien ki long shuwa ka dang shong sbai dang neh dang sah ki law lyngdoh ne ki law kyntang Dang bun bah ki dang ngeit ba ym bit horkit hordang ban leit lushia ia ki law-sang, law lyngdoh ne law kyntang Kane ka jingngeit bieit, lada ngı ia bishar sanı da pynshong nia bha, ka long ha ka jingshisha ka jingngeit sian

Ka la ju don kawei ka law-sang hangthie ha ka shnong Mawsynram kaba la neh da ki pateng bad ki pateng, hynrei ka la duh noh ha kine 15 ne 20 snem mynta Ryngkat bad ka, kawei ka tlong um ba bsa ia ki baden kba ka la swai bad ringsdot Ki 'khar thang mga, bym sang ia ki law-sang ki la thaw spah na katei ka khlaw katba ki trai shnong hi ki shu peit pyriman Ki dang iabieit ha kito ki por Kane kan ym dei ban jia shuh ha kine Ki Sngi Jong Ngi

Ha kane ka juk jong ki kor ki bor, ka jingdon ki kai khana ba bun jait ka long ka bym lah kiar bad kaba da donkam eh Hynrei ka jingbun ki karkhana bad kiwei pat ki kor ka nang pynjur shuh shuh ia ka jingjakhlia ka lyer Ka lyer jakhlia ka long ka bih ia u briew, u mrad bad baroh ki baim ha sla pyrthei ne hapoh ki um Ia ka um bymkhuid bajakhlia dang lah ban pynkhuid ia ka da ki lad pynkhuid ba bun rukom Haba jakhlia ka lyer da ei te yn pynkhuid ia ka ? Ka lyer bymkhuid ka ktah bad pyntroiñ ruh ia ki jynthung ha khyndew bad pynjakhlia ia ka suiñ bad ia u slap uba hap.

Ka jymphong jyrngam jong ka mei-ramew, ki khlaw ki btap, ki phlang ki kynbat ki long tang ma ki ki nong pynkhuid ia ka jingjakhlia ba don ha ka lyer, ki kjit ia ka bad pynmih pli da ka 'er khuid ba ai jingim Ban lah ban wanrah ia ka talwiar sawkun ka bakhuid ki bor pyniaid kin hap ban thaw lad thaw buit katba kum ki jingshem thymmai ka juk Hynrei ka jingkitkhlieh kam long tang ka jong ki bor synshar, ka dei ka deiti u bynriew shikhrum ka bneng ban pynlong ia kane ka pyrthei jong ngi ka bakhuid ban bit ban im, ban shong ban sah mynta bad lawei pateng la pateng

## **Ka Jingkordor jong u Dewiong ha Meghalaya**

**K**ane ka pyrthei kaba ngi im bad ngi trei ngi ktah ka long kaba newspah yim tang ha kiei kiei kiba ngi iohi ha sla khyndew hynrei wat shapoh ki niamra jong ka ruh la kine ki spah jong ka khyndew la tip ha ka English *natural resources* katba ha ka ktien Khasi pat la khot ki mar poh khyndew Ka jingdon ki mar poh khyndew ka long ka jingiarap kaba khraw ha kaba kyntiew ia ka ioh ka kot bad ka jingkiew shaphrang jong ka ri bad ka jait bynriew Ka ri kaba don ki mar poh khyndew ka long kaba donbok, namar ka jingdon jong ki ka iarap ia ka ban kyishan hi da lade Ka ri ka bym don lad ban kiew da ka rep ka riang ka lah ban kiew bad ban long kaba khraw bor lada ka don ki mar poh khyndew Ka ri India ka long ka ri kaba donbok namar ha bun ki jylla jong ka ki don ki mar poh khyndew kiba kordor Ka jylla Meghalaya ka long kawei na ki jylla kaba don ia u dewiong, uba long uwei na ki mar poh khyndew uba donkam bha

Haba kren shaphang ka jingdon u dewiong ha ki lum Khasi bad Jaintia u G Costa u thoh kumne

Ka jingkyllon kata ka Diengiei ka la kot kylleng ka pyrthei, kat shano ba dem maka u shyiap u la tep bad da

kaba iakhleh bad ka *khleñ* jong ka mian-pa-mian ka la kylla long ka 'Dewiong'

Ka jingbatai ba ka *science* ka ai ha ngi ka long ba ia u dewiong la ju shem ha syrtap ki maw kiba ki khot ki *sedimentary rocks*. Ki *scientist* ki mut dur ba ia u dewiong la pynlong da ka jingiakhleh lang jong ka *carbon, oxygen, nitrogen* bad katto katne ka khyndew. Ki mutdur ruh ba la pynlong ia u na ki jingthung jingtep kiba la shah tap bad shah ban ha ka khyndew bad ki maw da ki bun bun phew hajar snem. Ia kane ki pynshong nongrim halor ka jingshem jong ki. Ki shem ba lada tap bad ban bha ia ki jingthung jingtep bad ki dieng ki siej da ka khyndew bad ki maw, namar ka jingkhua kita ki pynmih noh ia ki *oxygen* bad *hydrogen* hynrei ki pynsah ia ka *carbon dioxide*. Kine ki kylla dewiong suki suki.

U dewiong u don bun jait, uba dang shu sdang ban long dewiong u don ka rong saw bthuh ba ki khot ha ka English *brown coal*. Ia une u dewiong lah ban ong ba u dei uba shu ih rot. U dewiong uba kham bha uba ju pyndonkam ha ka shet ka tiew bad kiwei kiwei ki jingdonkam ha ung ha sem la khot ha ka English *anthracite*. U dewiong uba bha tam bad uba pynmih duna bha ka tsem bad u dpei la khot *graphite*, ia une u jait la pyndonkam khamtam ha ki karkhana saiñ nar kiba heh.

Ka jingdon u dewiong ha kine ki lum Khasi bad Jaiñtia kam long ka jingtip kaba dang shibit hynrei kaba la kham slem. Ia kane lah ban pynshisha na ki jingthoh kiba ngi don bad ngi mynta. U G Angell Jones u thoh kunne,

---

1 G Costa, *Ka Riti Jong Ka Ri Lalpew Syiem* Bynta I, (Don Bosco Press, 1936), p.8



'U (Thomas Jones) la hikai ia ki ban thang shun da u dewiong <sup>2</sup> Kane ka pynshisha ba u dewiong u la don ha ki lum Khasi bad Jaiñtia wat ha shwa ban poi ki phareng U W J Allen ha ka snem 1858, u la ai ba kumba ar phew san hajar mon u dewiong la shalan shabar na ki lum Khasi <sup>3</sup> U James Howard Thornton u iathuh ba u dewiong u bun ha ki lum Khasi bad Jaiñtia hynrei ka rukom tih ia u ka long kaba la iim bad kaba ima katta katta U iathuh ruh ba ka doi jong u dewiong ka long kaba tad katta katta, tang phia tyngka na ka bynta shispah mon <sup>4</sup> Kane ka pyni ba u dewiong u long uba iaid iew naduh ki por barim

U dewiong u don ha ki lum Khasi, Jaiñtia bad Garo Ka rukom tih ia u dewiong ka long da kaba pyndonkam ia ka buit jong u barim bajah, kata da kaba ksam thliw bad tung shapoh Kane ka rukom tih ka long kaba bam por bha ki par dewiong kiba don ha ki lum Khasi ki long kumne

LAITRYNGEW Kane ka shnong ka don ha shwa ban poi Sohra Ka jingtih dewiong na kane ka par ka la sdang la kham slem bad ka dang lai bteng haduh kine ki sngi Kane ka par ka don kumba 2 7 million ton u dewiong

SOHRA (CHERRAPUNJEE) Kane ka jaka ka dang long hi kaba pawnam ha ka jingjui slap tam ha pyrthei Kane ka pai ka long kaba la kham slem bad la antad ba don kumba 19 million ton u dewiong

2 Rev G Angell Jones, *Ka History Jong Ka Balang*, (Khasi Jaiñtia Press, 1966), p 8

3 Hipshon Roy, (Ed.), *Khasi Heritage*, (Ri Khasi Press, 1979), p 202

4 H W Sten, (Ed.), *Khasi Studies Vol VI*, (Don Bosco Press, 1992), p 105

**LAITDUH** Kane ka shnong ka don ha ka lynti ban leit sha Mawphu bad sha Daiñthlen Ka jingtih dewiong hangne ka dang iaid shaphrang bad la antad ba don kumba 1,29,600 ton u dewiong ha kane ka par

**MAWLONG** Kane ka don ha ka lynti ban leit sha Shella Ka jingdon u dewiong ha kane ka par la antad ba u don kumba 90,00,000 ton, hynrei ka jingtih ia u ka dang shu sdang malu mala

Nalor kitei ki shnong ba la jer kyrteng haneng la shem ruh ba ka Mawbehlarkhar ka don kumba 0 12 million ton u dewiong, katba ka Byrong (Wahlong) ka don kumba 7,67,692 ton u dewiong la u dewiong la shem ruh ba u don ha Mawsynram, Langrin bad ka Darranggiri ba sha sepngi

Ki par dewiong kiba don ha ki lum Jaiñtia ki long kumne

**LAKADONG** Kane ka jaka ka don ha ka elcka Raliang Ha kane ka jaka don ar tylli ki par dewiong, ka Umlatdoh kaba don kumba 4,70,00 ton u dewiong bad ka jingiar jong ka kumba 1 05 square kilometer Kawei pat ka dei ka Pamsaru kaba ka jingngai jong ka ka long kumba 1 62 kilometer na Umlatdoh

**BAPUNG** Kane ka shnong ka jngai kumba 24 kilometer na Jowai Ka don ha ka lynti ban leit na Jowai sha Badarpur Ka jingbun u dewiong ha kane ka par la antad kumba hynñiew million ton, bad ka jingiar jong ka kumba hynñiew square kilometer Na kane ka par la tih dewiong kumba ar phew snem tam mynta bad u dei u dewiong uba bha Don ruh kiwei ki par kiba ha markhap

kane ka shnong bad ka jingbun dewiong ka long kumba  
san million ton ei ei

Kiwei pat ki jaka kiba ha Khliehriat bad Amlarem  
sub-division kiba don dewiong ki long Jarañ, Shkentalang  
bad Sutnga Ka jingdon dewiong ha *Satoonga* (Sutnga) la  
tip naduh ki poi u James Howard Thornton<sup>5</sup>

BARUAI, Khlowkynring bad Staklong kiba ha ka  
elaka Shangpung ki long ki jaka kiba don dewiong la  
unc u dewiong la sdang ban pyntih ha kine ki snem kiba la  
dep bad ka dang raid shaid shi shaid

Ka jingtih dewiong ha ki lum Jaiñtia ka dang raid  
shaphrang bad man la ka sngi lah ban iohi bun spah tylli  
ki tiok kiba kiew na ki lum Jaiñtia bad kiba hiar ban kit ia  
u dewiong

Ha ki lum Garo ruh u dewiong u bun bha, hynrei la  
sdang ban pyntih ia u dang shen<sup>6</sup> ki jaka ba don dewiong  
ha ki lum Garo ki long kumne West Darranggu. Kane ka  
par dewiong ka don kumba 125 million ton u dewiong

La shem ba don u dewiong hapteng ka nongbah ka  
lum Garo, ka Tura bad ka shnong Siju Ha kane ka par la  
antad ba don kumba 1000 million ton u dewiong

La shem ruh ba hapteng ka shnong Siju-Songmong  
bad ka shnong Dapai-Gaiogithim ka don ka par dewiong  
kaba don kumba 26 million ton u dewiong

Sa kawei ka pai dewiong kaba paw ha ki lum Garo  
ka dei ka Pendengrew Balpakram, ka jingdon u dewiong  
ha kane ka par la antad kumba 9 1 million ton ei ei

---

<sup>5</sup> *Ibid*

Ka jingmih u dewiong na ki par kiba don sawdong ka jylla Meghalaya ha ka snem 1991 ka long kumne harum

<i>District</i>	<i>Ka jingmih ha ka Metric Ton</i>
East Khasi Hills	97,460
West Khasi Hills	50,550
Jaintia Hills	27,86,418
Garo Hills	5,29,775
Ha Meghalaya	34,64,203

Ka jingmih jong u dewiong na Meghalaya ka long kaba jur ha ka shi snem shi snem Ka jingkylli kaba mih ka long shano une u dewiong u leit, namai ka jingpyndonkam ha la ka jong ka jylla kam da bun eh Man la ka sngi lah ban iohi bun spah tylli ki trok kiba hiar sha Guwahati, Silchar bad Tamabil, kine ki trok ki kit dewiong sha kita ki jaka la u dewiong uba la pynkit sha ki thain Guwahati la pynhiar ha Beltola, nangne la shalan pat sha kiwei ki jylla kiba don ki karkhana kiba heh ban pyndonkam ia u dewiong Kita ki jylla ki long Haryana, Punjab bad West Bengal U dewiong uba hiar sha Silchar la pyndonkam ia u ha kawei ka karkhana pynmih kot sada kaba don ha Pasigram Katba ia u dewiong uba hiar sha Tamabil la shalan ia u sha Bangladesh ban pyndonkam ha ki karkhana kiba don ha kata ka ri U dewiong uba shalan shabar na ka jylla u dei khamtam na ki lum Jaintia la u dewiong uba la pynmih na Laitryngew bad Sohra la kham pyndonkam ia u ha la ka jong ka jylla U dewiong uba mih na ki lum Garo ruh la shalan shabar na ka jylla.

Ka jingpyndonkam ia u dewiong ha kane ka jylla jong ngi ka long ha kine ki rukom harum.

(i) *Kaba pyndonkam ha ung ha sem* la kane la leh haba ki briew ki shet ki tiuw da kaba thang ia u dewiong lla ka aiom Tlang la pyndonkam ia u ha kaba thang atoskhana ban pynsyaid ia ka ung ka sem

(ii) *Ha ki hospital* Ha hospital la pyndonkam ha kaba pynkhih ia ka bam ka dih jong ki nongpang bad kiba trei ha kata ka hospital La pyndonkam ruh ha kaba pynkhluit bad pynthnain ia ka um kaba la pyllait pat ha ka dur ka jinghaw ban pynsyaid ia ki kamra ba thiah ki nongpang

(iii) *Ha ki karkhana* Ha Mawmluh ka don kawei ka karkhana shna dewbilat kaba heh, ban shna dewbilat la pyndonkam ia u dewiong ban thang ia u mawshun Ha ki thain Solra ki briew ki pyndonkam ruh ia u dewiong ha kaba thang ia ka shun ban pynlong ia ka kaba bit ban bam bad u kwai bad kumjuh ha kiwei pat ki kam ung kum ha kaba pushara Ha ka sub-division Khliehriat ha ka shnong Byndihati ki shna tong surok (*lai*) na u dewiong bad ia kata ka tong surok la pyndonkam ha kaba shna ia ka surok Badarpur Ha Nangalibria ha ki lum Garo ka don kawei ka jaka ban pynmih bor electric da ka thang ia u dewiong bad la sdang ban pyntrei kam ia ka kumba katto katne por Mynta kane ka jingpynmih bor electric na u dewiong ka la sangheh namar ki *machine* kum trei kam shuh

Ha kiwei pat ki jylla la pyndonkam ia u dewiong ha kaba pynsyaid ia ki rel khamtam ki rel kit jingkit. La pyndonkam ruh ha ki karkhana kiba pher ba pher kiba don sawdong ka ri India

Ia u dewiong lah ban thang bad kaba mih na kata ka long ka gas kaba pyndonkam ha kaba thang ia ki sharak ban pynshai ia ki surok bad ki lynli ki synkien la kane ka

gas lah ruh ban pyndonkam ha kaba pynsyaid ia ki kamia ba buh ia ki tiar science, kiba ki khot *laboratory*. Na u dewiong lah ruh ban ioh ka rong dewiong lane ka rongsuok bad na kane pat ngi ioh ia ka *benzene*, *nepthalene*, *carbolic acid*, jingpynsma iwbihi bad ki rong wieh jaiñ la u dewiong lah ruh ban pynkylla sha ka *ammoniacal liquor* bad na kane pat ngi ioh ia ka *ammonium chloride* *ammonium sulphate* bad katto katne ki dawai. Ha ka jylla jong ngi ym don ka jingpyndonkam kaba thikna ia u dewiong uba ngi don, khamtam kum ha ki bynta ba la kdew haneng

Ka jingdon u dewiong ha la ka jylla wat lada ngim lah ban pyndonkam hi ruh ka wanrah bun ki jingmyntoi. Kita ki jingmyntoi ki long kumne

1 Ia u dewiong la shem hapoh khyndew kumta donkam ban tih ia u bad ban pynmih ia u sha sla khyndew. Bun ki briew ki ioh kam ioh jam da kaba tih dewiong, ka long ka kam kaba shitom hynrei kaba ioh kamai bha. Ha kine ki sngi ngi iohi ba kiba tih dewiong kiba bun hi ki dei na shabar ka jylla, kumta ngi lah ban ong ha ka pisa ka mih shabar ka jylla. Kiba kham bun na ki trai jylla ki dei kiba kyntiew ia u dewiong ha ki trok kiba kit. Ka jingbun ki trok na la ka jylla ka iarap ban pynioh kam *draiher* bad *handimen* ia ki trai jylla

2 Ka sorkar jylla ka ioh ia ka khajna surok na ki trok kiba kit dewiong shabar na ka jylla. Ka sorkar ka ioh ruh ha kiwei ki liang kum ha kaba ai *licence* ia ki *draiher*, kaba ai *permit* ia ki trok bad kiwei kiwei

3 Ka jingaid jong ki trok ha ki surok ka pynmih ia ki karkhana shna kali. Ha kine ki karkhana don bun ki nongtrei bad ha ki katto katne ki karkhana la ai jinghikai ruh ia kito kiba kwah ban nang ia ka kam shna kali

4 Ka jingiaid jong ki trok ha ki surok ka pynmih ruh  
ia ki *hotel* ha kaba ki draiber bad ki nongbud jong ki ki lah  
ban bam ban dih

5 Ka jingdon ki karkhana kum ka karkhana pynmih  
dewbilat ha Mawmluh ka iarap ban ai kam ai jam ia ki  
samla jong ka Ri Hynrei kaba phylla ka long ba kiba  
khambun ki long ki bar ri bad bar jylla kiba trei ha ki  
karkhana kiba ngi don

6 Ka jingiaid eh ki kari ha ki surok ka dawa ba dei  
ban pynbha ia ki surok man la ka por Da kumne ki trai  
jylla ki lah ban ioh kam ioh jam

Ka jingdon u dewiong ka long ka jingmyntoi ia ka  
jylla jong ngi ha ki bun ki liang khamtam ha kaba pynioh  
kam pynioh jam ia ki samla ka ri La ju ong ba ki Khasi-  
Pnai kim ju lehrain ban trei ia kano kano ka kam, hynrei  
ngi iohi ba mynta bun kiba wad kam wad jam Kane ka  
mih namar ba ki samla kane ka jylla jong ngi ki iabeh  
palat ia ki kam sorkai kiba kham suk Ka jingdon u dewiong  
ha la ka jylla ka dei ban pynkhili ia ngi ban kam trai ia u,  
da kaba trei minot da lade ha kaba tih bad ha kaba pyniaid  
ia u Da kaba leh kumta ka pisa kaba mih na ka jylla kan  
neh hi ha la ka jylla, bad kan poi ka por ba baroh ki khun  
ka Ri ki don la ka kam ka jam

- SYLVANUS LAMARE

## LYNNONG VII

# Ki Nongrep bad ki Lad ba plie ïa ki

**P**alat ban ia ka 80 na ki shi spah ngut ki nongshong shnong ha Meghalaya ki dei ki nongrep Kane ka kyrteng *nongrep* ka kynthup ia kiba ri masi, sniang syiat, dohkha bad kum kita ki kam kiba ai jingmyntoi ia kiba trei ia ki Ka jingkyntup kumta ka mih ha ki sngi thymmai haba uwei u briew u lah ban rep kba bad jhur, ha kajuha ka por u ri masi, blang, syiat, bad namar ha u don khyndew kaba don um baroh shi snem u lah ban den katto katne stir ban ri dohkha bad dohtthli Ila ka jingpyniaid kam ka sorkar ha India ngi don ki 'riew shem phiang ha man ki tnat trei kam Namar ki jinglap thymmai ki riwstad na kawei ka por sha kawei pat ki pyni ba lah ban shakri para briew da kaba phiah ia ki kam sha ki tnat, ngi ioh ia ki stad ki jhad ha ka rep, ka ri mrad bad ri dohkha

Ka jait bynriew kaba kiew kam lah ban khaphiip ia kaba la dep namar kaba la leit noh ka long ka iit khmih ba ai bainong khnang ba kin iohi ia lade kham bha Nga pynboi ia lade ban ngeit ba ym ju duh ki 'riew pyrkhat ha kano kano ka jait bynriew la ka rit ne heh, kiba pyrkhat shwa ia lade, hynrei ia iamad ba kam long kumta ha baroh ki jingiadei kam, namar don bun kiba kloi ban iarap ia kaba ki nang bad lah.



Ki nongrep ha East Khasi Hills ki ioh mynta ia ki lad ban pynroi la ka kamai lyngba ka seng iatrei lang lane *co-operative* Bun na ki samla pule ha ri Khasi kim treh ban long wat tang ki dkhot jong kano kano ka sosaieti ruh ki sngew, lehse, ba ka dei ka kam kaba rit eh Lada ngi dei lei lei kiba wan na ki shnong kiba im bai khaw na ka rep ka riang, ngi dei ban im sngi kliaw ban pynshlur ia ka kam kamai lang Kane kan long tang ka jingialap ha ki shkor byim lah pdiang, hymrei kaba iaid kam ha kiba sngew ba ka kam shakri ia ki para briew ka kham kor ban ia kaba kynmaw ia ka lad ban klun kaba yin don jaka ha ki sosaieti lada don ba plie kumta kata ka sosaieti ka kyllon Lah ban kylli la kitei ki mat puson ki iadei ne em bad ka kam rep ? ka jubab ka long hooid

Ila ka jingtrei kam jong ki kooperatib don kawei ka mat ba ka sorkar ka ai kyrteng da ka *integrated co-operative development project* (ICDP, haba thoh lyngkot) Ka mut ka projekt kaba pyniaid kam lang bad kano kano ka kam kamai da kaba iatrei lang para dkhot jong ka sosaieti, bad kita ki kam ki thew sha ka jingioh nong jong ki dkhot hi bad ka shnong ba ki shong Ban rep kham bun ka lyngkha khlem da shim bun ka poi haba lui ne puh ia ka, ka ICDP ka ai wai ia ki traktor bad ki *power tiller* jong ka sha ki nongrep Ka doi ban shim wai ka iaphei kumne ia ki dkhot ka sosaieti 415 tyngka ban tih khyndew da ka power tiller shi akar, katba ia kibym pat long dkhot 519 tyngka shi akar Kane ka long tang ka nuksa ban pyni ba ki dkhot ki ioh ban shim wai ha ka dor ba kham jem bad ka long ka jingiarap ia ki hi. Ka mut ba ki la ioh nong lpa naduh ba sdang ka kam rep

Ki dkhot ka sosaieti ki lah ban thied ia ki koi kynshait dawai ia ki jingthung jong ki haba don khñiang bad ia ki dawai ha ka dor ba la buh ka Projekt Lada kim thied ruh ki lah ban shim wai ia ki kor man ka sngi bad siew dor man ka sngi Kane ka pynlah ia ki sosaieti ba hap hapoh ka ICDP ban nang ban mang lpa ia ki jingdon kam ki dkhot bad ka pynlait ruh na ka jingduh nong

Ka jingeh ba kham khraw ia ki nongrep ka long ka jaka die ia ki mar jong ki bad ka jinglut ha ka bai kit Ngithikna ba haba kit sha jngai, ngi hap siew ia ka bai kali Lah pat ban don ki sngi ba ki trai kali kim lait ban phah kamai ia ki trok jong ki Ka don ka jingthmu na ka liang ka sorkar bad ka ICDP ia kaba la sdang pyntrei kam ban pynlah ia ki nongrep ban leit kit ia ki mar (nuksa, phansying, synsar, latyrpad, sohmrit) sha ki kudam ka sosaieti kaba hajan jong ki Kin kham ioh nong namar ba lait ka lut sngi bad lut bai kali haba leit die shabar Ki nongrep kiba pynpoi ia ki mar sha ki kudam ka sosaieti kin ioh peisa ha kajuh ka sngi, khlem da hap ban ap da ki taiew, ki bnai Kaba ap hi ka long ka jingduhnong ia ki nongrep lane iano iano uba die ei ei Lah kaba ioh pyndon kam ia ka tyngka kham kloï ba kan pynmih sut ban ia kaba ap. namar ka jingap ka buh ia baroh ha ki jingeh, lah ban long ka jingleh rain ruh Kibym pdiang ia ka jingmyntoi ka jingiatrei lang ki kylli kumno ? Ki samla ha kine ki sngi jong ngi kiba la jop hok wat tang ia ka klas XII ruh ki sngewthuh myntoi katno ban hap leit lum 20 hajar tyngka sa shi bnai hadien, haba ka jingdon kam ba mynta ka taiew ka long san hajar bad dei ban ioh ia kata ? Kiba ngeit ia kane ki iohi wat na jngai ruh, kata, khlem pat long dkhot kano kano ka sosaieti bad ki sa rung artat

Ka lah ban long ba ka sosaieti kam don da ki lak tyngka ban siew ia ki nongrep Kumno kata ka jingpyrkhat thynmai lane philosophi kan trei kam ? "Wa !" u dkhot uba sngewthuh un pynhiar mynsiem namar u tip ia ki dustur ka kam trei lang ha India Kane ka wa' ka don jingmut, wat lada kan eh ia bun hajar ngut ban batai ka mut aiu U dkhot ka sosaieti uba la lah ban pule English un batai shai lada u la long lpa u dkhot kano kano ka sosaieti Nga artatien la ubym long u sngewthuh ne um sngewthuh ia kane Ka dei ka kam jong u Kaba ngi tip ka long ba ka sosaieti ka pynmyntoi ia baroh ki nongshong shnong kiba hajan jong ka Kaba u dkhot ba kit khia ia la ka kamram un iathuh ka long ba hapoh ka ICDP lah ban ai iam ia ki sosaieti ban thied ia kita ki mar ba pynmih ki nongrep bad lah ruh ban iarpai bai seng ia ki, lada ki don kam Dei na kine ki ar tylli ki lad ba kawei pa kawei ka sosaieti kaba hap hapoh ka ICDP kan lah ban siew peisa ia ki dkhot ha ka sngi ba ki wan die ia ki mar bam sha ka sosaieti, Nalor kine, ka jingiarap ka wan na MECOFED ruh ha kaba pynpoi ia ki mar rep sha ki sosaieti Ka jingiapynbeit lpa bad ki nongtrei katei ka seng kan pyllait na ki jingwit ba lah ban kiar Kane ka jingpynbeit lpa ka don kam ha bun ki liang Ki nongrep jong ngi ki hap ban thied ia ki symbai ba kham bha, ka sbob ban long bha ki jingthung Ki lah ban pyrkhat ha ki kham sngewthuh ban ia ngi kiba pule na ki kot. Ki don hok ban pyrkhat kumta namar ym shym ia thaw ia baroh ban ioh kajuh ka mon, kajuh ka jingsngewthuh, hymrei kaba sngap lem ia ka jingai jingmut jong kito kiba la pynlut por da ki snem ban pule ka don la ka dor. Kito kiba la pule ha ka kam rep ki nang ban eksamin ia ki jingthung kum u phan, u kba, u tyrso ban shu ai nuksa. Kumba kiba la dep MBBS ki hikai ia ngi ban sumar ia lade bad ia kiba rit

kibym pat tip shibun, ki riewstad ha ka rep ruh ki leh kumjuh Da la ka jinglong tynrai, ngim don dawai ban pynlap ia ki khñiang kiba pynsniew ia ka rep ka riang jong ngi Lada don uba nang ba tip hangne hangtai ruh um lah ban sam paidbah ia kata ka jingstad jong u namar ngim don la ka kot ka sla shwa ba ka niam Khristan ka rung sha ki lum jong ngi Toi ngi ang nud ba kan poi ka por ha kaba ki riewstad ka juk thymmai kin buh ia ka jingstad Khasi ha ka jingthoh, te katba kam pat poi kata ka por dei ban sngap ia kaba ki riewstad saians ki iathuh

Bun na ki sosaieti ha ri Khasi kim pat don ia haduh mynta (1993) ki tiar ba ki tip da ki *rak*, na ka ICDP don ka lynti ban leh ia kane ruh Ngim dei ban sngew pher ia kane ka noun thymmai ha ka Khasi namar ngi la don lpa kum *ketli* lane *tipot*, kine ki dei ki kyteng ba ngi la shim kylliang na kiwei Lada buh ia ki mar ban die ha ki rak, ki nongthied ki iohi na bar ruh, hynrei kaba shu buh ha imadan ka pynsniew bad pynhiar dor ia ki, kaba mut, ka jingduh nong ka sosaieti hi Nalor ki rak, ki sosaieti ki don kain ki mieij, ki shuki, ki duli, ki ben bad kiwei pat ki tiar Kitei baroh ki long ka hok kynti jong ka sosaieti kumba long ki kor ki bor ba ka la thied Ka ICDP ka lah ban iarap da kaba ai jingmut sha ka Apex Bank ban ai shah katto katne por kat kum ka kyndon ba kan batai ka Bank, nangta ka ICDP ka iarap ruh ha kaba synniang bai seng ban thied ia kitei ki tiar

Don ruh ka skhum ha kaba ki nongrep ki lah ban seng ia ka sosaieti kaba lah ban rep ban pynmih mar bam ba iaioh ne iaduh jingmyntoi lang. Ki khot ia kane ka *joint*

*farming* Nga artatien shibun la kane kan trei kam ne em ha ki lum Khasi há kiba ka khyndew ka dei ka jong ki paid nongshong shnong, hynrei lah ban pyrshang

Haduh mynta ruh ki karkhana kiba pynmuh kam kham bun kiba la seng kum ki sosaieti ki dang duna ha ri Khasi Don kiba la khang syndon Ia kita ki khot *industrial co-operative societies* Don ki daw kiba lam shaduh ban iap syndon kum kita ki sosaieti Kan iarap ia ki nongialam jong ka lawei ban kynmaw ia ki daw kumba long mynta (1993) (1) Ka jingleh sting ki dkhoh ba kim pyrshang ban iatrei lang ia ki kam ba ki lah lane nang, (2) ba ki dkhoh kiba nang ia ki kam ki shong jngai eh na ka ophis ka sosaieti, (3) ba ym don nongtrei kum u *secretary* bad kiwei kiba nang shisha ia ki kam, khamtam ia kaba buh jingkhew lane ba ki dkhoh kum treh ban siew ka tulop ba iadei dur ban ioh da kiba nang ia ki kam, (4) ba don ka jingkyrkieh ban iasam noh ia ka jingioh nong khlem pyrkhah ia ki sngi ba sniew jong ka sosaieti, bad namar ba don bun ki daw, yn kdew sa tang kawei, (5) ka jingbuh teng ban pyndep ia ki kam

Ka lawei ka ri Khasi ka shong ha ki samla baiet kiba pule ha ki skul bad kolej mynta Kum kiban sa ialam ia ka ri sha ka jingbit jingbiang ha ka lawei, ki lah ban dawa ia ka nia ka jutang halor kitei ki san tylli na bun ki daw ba ki sosaieti karkhana ki kyllon Haba ki don ka hok, ka dei ruh ka kamram jong ngi kiba la kham san ban ai nuksa

*Ka jingleh sting* U nongpule un sngewthuh kham bha lada u nang bha (ym dei khyndiat) Ia kano kano ka kam trei kti bad ki kor kam suh jaiñ, kam moramot kali, kam shon kot ban shu ai nuksa Haba u long dkhoh ka

sosaieti, un leh sniew ia ka bai seng ba ki dkhoh ki iasynnang lada um pyni nuksa ia kaba u lah ban leh hi lada u lait por, bad lada ka dei ka kam jong u marwei Lada kum uta u dkhoh u sngap jar lane kiar na ki dorbar ka sosaieti, kata ka sosaieti ka kyllon Kiwei pat ki dei tang ki kpanah Ym don jingbakla ei ei ha kane ka jinglong kpanah Kito ki kpanah kin salia ban tip ia ka nongrim ba la seng ia ka sosaieti ruh Ki lah ban seng da ka kam la jong kaba trei ia kajuh hi khlein pyrwa ia ka jingmyntoi ka kam trei lang bad khur sha lade ia ka jingmyntoi Ki dkhoh kibym ju poi sha ophis ka sosaieti kin leh hok ban weng noh ia lade na ka da kaba pan noh ia ka bai seng ba ki la siew Lada ki pan pat ynda ka sosaieti ka dap ram, ym don lad ban leh ia kata ka kam pynphai ruh Haba la iamon jur ban seng ia ka karkhana da kaba iatrei lang, dei ban peit kliaw ba la leh ia kata ka kam ban pynioh kam ia kiwei pat, ym ia lade Toi, uba seng u lah ban shah jied kum u *chairman*, hynrei ha kawei pat ka snem yn long da uwei pat u dkhoh Kaba leh sting ka mut ba ka bai seng ba u dkhoh u siew ka long kaba tam ba lait bad kaba u lah ban klet noh ruh Ngi ki Khasi ngi long 'kumta, mo ' Ki nongialam ka lawei kin leh bha ban hikai ba wat shi spah tyngka ruh ka don ia ka dor namar ha ka snem ban wan kan pyni ba la tam khyndiat lada buh ha Apex Bank

*Ka jingngai ka jaka* Ka jingngai ka jaka shong ki dkhoh na ka ophis ka sosaieti ruh ka long ka daw ba pynthud ia ki ban poi bad ban iarap ia ki kam ba ki nang bha Kan kham jop ka sosaieti kaba don ki dkhoh ha kajuh ka shnong bad kiba lah ban iakynduh mynstep ne janmet ynda wan na jingtrei

*Ka jingdung, longtrei* Ka sosaletı kaba pyniaid karkhana ka don kam ki nongtrei kiba baroh shı sngı Uba pyniaid ia ka lei lei un leh bha ia ka kam lada um don shuh da kawei pat; ka mut ba la dei ban siew ia u ha ka tulop ba un neh slēm ha ka kam U nongpyniaid u lah ban long u secretary lane u manager, hynrei uba nang ia ki jingkhciñ jingdiah ha ka rukom pyniaid sosaletı ha India Lada la siew bha ia kum kita, ka kam kan roi bad kan pynmyntoi ia ki dkhot ruh

*Ka jingloh nong* Lada ki dkhot ka sosaletı ki kyrkieh ban iasam ia kaba loh nong ruh ka ktah ia ka jingroi ka kam khamtam ha ki snem ba don jingkulmai ha shnong ha thaw Ban thikna ba ka sosaletı kan ieng, haduh lai snem ei ei dei ban ap bad trei shitom ruh khnang ba ka bai seng ka nang heh bad ba yn lah ruh ban ieng ha la ki kjat

Ha ka IC'DP don kiwei pat ki lad ba lah ban loh jinglaiap bad jinghikai de Ki samla pule ba wan nabai sor kin kham sngewthuh ban batai bad lam lyntı ia ki nongrep ba kin shim ia ki lad baroh ban pynroi ia lade

Kaba kham ktah ia ka jingkiew ki sosaletı ka la ju long ka jingbymkit khia ban siew ia ki ram ba la shim na ki bank Ia kane kawei ka phang, ki dkhot ki dei ban minot ban iakyntu iwei ia iwei pat ban siew dep ia ka ram kat kum ka por ba ki la pdiang Te ia ki sosaletı kiba jop ha kane ka liang ruh don ki kynja jingpynshlui kaba da ka jingsiew

## Ka kam Hikai

**K**aba ai jinghikai ia kiwei ka long kawei na ki kam ba ngi iatrei ha kane ka spah snem bad lehse ha ki pateng ban wan ruh Toi, la sdang ban hikai ia ki longshwa jong ngi naduh ka spah snem ba khat khyndai, nyngkong eh da u Alexander B Lish bad ynda ka kam jong u ka sangeh ha ka snem 1838, ka jinghikai skul ruh ka sangeh tat haduh ba u Thomas Jones bad u William Lewis ki plie ia ki skul bad pynim biang ia ka kam hikai Kat kum *U Khasi Mynta*, Lber 1, 1897, ia ki skul ba nyngkong eh la plie ha ki thain Sohra La thoh ruh ba don 10 tylli ki skul bad 132 ngut ki nongpule shwa katei ka snem, hynrei kat haduh u Lber 1897 la don 230 tylli ki skul bad kumba 4,500 ngut ki nongpule

Kumba long mynta ki skul ki la nang roi bad ki nonghikai ruh ki nang bun namar ki kmie ki kpa ki kyntu ia ki khun jong ki ban iabeh ia ka jingnang jingstad Namai ki sngi jong ngi ki long kiba thymmai, ka rukom hikai ruh ka kylla katba kum ka por Kane ka dawa ban ioh ki nonghikai ba tbit naduh na skul haduh *university* Ha kane ka lynnong yn pynleit jingmut tang sha ki skul heh, ki kolej bad university

Ka kam hikai ha skul heh ka dawa la kumno kumno ki bnew kiba la pyndep ia ki kyrdan kum ka B.A , B Sc ,



bad B Com , kat kum ka jingdon kam ka skul. Kito kiba ai jinghikai saians de ki thung da kiba la dep ia ka B Sc Ha kine ki sngi ka sorkar India lyngba ka University Grants Commission ka dawa ba kiba rung thymmai sha ka kam hikai ha kolej ki dei ban ioh nong haduh 55 na ka 100 ha ki eksamin jong ki ha M A , bad M Sc Ha university ruh ki dawa kumta hi ia kiba rung thymmai

Ban long ki nonghikai skul ba tbit don ki kynja jinghikai ba kyrpang tang ia ki hi Ia kata ka kyrdan ngi khot B Ed , ha kine ki sngi jong ngi bad B T mynshwa Ha Shillong don ar tyili ki kolej, ka Post Graduate Training College bad ka St Mary's College, kiba pyntbit ia ki nonghikai ha skul heh Nalor katei ka kyrdan don de sa ka lad ban pynthymmai bor ia lade ha ka liang ka jingtip bad ki nonghikai skul kiba ang nud ia kaban ioh lad ban iasyllok bad kiwei pat ki nonghikai kin tip na ka State Council of Educational Research and Training kaba don ha Shillong hi

Ia ki nonghikai kolej bad university don da kiwei pat ki lynti ba ki pyntbit shuh shuh ia lade Kaba kham suk ka long ban shum ia ka *refresher course*, kata kaba la kdew naneng kaba ai lad ba ki nonghikai kin pynkynmaw ia lade ia kaba ki la tip lpa, lane pynpliah shuh shuh ia lade kat kum ki jingtip thymmai ba ki sngi jong ngi ki don ban ai Ia kiba dang sdang ia ka kam hikai, don ka *orientation course* kaba pynkhreh ia ki ban long ki nonghikai ba kham tbit Kine ki rukom ai jinghikai ki dawa ia ka por ba haduh 21 sngi lane saw taiew kawei, bad ia ki nonghikai kiba la pyndep haduh ar tyili kum kita ki jingpule la flew da ka sorkar ba ki bit ban ioh ka jingkieu kam kum na ka kyrdan *lecturer* sha ka *senior lecturer*, bad haduh *selection grade*

*lecturer* ha kolej bad university Ha bun ki jylla ha India don ki lad ban pynlong ia kum kata ka jingiasyllok bad tlang bad lyiur Sngew dei ruh bai pyni ba kaba pyndep ia ki ar tylli ki jingpynthymmai ia ka bor hikai kam biang Ki snem ba ngi shakri ruh ki don la ka dor Hangne te dei ban phai sha kawei pat ka mat ban pynpyrkhat ia kiban rung sha ka kam hikai ha kolej bad university

Nalor kiba kum kitei ki kabu ia kiba la bei bai lut da ka sorkar ne da ka UGC, don ka jingpynshlur ia ki nonghikai ha kolej bad university Kiba la dep ia ka kyrdan M Phil ki ioh nong khyndiat naduh ba rung bad haduh ka por ba kyntiew kam ruh, kiba la dep Ph D lei lei tang san snem kin hikai ki la lah ban dawa ia ka senior grade Ka mut ba yn siew ia ki ha ka tulop ba 3000-5000 tyngka shi bnai sa bad kiwei de kum ka bai dawai dashin, ka bai iing (kum ha NEHU) kat kum ka kyrdan jong ki Ban pynshlur ia kito kiban rung ha ka kam hikai ha kolej, lah ban iathuh beit ba ka kyrdan kito kiba la buh ha ka selection grade ka iaryngkat bad ka jong ki reader ha university, lait noh ka tulop, namar kaba ioh iah iing ka iapher Hynrei lada ki iaryngkat bad ki reader ruh ki SGL kum ha NEHU kim lah ban long ki nongpyniaid ia ka department namar la tyngkai ia kata ka kam tang ia ki reader bad professor Ka jingpynshlur na ka liang ka sorkar, khamtam ia ki nonghikai kolej bad university ka kynthup ia kaba ai shuti ia ki nonghikai ban pyndep ia ka M Phil bad Ph D , ia ka jingtip ba thikna lah ban ioh na ophis u DPI bad na NEHU.

Ioh kum kiet ba ki nonghikai university ka kham khia kam ban ia kiba ha kolej ha kane ka dur (1) Don ai

tylli ki klas ha university man ka sngi tang ia kiba pule M A lane M Sc , bad kawei shi sngi ia kiba pule M Phil; don sa ki kynta ba u nonghikai u iasyllok kyrpang bad kito kiba thoh ban ioh M Phil bad Ph D ban btin lynti ia ki ha ka rukom ba lah ban bud (2) Ki nonghikai kolej, la ki don haduh hynriew klas shi sngi kim hap ban duh thiah ban khmih ia kum kitei ki kam (3) Ki nonghikai university ki hap ban bishai ia ka jingthoh eksamin ki samla jong ngi, haba kyntait ki nonghikai kolej Kane ka thew eh ha ki por ba ki nonghikai kolej ki don daw pyrshah ia ka sorkar ne ia ka university Ka long ka kam ba eh shibun, namar ki hap ban pule ia ki kot baroh ba don ha ka syllabus bad ban pyrkhat ruh ba kiba ialeh PU lane B A kim iaryngkat bad ki samla pule ha university Kane dei ka jingkit ba khia tam Namar kane ka daw, ym ju kham phah eksamin hi ia ki jingthoh na kolej sha ki nonghikai university haba kito kiba don ha kolej ki pdiang ia kata ka kam Ia kiba hikai ha kolej kibym don poi shuh ban poi sha university ki lait na ka jingbishar ba rieh ia ka jingtrei jong ki ha ka liang ka jingpynmih kot thymmai Ia kane ruh dei ban shai ym dei ki novel, drama, ne portui, hynrei ia ki kot thymmai kiba mih lyngba ka jingwad sani ia ki jingtip ba iadei dur bad ka subjekt ba ki hikai kaban iarap ia ki nongpule bad nonghikai ruh Ngi ngeit ba ki nongpule ki tip katno ngut na ngi kiba hikai ha kolej bad NEHU kiba pyishang ban pynbiang ia kane ka jingdawa ba rieh ki boi ba haioi

Ban lah ban iasam ha ki samla ia kaba ki nonghikai ki la pynkhreh don kam ia bun ki tiar iarap Haba ka skul ka duk lane haba u nongpyniaid u kheiñ sting katno katno ruh u *chalk*, ka *blackboard*, bad *duster* ki dei ban don ha

ka kamra hikai Ka kamra hikai ruh ka dei ban ngiam ban shong baroh kiba la ioh ban pule Ngi sngewthuh bha ba don ki klas kum ka English bad Khasi kiba don palat spah ki samla Ngi sngew synei ia ki Ngi sngew dei ba lada ka kamra ka pynrung palat ia ka 75 ngut ba dei ban buh da kaba ki English ki khot *microphone* Ngi kylli kumne kumno kan long lada ki samla jong ki sngi jong ngi ki dawa ia kata ? Ngim jubab namar ka sorkar ka dei ban tip ia kaba ka UGC ka khmih lynti khamtam ha kolej bad university, hynrei ha skul heh ka shong shibun ha ka sorkar jylla Ha skul ngi khmih lynti ba yn don ki map, kita ki *chart*, ka *laboratory* bad kiwei de, lada don bor ia ka radio bad *tibi* (television sets) Ha university bad kolej ruh lah ban pynbiang ia kitei ki tiar iarap, hynrei ha ka jinglap jong ngi, don kam ruh ka kor *xerox* ne kano kano ka kor kaba lah ban pynmih bun kopi ia kaba ki nongpule kim ioh ban thied na lew Ia kum kitei ki kor don kam ha kolej bad ha university ruh ban pynlong ia ka jinghikai kaba iarap shisha ia ki nongtei ia ka lawei ka ri jong ngi

Sngew dei ban lam lynti ruh ia kiban poi sha ka kam hikai Kham mynshuwa, kiba shu dep B A , lane B Sc , ki long kiba bit eh ban hikai ha skul heh Ngi tip da kaba wad, ba kiba hikai Khasi ha kolej mynshwa ki dep tang ia ka klas X Ngi phla shai ba ngim ngeit ba wat kiba la dep sa ka B A ruh khlem refresher course kin pei phang ban hikai ia ka Khasi ha kolej Haba ngi thoh *Khasi* ngim mut tang ia ki kot drama, novel, bad poitri. Ngi mut ia ka aii jong ka ktien Khasi ruh ba ki khot linguistics Dei hangne ba ngi thaw dieng pynkiang ia lade hi, lada ngi la shah ialam bakia ha kibym pei phang ia ka jingdawa ki por. Ban

pynkhreh ia lade na ka bynta ka kam hikai don tang khyndiat ki lynti (i) thied ia ki kot pule bad pule ia baroh ki lynnong ba don ha ki, (ii) pule ban sngewthuh ia ki lynnong, (iii) pule ia ki kot ba iarap ban sngewthuh ia ka lynnong, (iv) kylli ia lade hi la ngi sngewthuh ne em ia kaba la thoh ha ka lynnong Lada kiba pule ha kolej mynta ki phikir ia kitei ki mat, khlem pep kin ioh ban hikai ha skul heh ynda ki lait na kolej Ban poi sha kolej bad university kan eh ha ka spah snem ba arphew wei La dei naduh kolej ban im sngi ban shim kham bun ki *paper* ha ka subjekt ba ki samla ki thmu ban hikai ynda ki la pyndep haduh ka jingpule ha university Naduh ka snem 1993 ter ter, haduh ba ka university kan pynbeit da kumwei pat, kiban shim *major* ha ka subjekt ba ki thmu ban hikai kin kham don lad ban ioh pule ha university Tang ka M A. ne M Sc kan ym biang shuh Ka jingpynkhreh kan kynthup ia kaba pyndep kum ia ka M Phil bad Ph D de

Kiban ialch kum ia ka I A S bad ia ka M C S lane kiban pule LL B ki lah ban jop wat tang ka B A degree ruh, bad kim don kam M A , M Phil, bad Ph D Ngi kiba hikai ngi pyndep ia kitei

- DR B WAR

## LYNNONG IX

### Kaba Hikai Thoh

**K**a jingthmu ha kane ka lynnong ka long ban hikai thoh ha ki klas ba kham heh, naduh VII haduh XII ym ia kiba dang sdang pule ha ki skul rit ha kiba ngi dang hap hikai kumno ban pynkhun ia u let lane pynbeit ban mih ki dak pule ba ju pyndon kam ha kano kano ka ktien Kane ka mut ba ngi pynleit jingmut sha kiba la nang lpa ban thoh

Ka jingnang lpa, hangne ka mut ba ki nongpule ki la nang ban thoh itynnat ia ki dak, ki la lah ban jubab ia ki jingkylli haba eksamin ia ki, ki la lah ban thoh ia kaba ngi pule ha ki ha ka jingstet ba ki lah ban bud, bad ki la lah ban thoh ia kaba ki sngewthuh bad pyrkhat Ha ki snem ba la her sha bym ju kut, ngi la don ha 11 jong ngi ki rangbah kiba lehse kim pat poi tang ha klas VII ruh, kum u Jeebon Roy, kiba la bat ia ki kyrdan nongbishar, ngi la don ki nongthoh ruh ha kashari, bad ha kiwei ki tnat trei kam ka sorkar kiba la ioh jingpule tang khyndiat hynrei ki thoh bha pynban. U Soso Tham, u Bronath Thangkhiew, u Ondromuni, bad u Rabon Singh kim ioh lad ban pule ha kolej namar ba ym pat don bun kumba ngi don mynta lane ba ka lad ban pule kam don kumba don mynta, hynrei haba ki thoh ki pynpaw ia ka jingmut ba ki don kham shai ban ia bun na ngi kiba ioh lad ban pyndep ia ka B A , bad M.A. ngi lah Ha ki lum Khasi Pnar don bun hajar ki

iangbah bad samla kiba lah ban thoh, hynrei kim lait ban kien Don pat kiba kren bun ki ktien, hynrei kim lah ban thoh Sngew tynnat ba don kum kita ruh namar ka iarap ia ki samla ka juk thymmai ban lum jingtip shaphang kita ki nongshong shnong Don kiba lah ban kren bad thoh, hynrei khyndiat eh ki jop ha baroh ar

Balei ? Don kaba iasnoh ba ki dak ba thoh bad ka tukom kynnoh ia ki haba kien Ki nongpule Khasi kim shem jingeh ei ei ban kynnoh kumba ki la thoh Ha ki klas ut, ka jinglah ki khynnah ban kren ka iarap ia ki ban thoh ia kaba ki lah lyngba ka jinglam lynti u nonghikai Ha ki klas heh kum naduh VII haduh XII, ngi dei ban pynleit por ha ka kam thoh Don ki daw (1) Ba ki samla pule kin lah ban pynpaw ia kaba ki tip halor kano kano ka phang da kaba thoh shai, (2) Ba kin jop ha ki eksamin jong ki; bad (3) Ba kin loh kam ban trei

Baroh ki nonghikai ki sngew rem haba ki samla pule kim lah ban thoh bha ia kaba ki nang ruh Kane ka thew shibun ia kito ki samla ia kiba la pynkhreh bha, bad kiba pule minot ia ki kot jong ki bad kiba poi sha skul man ka ngi ba long klas lait noh haba ki pang ne don ka jingjie ba kim long kiar shuh Ki nonghikai bad kiban sa hikai kin leh bha ia lade bad ia ki samla ban pyndon kam ia ki jingkylli ha ki klas bapher ha skul heh ban loh ia ki lynti ba ki lah ban iarap ia ki samla pule, kham tam ha kaba thoh Kiban sa jied ban long nonghikai ki lah ban leh kham bha naduh ba ki dang don ha kolej bad university. Kane ka lam ia ngi sha ka jingpynkhreh ia lade kum ka mat ba nyngkong eh ba ngin leh bha ha ka kam hikai thoh. Lah mynta ban iapait ia ki jait jingthoh ba pher ba ngi iakynduh

ha skul bad ha kolej da kaba pynphai ia la ka jingmut sha kaban long kam ym tang ha ka por ba hikai, hynrei ruh ban tei ia ki nongpule lane pynkhreh ia ki ban iakynduh ia ka lawei bym jngai shuh

## 2

*Kaba thaw sentens* Ha ka snem 1980 nga thoh ba ka sentens ka don la kumno kumno kawei ka noun bad kawei ka verb Ka eh ha kato ka snem ban tyrwa beit ba kano kano ka klas ba thikna kum ka Verb, ka Adverb, ka Adjective bad ka NP (noun phrase) ka lah ban long sentens, namar ia bun na ki nonghikai la saiñ dur da ka grammar ba rim Hynñiew snem hadien nga thoh ba ka "sentens ka long ka lyngkhot jingkren kaba don kaba sdang bad kaba kut ha kaba kawei ka kyntien ka wan hadien kawei pat ha ka rukom ba ki trai shnong ki pdiang" Ngim pdiang ba *ja ham nga* ka long ka sentens ba ki nongkren ki ñiew kum kaba beit Haba don ba thoh *nga ham ja* pat, ngi sngew suk mynsiem namar ba ka jingthoh ne jingkren ka long kaba ki Khasi ki pdiang hun Ha ka snem 1991 pat hadien ka jingiasyllok bad kiba hikai ha kolej, ngam shym batai shuh ia ka jingmut ka sentens, hynrei nga pyni ba ka ktien Khasi ka kham pher da ki nuksa Nga pyni ia ki nuksa na ki kam la jong ba ngan lah ban pyni daw ha ki laiñ ba bud ia kane

Baroh kaba ngi thoh ki dei ki sentens La ki beit ne kim beit, la ki itynnat ne iwit, ka shong shibun ha ka jingtbir bad jingbniah jong ngi Da ki sentens ngi thoh shithi kiba iadei bad ki jingdon kam ba pher. Te ngin sdang da ka kam thoh shithi bad iakhmih kumno ngin lah ban iarap ia kiban thoh.



## SHITHI

Ka shithi ka long ka atiar ba ngi pynpaw ia ka jingpyrkhat jong ngi halor kano kano ka phang lyngba jong ka Ngì thoh shithi haba ngim iakynduh mar khmat bad uta uba ngi don kam kì samla ba pule sha jngai na la iing, kì thoh ban iathuh ba kì don kam tyngka ban thied kot ne siew bai skul bad kumta katba kum ka jingdon kam, kiba iatert iathoiñ kì leh kumjuh tang kiba kum kita kì thoh shithi wat haba kì iasah ha kajuh ka shnong ruh namar ka shithi ka shah ia u nongthoh ban pynpaw kat ia kaba um nud ban kren, kì kynja seng la kì dei bad ka niam ne kano kano ka thong kaba teh lang ia kì dkhot kì thoh shithi ban pyntip ia ka por shong dorbar bad ia kì kam ba dei ban iakren, kiba kwah ban ai jingmut ei ei sha kì nongshong shnong, kì thoh shithi sha kì kot khuboi, kiba kwah kam ruh kì thoh sha kì nongthung kam, bad kumta, ym don jingkut satia na ka kam thoh ha kane ka juk jong ngi Namar kata ka daw, sngew don kam ban iakren khyndiat halor kane ka kam thoh shithi ruh

Katba lah ban wad jingtip, kì Khasi kum ju thoh shithi hyndai namar kì phah da kì kyirwoh Dang don ne em sa tang 100 ngut kiba nang ban pule kyrwoh mynta, ka long ka jingkylli Nga phla ba haduh ka klas Ph D ruh ym don ba hikai ia nga ban pule kyrwoh namar kì hikai ban thoh shithi

Haba thoh shithi la sha iing ne sha kì bor sorkar ne kì para lok, ngi dei ban phikir ba ngi pynbiang ia kine kì jingdawa ba kiba ai nong ia ka jingthoh jong ngi ha kì eksamin kin hun (1) Ka jaka shong jong ngi, bad ka tarik ba ngi thoh; (2) ka jingkhublei Ka lah ban long "Lung ba iet" ne kumta haba ngi thoh sha kiba ym dei kì saheb

sorkar ne kot khubor Sha ki saheb ne ophisar kumba iakren ki paidbah ha iew ha hat, ngi lah ban khublei tang "saheb" lane "kong" ruh, (3) ngi dei ban iathuh beit ia kaba ngi don kam, ym ban bun kyntien ha kaba iathuh ia kaba ngim don kam Kane ka dei ka jingduna ba nga lap ha bun kiba thoh shithi sha nga, (4) ka jingpynkut kaba kynthup ia ka jingsoi lyngkot ne jrong jong phi ia la ka kyrteng Haba soi kyrteng, ialeh ban pynpaw lut ia ki dak ba phi pyndon kam Ym dei ban lap ki lynti khyllah Bun sien bun wat ngi lap ba kito ki jingsoi ba shai ki kham eh ban pyrthuh

Shuh shuh, haba thoh shithi ha kine ki sngi thymmai la dei ban pynpaw nyngkong eh ia kaba don kam tam Lada pan peisa na ung, thoh shwa ia kata, kum "Sngewbha phah peisa ia nga ar hajar tyngka" bad sa iathuh ia ki daw Haden kata, sa kylli ia ka koit ka khiah Haba ki nongthoh shithi ki kyrkieh kam kum ha sor, ki kwah ban tip klo i au ka shithi ka kwah

Ha ki shithi pan shuti na ki bor ba halor ruh, dei ban iathuh beit katno sngi phi don kam shuti bad ia ki daw Ka kam kan stet shibun ban ia kaba batai shwa ia ki jingdon kam jong phi

Haba thoh shithi pan kam, te don ki nongthung kam kiba da ai da ki mat ba ki kwah ban tip shaphang kiba tyrwa ia lade ban trei bad ki Ia baroh kita ki mat dei ban pynbiang Lait noh haba don ka jaka ban pyndap ia kaba tam, la dei ban shu hun tang bad kaba ki kwah tip Don pat kiba thung kam kiba shu pynbna ba don kam ba lait ha jaka trei jong ki Kaba kum kata ka jingpynbna ka ai lad ia ki nongthoh ban iathuh lut ia kaba ki sngew lah ban trei Bun sien ia ki

jingpynshisha ba kɪ nongpan kam kɪ pynbiang ia ka jingkwah  
kɪ nongthung ia suh lang bad ka shithɪ

Ha kɪ katto katne kɪ laiñ pule, la ju phah thoh shithɪ  
pan ram kum ka bank lane ha ka M I D C lane kano kano  
ka ophis kaba lah ban aɪ ram Kɪ nonghikai kɪn pynmlien  
ban pynɪ ia kɪ nongpule ia kɪ mat ba ka jingkylli hɪ ka  
kwah Bun na kɪ seng aɪ ram kɪ shon lpa ia kɪ kot ban  
pyndap hɪ kɪba don kam ia ka ram, hynrei haba thoh  
eksamin bad kɪ nongthoh ruh kɪ lah ban ym tip ba don  
kum kita kɪ kot ban shu pyndap ia kɪba kɪ khot kɪ  
*application form* Namar ba kum kata ka shithɪ ka kham  
pher na kiwei pat ia kɪba la kdew, yn aɪ kawei ka nuksa

Nuksa Thoh shithɪ sha u Chief Executive Officer ka  
Meghalaya Khadi & Village Industries Board,  
Shillong ban pan ram, 30,000 tyngka ba phin  
seng karkhana moramot kali

Iubab

Ila

U Chief Executive Officer,  
Meghalaya Khadi & Village Industries Board,  
Shillong

Saheb,

Nga kyrpad ia phi ba phin sngewbha ban aɪ ram ia  
nga haduh Rs 30,000/- (laiphew hajar tyngka) ban seng ia  
ka karkhana ban moramot ia kɪ kali rit kum kɪ ambassador  
bad maruti Nga la pynlang ha kine kɪ snem kumba shiphew  
hajar tyngka ia kaba nga la kynshew ha ka Meghalaya Co-  
operative Apex Bank Ltd, na ka bynta kane ka jingthmu.

Nga sngew ba ka dei ka kamram jong nga ban iathuh ba nga pynkhrch ia lade na ka bynta ka kyrdan B Com , bad nga ialeh ia ka eksamin mynta Ka jingpule ka long mynstep Mynsngi pat nga trei *mechanic* ha Khan Motor Works Nga la nang ia ki kam ai rong kali, niad kali, bad ia ki kam ban pynbeit ia katto katne ki tar ki tar haba sniew ka kali Ia kane nga nang na Don Bosco Technical School

Nga don jaka hajan surok bah ha Laitkor kaba nga ioh jingbit na i mei ban pynlong kaikhana kaban rung haduh phra tylli ki kali rit ha kajuha ka por

Namar ba ym don kam ban siew bai wai ia ka jaka, bad namar ba la pynbiang lpa ia ki kor ki bor ruh, bad ba nga la sdang hi ia ka kam ai rong, ai lyer ia ki kali rit, nga lah ban siew tang haduh 3000 shi bnai Namar ha ka long briew lah ban wan ka pang ka jhia, lah ban don ki *chief* bad kuin kita, nga kyrpad ia phi ban shah ia nga ban pynkhuid ia ka ram haduh 15 bnai naduh ka sngi ba nga ioh ia ka na phi Sngewbha bishar ia ki kot ba nga suh lang.

Uba burom ia phi,  
HERBERT WILSON STEN

- 1 Ka jingthoh na i mei
- 2 Ka shithi na MCAB
5. Ka shithi na Khan Motor Works
3. Ka shithi na DBTS
4. Ka certificate na NEHU
5. Ka certificate na u Rangbah Shuong
6. Ka certificate na u DC
- 8 Ka project report.

Ha kater ka shithi don ki mat ba kiban shah hikai ki dei ban sngewthuh bha Ha ka lyngkhot lane *paragraph* ba nyngkong, u nongthoh u jubab beit ia ka jingkylli ba la ai, bad u iathuh ba u la pynkhreh ia lade na ka bynta ka kam ba u thmu da kaba pynlang peisa ha bank Ha ka lyngkhot ba ar, u iathuh ba u dang ialeh B Com, da kaba leit pule mynstep, bad u trei kam mynsngi U la nang ia kata ka kam lyngba ka jingpule ha kawer ka skul ba paw nam ha sor Ka paw ha kiba pule bniah ba uba jubab ia ka jingkylli u la pynkhreh ia lade ban seng hi la ka kam namar u la pyntbit shwa ia lade, u dang trei ia ka kam, u da kynshew kyndiap de ban kot sha ka thong, bad ban ym shaniah ha kiwei u ialeh B Com, ban nang ia ki dustur ban thoh ha ki kot ba pheir ba ka pyrthet jong ngi ka don kam Ha ka lyngkhot ba lai u la pyndon kam ia kaba u la pule ha kolej hi u don ka khyndew ba ai ka kmie ban seng karkhana kaba lah ban shum haduh phia tylli ki kali ha kajuh ka por Ha ka lyngkhot ba khatduh u iathuh ba u la don lpa ki tiar bad ba u la sdang ia ka kam Ka mut ba la don ka sem ban set ia ki tiar ba don kam ha kaba ai rong bad pyndap lyer ia ki kali Kiban sa hikai ha ki klas XI-XII kin leh bha ban bishar ba u nongthoh shithi u lah ban siew haduh lai hajar tyngka shi bnai Khmih lada katta u lah ban siew, tang 10 bnai u la dep; hynrei uba thoh u pyrkhath de sa ia ka sut U pan por haduh 15 bnai ban pyndep ia baroh kaba dei ban siew bad u la kdew ruh ia ka daw ba lah ban slem Ia ka jingpan jong u haduh 30,000 tyngka ruh ka *project report* hi ka iathuh kumno un pyndon kam ia ka Haba hikai ban thoh kum ia kane ka shithi, kiba hikai ki dei ban ym hun tang haba ki la rung sha kamra hikai, ki dei de ban tip ia baroh kiba iasnoh bad kum kane ka shithi Ka eh ban hikai

lymda kiba hikai hi ki pynshitom ia lade ban ai ka jingup ba iadei dur

Ngı iohı shuh sa ia ki kot ba la suh lang bad ka shıthı pan ram (1) Ka jingthoh na i kmie u nongthoh eksamin ka iathuh ba kam don jingwit ei ei na ka liang jong ka ban shah ia u khun ban pynheh ia ka karkhana ba u la sdang Kane ka don kam ha ki ophis kiba ai ram (2) Ka shıthı na ka bank ka pynshısha ba u nongthoh shıthı u don shısha ka jingkyshew kumba u la kdew ha ka shıthı (3) Ka shıthı na ka jaka ba u treı mynsngı ka iathuh ia ka por ba u la don ha ka kam bad ia ki kam jong ka karkhana ba u la nang ban treı bha haduh ban da hun kiba wan phah moramot ia ki kali rit jong ki (4) Ka shıthı na Don Bosco pat ka iathuh ia ki bnai ne snem ba u nongthoh u don bad ki bad ba u la pyndep thikna ia ka jingpyntbit ha ka kam ba u kwah ban seng (5) Ka certificate na NEHU ka iathuh ba u la dep ia ka Pre-University ha ka *commerce* U lah ban pynı ruh ia ka certificate na u principal ba u dei u samla ba faleh B Com (6) U Rangbah Shnong ha ki dong Khası u lah ban iarap ne ban ym iarap Ha bun ki shnong Khası, ka jingkubur na u ka iarap ia uba kwah jingiarap da ka ram (7) U *deputy commissioner* u ai ia ka jingpynshısha ba uba thoh u dei u Khası ne u dkhar uba la shong la sah ha Meghalaya (8) Ka jingpynı ia ka jinglut bad jingmıh bad ia kaba lah ban siew man u bnai ka dei ban paw ha ka *project report*. Ngim ariatuen ba ia ka shıthı yn pyrkhath bnıah, bad ba u nongthoh un ioh nong Uba faleh eksamin ruh un ioh nong kumjuh. Kiban hikai ki dei ban shim nuksa na kine ki mat ba la pynı

Ki nonghıkai ki lah ban pyrkhath sa ia kiwei pat ki jait shıthı ba ngı thoh, bad pynbest lpa ia la ka jingmut kumno ban iarap ia ki samla pule.

## PARAGRAPH

Ka katei ka nuksa shithi pan ram ngi iohi ba ym shym la thoh lyimbnep ia kaba dei ban iathuh La buh ha ki lyngkhot Ka daw ka long ba haba buh lyngkhot lyngkhot ka pynsuk ia ki nongpule ban iohi ia ki mat ba ngi don ban iathuh Kumta lah ban shim ba ha kawei pa kawei ka lyngkhot lane paragraph jong ka jingthoh don ka mat ba kyrpang lane ki mat ba iaiard lang Kiban sa hikai lano re kin leh bha ban pynmlien shwa da lade haba ki thoh ei ei ban ym pyniakhih ia ki mat tang ha kajuha ka lyngkhot Kito ki nonghikai ba la rim ha ka kam ki lap la slem ba don ki nongthoh eksamin kibym pat sngewthuh ia kane ka mat ba don kam ka jingthoh Ki sdang ban jubab ia ka jingkylli, bad ki bteng sah haduh ba kut ka nia jong ki khlem paragraph Ba kiban hikai ha klas XI-XII lano re kin iohi ia kaba ki samla kum sngewthuh ia ka paragraph, yn shum da kawei ka nuksa

*Jingkylli* Thoh lyngkot bad shai halor kine cash book, ledger, balance sheet

Ka jubab ia katei ka jingkylli ka dawa ia lai tylli ki paragraph tang ia ki kyrteng English Lada u nongthoh u lah ban pynlyngkot ia ka jubab u lah ban leh haduh san kawei ia ka lam phrang, lai ia kita ki kot buh jingkheifi had kawei ka jingpynkut nia Lada u nongthoh eksamin u jubab tang ha kawei ka paragraph ne lyngkhot kaba lah ban jia ka shai u nongai nong ia ka jingthoh u lah ban shim tang ia kawei, bad leh noh ia kiwei pat ki mat Kane ka jingthoh eksamin khlem lah ban shim ia ki mat ha ki lyngkhot ba iader dur ka tan sharum ia ki nongthoh eksamin kibym shym ioh jinghikai ha skul kumno ban thoh na ki dustur ba kin ioh nong kham bun

Nga artatien la ka don ne em ka jinghikai ba kum kanc ha skul Ka English Grammar kaim don Te haba kam don hato ngin sah dien? Ngim dei shuh ki mraw jong ki grammar nongwei Ngi la biang por ban iatap ia ki samla pule ban tip ia kaba ym don ba hikai ia ki Lada ngi bud beir ia kiwei, kim sah dien tat haduh ba ki nang hi da kaba pule ia ki kot kibym dei ialeh eksamin Kane ka dei ka jingduna ha ka jingjed ia ki phang ban hikai Ban iohi kham bha kham tam da kito kiba la mlien ban hikai English, kum kane ka jingkylli ka dawa ia ka jubab ba tang kawei ka paragraph *What is plant morphology?* Ban thoh ha ki ar paragraph ka mut kaba ot ia ka jingiasnoh ki mat

## ESSE

La ai kyrteng Khasi ia ka *essay* kumtei kumba la spel U R K Lyngdoh u la pynmih ia kawei ka kot *Ka Retorik bad ki Esse* bad ym don ba uoi mano mano ruh ban pynkylla ia ka da kumwei U Di B R Kharlukhi ha ka jingpynsah jingkyinmaw ia ka jingdap 150 snem ka hikai thoh bad pule Khasi u jed bad khot ia ka da ka *jingpyrshang* Kane ka dei ka jingmut tynrai jong ka French *essayer*, *ban pyrshang* Khlem pep u Francis Bacon uba la pynphriang ia kane ka rukom thoh ha ki por ba u laut u mut hi ba ka long ka jingpyrshang Ka jingkylli ka long pyrshang aiu? Baroh kaba ngi thoh ka dei hi ka jingpyrshang ban iathuh ei ei, ban batai ei ei, bad ban sam ia kaba ngi sngewthuh bha ha kiwei pat. Te haba ngi hukai ruh, ngi pyrshang ban pynsngewthuh. Haba thoh eksamin pat ki nonghikai ha ki por baroh kin shakri kham bha ia ki rishot ka lawei jong ka ri ban iathuh ba ka esse ka dei ka jubab ia ka jingkylli halor ka phang ba la ai ha ka rukom bafaid ryntih. Kane ka pynphai ia ki sha ka *paragraph* ba la pyni haneng.



Ki nongthoh eksamin ki don hok ban tip ba don la kumno kumno ar ngut kiba pule ia ka esse jong ki uba eksamin nyngkong bad uba tynjuh la ka jingai nong ka iadei dur Baroh kiba hikai kin leh bha ban iathuh ia ki samla ia kane ka jingshisha khamtam ha ki klas XI-XII bad kiba halor

La ju shim ia ka esse ba ka dei ka jingpyrshang namar kawei ka daw tynrai kaba lah ban pynlong ia ki samla pule mynta ki nongsain dur ia ka lawei ba phymai ka jingpule bad jingsngewthuh U nongthoh u pynpaw, hapoh ka poi bad ka nong ba la kular da ka jingkylli, ia kaba u sngewthuh halor ka phang ba u la jied ban thoh Ia ki mat ba u don ha lade dei ban thoh ia ki da kaba shim lane ktah ia ki mat ba iadei bad ka phang pdeng ba la phah thoh U nongthoh esse u long kum u nongthaw poitri tang ha kawei ka mat u jied ia ki kyntien ba iadei dur bad ka phang Kane ka dawa ia bun ki pej, hynrei kiba hikai kim shein jingeh, nga ngeit kumta Kiba ai nong pat ki kwah ia kine (a) ki dak ba shai, (b) ki jingmut ba shai, (k) ki nia ba lah ban pdiang, (d) ba la thoh dep ia ka esse

Ia M A bad B A, bad IAS, tang 400 kyntien la biang Ha klas XI-XII tang kat kaba la phah ban thoh 250 kyntien la biang

Don lai tylli ki rukom thoh esse, hynrei ka shong ha ki jingkylli hi haba thoh eksamin, bad ha ka jingjied ki nongthoh haba ki thoh sngewbha (1) Kaba shu iathuh khana kum ki phawei, ki khanatang, ki jingja ba dang shen, bad shaphang ka jingim briew Ha ka English la ai kyrteng ia kum kita da ki *narrative essay* (2) Kaba batai ia ka jingim bad ki kam jong ki inrad, ia ka jaka puta, ki lum ka wah, bad ha kane ka jingbatai lah ban kynthup ia ka buit shon

kot, ka buit shet kpu, bad ia ka buit thoh kot ruh La khot ia kum kita da ki *descriptive essay* (3) Kawei pat ka rukom ka dawa ban tip ia ki jingshisha baroh kiba iadei bad kata ka esse ba la phah thoh, ia ka jingmut ba ki nongthoh ki don na lade hi kum ia ki daw ba pynlong ia ka phang bad ka jingmih na ki Bun ki mat ba iadei bad ka kam synshar khadar, ka imlang sahlang kum ki jingsniew ha ka bad kum kita Ka subjekt ba ngi tip kum ka *literary criticism* ka hap ha kane ka rukom thoh namar ka dawa ba u nongthoh un bishar ia baroh ki mat ba iadei bad ka phang ba u jied Ia kum kita ki esse la khot *reflective essays*

Ia ki nongpule kiba dawa khyndiat ki rul, ki nonghikai ki lah ban kdew ia kine

- 1 Pule bniah ia ka jingkylli haduh ban sngewthuh
- 2 Pynbest ia ka rukom puson halor ka phang ba kawei ka mat kan wan hadien kawei pat kumba wan ka miet hadien ka sngi
- 3 Plie ia ka phang ka esse ha ki khyndiat kyntien
- 4 Pyniar ia ki mat ha ki lyngkhot ne paragraph kat kum ka jingīadei bad jingīajan jong ki
- 5 Pynkut ha ka rukom ba u nongpule un hun khlem da ai lad ba un khohñioh ban ai nong
- 6 Pert bha ia ka nong ba la tyrwa ban ym lut por tang ha ka esse.
7. Wat pynshlur ba kin thoh lyngkot kum “kiwei” ha ka jaka “kiwei kiwei”
8. Katba lah pyndon kam da ki kyntien bad phreis ba iadei dur bad ka phang ba la ai.

## PRECIS

Nga tyrwa ba ngim dei ban sngew nongwei ia kane ka rukom thoh, namar ki English ruh ki shim kyliang na France Haba kynnoh ka long *preisie* ha ka dustur spel Khasi lane [preis] ha ka *phonetics* Ka mut ka jingthoh ne jingiathuh lyngkot ia ka jingthoh lane jingkren Ki samla kiba ju pule khubor kim shem jingeh ban sngewthuh ia kane, namar lait noh haba ka kot khubor ka shon ia ki jingkylli bad jubab kaba ki iathuh ia ngi ki nongpule ka dei tang ka precis lane ki mat ba don kam Ngi ju lap bun sien ha ki doibar ba ki paidbah ki kwah ban tip tang ia ki mat ba kongsan, lane, don kam Thik kane ka kam thoh ka iadei dur bha bad ka juk thymmar ia kaba la synshar da ka jingkyikieh kam Ka jinglah ban pynrit ia kaba la thoh ka long ka jingiarap ia kito kiba trei ophis Kane ka mut ba ia kata ka jingthoh ba la pynlyngkot dei ban thoh ha la ki jong ki kyntien tang ba ym dei ban pynrung ia kano kano ka jingmut ba ym shym la ai lpa ha ka jingthoh ne ka jingkylli

Lada ki nonghikai ba la rim ha ka kam ki lah ba iarap ia ki samla, kine ki jingpyikhat harum kim pep ban iarap

- 1 Pule ia ka jingthoh ai sien lai sien haduh ban da loh bat ia ki mat ba don ha ka
- 2 Ai kyrteng ia kata ka precis
- 3 Buh da ki kyntien ba lyngkot ha ka jaka kiba jrong, ieh ia ki kyntien bym da don kam eh
- 4 Thoh shwa kawei, bad sa poin hadien ba la rai ba la dep ktah lut ia ki mat.

5 Bishar la kaba la thoh ka shai ne em ha uba pule  
ia ka

Yn ai kawei ka nuksa kumban kyrshan ia kitei ki san  
tyllu ki mat

U la ong ba un phai shaphang ba thiah ka sngi, u  
bnai bad ki khlur lashai dang step, namar u ong ba u dei  
ban poi ha Nongstoiñ ha ka por ba baroh kiba trei ha ki  
ophis sorkar kin dang iabun kam U ong shuh ba lada u  
slem than um lap briew shuh bad lada u dei ban sah miet  
un lut sa ka bai sah, bai bam, bai diñ Kumta u ong

### SHA NONGSTOIN

U nongkren un leit lashai sha Nongstoiñ kaba sha  
sepngi na Shillong ba un lap ia ki nongtrei ophis, namar  
lada u poi slem un hap sah miet bad pynlut peisa tam

\* \* \*

Katei ka nuksa ka pyni ba la pynlyngkot ia kaba la ai  
khlem pynjah ei ei na ka Lah ban thoh da kumwei ruh,  
hynrei la pyni tang ka nuksa

### PARAPHRASE

Kane kawei pat ka dur jong ka jingpyrshang ba ki  
nonghikai ki phah ia ki nongpule Ban thoh *paraphrase* ka  
mut ban thoh lut ia ki mat ba don ha kaba la ai lpa Ka  
iasyriem ia ka precis ha kane ka jingmut, hynrei ka  
paraphrase ka kham jrong ban ia kaba la ai lypa katba  
katei kawei pat ka kham lyngkot Kaba kham phah thoh ki  
nonghikai ka long ia ka paraphrase jong ki laifi lane dklhot  
jong kano kano ka poim ha ki kyntien u nongthoh eksamin

Ban thoh paraphrase ka mut ba ngi thoh ha ka prous  
 ban iathuh ia ka jingmut ba u nongthaw poitri u don ban  
 iathuh, namar ha ka poitri u pynsyngit palat ia ki kyntien  
 bad don ruh kiba dawa ia ka jingbatai lyngkot Ki nongthoh  
 kin leh bha ban jied ia ki kyntien ba shai, bad buh ia ka  
 jingmut ha ka rukom ba u nongpule un lap ba kawei ka  
 mat ka bud ia kawei pat Ka dawa ba ki nongthoh kin pule  
 bniah ia ka dkhoh haduh ba kin sngewthuh ia ka Lada kim  
 bniah ki symboh pyrkhath ba khraw ha ka poim, kin kylla  
 long pynban kiba khlem dor shuh ha ka paraphrase, hynrei  
 lada leh bniah, kaba thoh ha ka prous ka pynshai pynban  
 Shim kawei ka nuksa

## TEXT

Jingim ka dei ka jingialeh pura  
 Hangne ban trei, ban ap, ban rwai thikna,  
 Ki khnam ki bun, nongstat ki bun kynrei,  
 La mong sa lei, Premkar u shah mynwei  
 Nga rwai ha sur thynmai, kham syiang kham bang  
 Ha shkor ba lah ban pdiang ka ding kan klang  
 Nga sngewkynjah ba Premkar um don shuh,  
 Nga rwai ia u ha jingkyrmaw kam duh

*Paraphrase*

Ka jingim ha kane ka pyrthet ka dei ka thma ba u  
 briew u inleh man ka sngi da kaba trei minot bad hok ia ia  
 ka kam wat la bun sien hap ban ap ba ka jingtrei minot  
 kan pynmih ia u soh Ki briew ba lah ban thaw poitri ki  
 dei ban minot ha la ka kam khlem khawet ia ki jingkrei  
 bad jingthoh pyrshah ia kaba ki dep leh namar kin don bun  
 kum kita ruh

Haba la thoh ne kren pyrshah lah ban sngew mong,  
 hynrei ka jinglong u Premkar ka la long ka nuksa ia  
 u nongthoh U dawa ruh ba u thoh ha ka dur thymmai  
 bad sur thymnai ka poitri Khasi bad u thikna ba ha  
 kiba sngewthuh ia ka ki symboh pyrkhath kin kyntu ia  
 ki ban leh ei ei kaba bha U sngewkynjah sngew  
 unang ba u Premkar u la khlad noh, te da ka jingrwai  
 u pynsah jingkyinaw ia uta u rangbah

\* \* \*

Don bun kaban thoh ha kane ka pyrthet Ngi thoh  
 jingiathuh khana, bad ngi thoh kot khubor ruh Yn pynleit  
 jingmut sa tang ia kawei na ki jingthoh kiba ki samla pule  
 ha ki klas ba kham heh ki hap ban jubab Ka dei, lehse, ka  
 jingtyinjuh ia ka jingsngewthuh ia ki jingkylli ba la ai haba  
 kut ka bynta ba la sot ha ka jingkylli ia kaba ngi tip kum  
 ka *comprehension test* ha ka English

## KA JINGTHEW IA KA JINGSNGEWTHUH

Ngam kynmaw shuh la ngi hap pyni ne em ba ngi la  
 sngewthuh ia kaba la thoh bad ba ngi la pule ha ki khyndiat  
 minit ha ki sngi ba ngi iakyllur ha kolej Ila ka English te  
 don kawei ka jingkylli ba dei ban jubab Kaba thew ne  
 tyinjuh ia ka jingsngewthuh ki nongpule ka long kawei na  
 ki lynti kiba iarap ia ki ban pyrkhath kham stet haba don  
 kano kano kaba dei ban jubab. Ka iarap ruh ba kin mlien  
 ban khmih ia ki mat bad jingmut ba don ha ka jingthoh  
 kiba jop ha kane ka jingthew kum ju shem jingeh ban thoh  
*precis* bad *paraphrase*. Kawei pat ka kyrteng ka long  
*testing*

Ka jingthmu ba kongsan jong kane ka rukom jubab ka long ban khmih la ngi sngewthuh ne em ia ki jingmut jong ki kyntien lane phreis ba la pyndon kam u nongthoh ia ka lyngkhot ba la ai Lada ngi pule ia bun kiwei pat ki kot ha ka Khasi kynthup ia ka dikshneri ngin kham suk ban jubab Kham bun sien ki lyngkhot ba la sot ki dei kiba kham ch, lym kumta ki nonghikai kim sngew don kam ban tynjuh ia ki nongpule Ka jubab ia ka jingkylli ka la don lpa ha ka jingthoh ba la sot Ngı dei ban pyndon kam da ki sentens la jong kat kum ka jingkylli

Ban pynkut nga kyntu ia baroh ki nonghikai bad kiban hikai ban peit mat ba ngim don kot satia ha ka ktien jong ngi ban hikai thoh ia ki samla kiba pule naduh klas VII haduh XII Ha kino pat ngin shaniah ? Ym dei ha phi kiba pule mynta ?

- H W STEN

## Kawei pat ka lad ban ai Jinghikai

**H**a kiba bun ki ri jong ka pyrthei don de bun million ki khynnah bad samla kiba naduh san snem haduh 18 snem ka ryta kibym shym la ioh lad satia ban leit skul Don ruh na pdeng jong ki kiba la hap ban pep noh hapdeng ki jingpule namar ka jingduk bad jingkyrduh Ka la long ia ki ban ich noh la ka pule puthi bad wad jingtrei jingktah ban kyrshan ia la ka iing ka sem

Ka daw ba nyngkong ka long ka jingkyrduh ha iing ha sem Ka jingkyrduh kham bunsien ka khang lad ia ki kmie ki kpa wat la ki thrang hir hir ban phah skul ia la ki khun, ki donkam ia ki ha ki jingtrei jong ki Kaba ar ka long ka jingbymbiah ki kmie ki kpa ban pyngkup pynsem ia la ki khun kum ki jong kiwei pat Kawei pat ka long ba don ruh katto katne ki iing, kaba ka jingioh jong ki ka long ka bym biang, ki khun kiba kham san ki hap ban peit bad ri ia ki para rit jong ki haba ki kmie ki kpa ki leit trei Kaba khatduh ka daw ka long bun na ki kmie ki kpa kim da sngewthuh ban phah skul ia la ki khun, haba ki sngewthuh ba ka jingpule kam pynioh myntoi ia ka kam ka jam ba ki trei

Don ruh kiwei pat ki daw ba khang lad ia ki khynnah ban pyndep ia ka jingleit skul Ka jingbun palat ki khynnah skul, ka jingbymbiang ki iing skul, jingduna ki nonghikai kaba ktah ia ka leit skul ka jingpyneit ia ka rukom pule



(curriculum) bad ka jingbymiadei bad ki jingdonkam jong ki khynnah ruh ka khang lad ha ka roi ka par ka thoh ka pule Nalor kitei ki daw ki don ruh ki jaka ne shmong ki bym don skul bad haba don ruh ki jngai na ki jaka sah. Kane ruh ka pynsngew salia ia ki kimie ki kpa ban phah skul ia la ki khun ki kti Ka rukom pyniaid skul ha sor bad nongkyndong ka iapher shibun Te ban pynshlur ia ki khynnah ha ki ryta 6 snem haduh 14 snem ban ioh pule dei ban don ka jingpyniaid ba ryntih bad ba iahap ia baroh

Dei na kitei ki daw ba bun ki khynnah ki don shabar jong ki skul, bad ba la pyntiei kam ia ka jingpyrkhat ban thaw lad ban plie ia ki jinghikai khlem leit sha ki skul step kiba bud da ki kyrdan ba la pynbeit ryntih ka sorkar La ai kyrteng ia kane ka rukom hikai da ka non-formal education U Phillips Coomb, uwei na ki nongpyrkhat ba khraw halor kane ka phang u thoh ba "ka Non-formal education Programme ka long kawei pat ka tnad ai jinghikai kaba lah ban pyndap pynbiang ia ka jingduna ai jinghikai da ki skul Ka Non-formal Education Programme ka lah ban ai jinghikai kat kum ka jingdonkam jong u paidbah. Ka Non-formal Education Programme kam thmu tang ban ai jinghikai ha ka thoh ka pule hynrei kham kongsan, ka kynthup ia ka jinghikai ia ki aini jong ka jingkoit jingkhiah bad ban sumar ia la ka met bad ka iing ka sem, ka ai jinghikai ban seng bad tei ia ka long iing long sem bad katto katne ki jingtip bad jinghikai jong ka sarans kiba lah ban kyntiew ia ka longbriew manbriew bad ka ioh ka kot "

Ki kamram ka Non-formal Education ka long ban pyndap pynbiang ia kaba ka jingleit skul tista lane formal education kam lah ban ai namar ki daw ba la kdew haneng. Ki jait ai jinghikai ha kine ki skul bym shym seng ki dei

pat kum ka jingsaiñ dur da ki briew kiba tbit kiba lah ban pyniasoh ia ka formal bad ka Non-formal education Ki dei ruh ban tip ia ka jingdonkam, jong kito kiba don shabar ka skul. Kata ka long ym tang ban nang thoh nang pule hynrei ban kynthup ia ki jinghikai ban kyntiew ia ka rep ka riang, haba plie ia ki iing ban ai jinghikai lane adult education centre na ka bynta kiba la san ban plie ruh ki skul na ka bynta kiba la pep skul noh tang shiteng por

Kine ki long katto katne ki mat ne jingthmu jong kane ka prokram

(1) Ban pynkhreh ia kano kano ka shnong ne kyntoit ban pdiang ia ka jingnang ban thoh bad pule kum kawei na ki lad pynroi ri

(2) Ban iakdew bad pyni ia ki lad ki lynti ba iaryngkat bad ka jingnang ne jingtbit ha kaba wad bad shimti ia kano kano ka kam

(3) Ban pynlong ruh ia ki nongshong shnong kiba tbit ban trei ban ktah ha la shnong khamtam eh ha ka im lang sah lang

(4) Ban pynlong ia ki nongshong shnong kiba klof ban iashim bynta ha ki kam pynroi ba pher ba pher

(5) Ban kyntiew ia ka ioh ka kot

Kitei ki long katto katne ki maw nongrim ha kaba la seng ia kane ka lad ban ioh jinghikai lyngba kane ka prokram.

Ka jingjop jong kane ka prokram ka shong eh ha ki jingiatrei lang jong u paidbah bad ki bor synhar

Ki nongpyrkhat ban pyntrei kam ia kane ka prokram ki dei ban ioh ia ki jingeh kum na ka liang ka kolshor ka jingsngewthuh bad ka rukom im jong ki briew Kum ki nongpyrkhat ki dei ban pyniahap bad pyniadei dur kat kum ka shnong ka ri bad ka jaitbynriew (Unesco-1978) Nalor kitei kane ka prokram ka dei ban hikai ruh ia kito kiba la san ha kino kino ki kam kiba iadei bad ki kam ba trei da ki kti ne kam kaikhana rit ne kam pynioi ha ka ioh ka kot

### KA JINGPYNTREI KAM KA NON-FORMAL EDUCATION HA INDIA

Ka jingbymilah pynioh ai jinghikai ryntih ia baroh ka long kawei na ki daw ka jingsah dien ha ri India Ka ri India ka la ioh ia ka jinglait luid naduh ka snem 1947, hynrei haduh kat kine ki sngi ym shym la lah pyntrei kam ia ka kyndon ba 45 jong ka ritl shynshar ka ri India Ha ka snem 1947 ka jingbun briew ha ri India ka long tang 360 million bad kat kum ka jingkheñ khana samari ha ka snem 1991 ka jingbun briew ka la kot sha ka 844 32 milian Haba kheñ pat ha ka jingkiew ha ka thoh ka pule ha ka 1947-1991 ka long tang 18 33 sha ka 52 11 na ka shi spah, bad ka jingbun jong ki bym nang thoh nang pule ka la kiew na ka 61 million sha ka 352 million

Ka nongrim trei kam ba la pynmih da ka Sorkar India ha ka snem 1986 ka ban jur ban pynkhlaiñ ia ki lad ban ai jinghikai ia kito ki bym ioh lad ban leit skul, kiba la pep noh tang shiteng por, ban pynioh skul na ka bynta kito ki bym don skul, bad ban ai jinghikai ruh ia ki long kmie. la kane la sdang pyntrei kam ha man ka jylla jong ka ri. "

Ha u bnai April ka snem 1987 la pyntrei kam ia katei ka jingthimu ka sorkar India da ka National Literacy Mission da kaba thmu ban pynsaphriang ia ka thoh ka pule ban kyntiew ia ka long briew ka man briew La mang ruh ban pynioh jingnang jingtip ia ki 80 milion kiba hap hapoh 15-35 snem ka rta, 30 million ha kaba kut 1990 bad 50 million pat ha kaba kut ka snem 1995

### **KA JINGTREI KAM KA NON-FORMAL EDUCATION HA KA JYLLA MEGHALAYA**

Na ka bynta ban hikar thoh bad pule ia kito kiba don shabar ka skul, khamtam ia kito kiba la san ka sorkar Meghalaya ka la plie 150 tylli ki jaka pule (adult education centre) ha ka snem 1990-91 ha baroh ki district jong ka jylla Kat kum ki jingkhel ba la ioh ki nongpule ki don 28,460, bad 40 na ka 100 na ki ki la kot sha ka nang thoh nang pule (literate) Ka jingai jinghikai ka kynthup ka jingshemphang kaba iader shimet bad ka trei ka ktah, ka mariang bad ka roi ka par (Functional aspect) Ban nang iai bteng ia ka jingpule (Post literacy) Ka sorkar jylla ka la plie ruh 225 ki jaka Shiksha Nilayam (JANA SHIKSHAN NILAYAM) ne ki laibrari ha ki shnong kiba kham heh Kine ki long ki jaka ha kaba u nongpule u lah ban iai bteng ia kaba u la ioh na kane ka prokram

Ha kajuha ka por ka Sorkar Jylla ka la plie ruh 1000 tylli ki jaka hikar na ka bynta kito ki khynnah kiba khlem lah ban pyndep ne pep noh na ki jingpule. Kat kum ba ioh jingkhel 20,044 ngut ki la ioh jingmyntoi na kane ka prokram.

Ryngkat bad ka Sorkar Jylla ka Centre of Adult bad Continuing Education ka North Eastern Hill University ka la pyntrei kam kum ka jingpyrshang ia ka Prokram ban hikai ia kiba la rangbah ha u bnai July 1987 da kaba plie 41 tylli ki jaka ai jinghikai ha ki shnong ba hap ha ka Umsning Development Block Naduh 1987-1989 kiba la roh jinghikai ki long 4,800 ngut bad kine ki la kot ruh sha ka kyrdan nang thoh nang pule La pyniasoh ia kane ka prokram bad ka Directorate of Agriculture, Directorate of Health Service, Social Forestry, Sericulture and Weaving bad ka State Bank of India Baroh ki kam pynroi bad pynbha ia ki shnong ki thaw ki iasnoh bad kitei ki ophis

La shem ruh tang hapoh hynriew bnai kumba 70 percent ki la lah ban thoh bad pule, bad hadien ba ki la nang ban thoh bad pule kitei ki Department ba la kdew haneng ki la ai jinghikai ha ka bynta bapher bapher kat kum ka jingdonkam jong ki paidbah

Ka la don ka jinghikai thung dieng thung siej, ha ki skol it Ki nonghikai nongpule bad kiba pyntrei kam ia ka prokram ki shum bynta

Nalor kitei ki Prokram ka Sorkar Jylla ka la ai ruh ia ka prokram kaba iadei bad ka Literacy Drive ha sor Shillong la kane ka prokram la pyniaid lyngba ki skol heh ha Sor

Ban pynkhlañ shuh shuh ia kane ka prokram ka UGC ka la ai ruh ia ka State Resource Centre ban pynmih bun ki kot ki sla ban pynkhlañ ia ka non-formal education Centre

Nalor kine la plie san tylli ki Population Education Forum ba la pyniaid lyngba ki kolej, kine ki ai jinghikai shibun halor ka long ung long sem bad ka im lang sah lang

**JINGKDEW :**

- 1) Education in Asia and Pacific UNESCO 1986 No 23
- 2) Adult Education and Development, Federal Republic of Germany 1991, No 37
- 3) National Literacy Mission, MHRD 1987
- 4) National Policy and Education, 1986
- 5) Non-Formal Education Programme, NCERT, 1981
- 6) Literacy A People's Movement, Directorate Adult Education MHRD, 1992
- 7) (LYNDEM BILORIS) "A critical study of the Developmental Plan & Programme in Primary education in Meghalaya since Independence "
- 8) Meghalaya A Profile of Development 1990-91 Directorate of Information and Public Relation, Government of Meghalaya, 1991

- Dr B LYNDEM LASO

## LYNNONG XI

## Ka Literature: Ka Bor ha ka Imlang Sahlang

**H**aba iakren shaphang ka *litereshor* (literature), uba bun balang u sngewthuh ba kane ka kyntien ka thew beit ia kawei ka jingmut, bad kata ka mut ia ki kot ne ka jingthoh kot' Teng teng don kiba pyrkhat ruh ba kane ka kyntien (*litereshor*) ka mut ia ki kot nobel, poitri, drama, bad kiwei kiwei de *lane* ia kata ka *thiar* ha kaba la lum thup ia kine ki jingthoh baroh

Hoooid, ka long kaba shissha ba ym lah ban pymakhlad ia ka *litereshor* na ki kot namar ki kot-thoh ki pynlong ia ka *litereshor* Hato, ka mut pat ia ki kot baroh ba la thoh bad la pynmih ' Em, ka *litereshor* kam paiñ lut ia ki jingthoh baroh hapoh ki thapniang jong ka kata, ia ki kot ne jingthoh baroh kiba la mih ha sla pyrthei Hynrei ka kynshew hapoh jong ka tang ia kito ki jait kot kiba la thoh janai had khring ia ka jingbang jingthiang, jingsngewshoh mynsiem bad jingkie berong ka dohnud jong u paid shityllup ka pyrthei (general human interest) Namarkata, ka *litereshor* ka thew pylla ia ki kot ne ki jingthoh baroh da u diengkot uba pyrkhing katta katta shwa ba kan plie la jingkhang ba kin ioh rung sha ka iing jong ka Ka dawa tyngch ruh ba u paid pule un ñewkor bad iait ia ka namar ka long kaba jylliew ha ki khiñ jong ka bad ba ka pynpaw pyrthei ia ka jinglong briew salonsar.

Ka litereshor ka thylleng bad san irat na ka jingim briew namar ka kyrñiom jalade bad ka imlang sahleng Namarkata, kum ban shu ong noh, ka litereshor bad ka jingim briew ki long kum ki ar liang mamla jong ka pisa pliah Lada ki kot kiba pynlong ia ka litereshor *kim* phalang ia ka jingim briew ha kiba bun syrtap, kita ki kot ki kylla long tang ki jingthoh kiba ha sla bad ki bym don ia ka jinglong bashida (sincerity) ha ki Kumta ka long kaba bakla bad kaba ma katta katta ban pyrkhat (kumba don bun kiba long kumta) ba ka litereshor ka dei beir ia ki kot ki sla lyngruh lyngram

Nga hi shimet nga ngeit ba ka jingmut ne ka jingkit jingmut jong ka kyntien 'litereshor' ka dei ka 'histori u briew' lane haba ong da kumwei pai, ka dei ka thup buh jingkyinmaw ia ki jingsngew, jingmut jingpyrkhat bad ki jingagnud bajanai jong u briew shityllup Ha ka, ka buh kynmaw ia ki jingphohsniew jong u ia kiei kiei kiba janai tam jong ka jingim Shuh shuh, ka litereshor kum ka histori ka jingim briew *kam* long tang ka thup ban kynshew ia ki jingdukha mynsiem u briew, ki jingkutlad jong u, ki jinglong marwei jong u, ki jingiaksaid jong u *hynrei* ka long ruh ka thiar kynshew ia ka jingrhem mynsiem jong u, ka jingieit jong u bad ki jingshem jingiakynduh jong u ha la ka jingim Shisha, ka litereshor ka long ka jingpynpaw ne ka jingpynphalang ia ka jingim lyngba ka atiar jong ka ktien

Lada ngi la pdiang ba ka litereshor ka long ka jylli kaba iar bad ka bym shah shiliang iano iano ha ka mynsiem jong ka lyngba kaei kaba la pyni haneng, kumta ka long ka mar-kynti jong baroh salonsar. Ka jinglong tyntai jong ka bad ka kamram kyrpang jong ka ka long ban pynpait pynpra ia u pud u sam ka jingthaw briew ne ka jingsngew iaphor



hapdeng uwei na uwei pat ha ka imlang sahleng. Ka litereshor ha ka jingiar mynsiem jong ka *kam* thew da u diengkot jong ka la 'ngi dei kiei (what we are)' hynrei 'ngi long kiei (who we are)' kum ki para bynriew baim bakhii bad bashong basah ha kane *kawei* ka pyrthei

Kumta ngi lah ban ring dur ba ka litereshor *kam* ithuh ia kano kano ka jingiapher jait pher kynja lada ha ka rong snieh doh, ha ka jingngeit niam, jingbat iiti dustur ne jingsngew kyrpang ha ka imlang sahleng Ka litereshor ka ngam jylliew heit sha ki thied snam ka jinglong briew bad kita ki dei kum ha ka jingsngew jingkyndeh u klongsnam, ha ka jingieit ne jingiaieit, ka jingisih ne ka jingsngewbha, ki jingsngewsih ne ka jingsheptieng bad ka jingngeit kaba don ka jinglailuid Kine baroh ki long ka bynta jong ki jinglong briew lada ha u mihngi, sepngi, shatei ne shathic ka pyrthei shi satlak

Lada ka litereshor ka lum thup bad kynshew kyrpang ia kitei ki jingsngew baroh ryngkat bad ka jingangnud u briew ia kiba janai tam (ideals) kumta ka litereshor ka ktik bad kem ia ka jingsngewtynnat u briew uba dei na kano kano ka kynhun bynriew Dei hangne ba ka litereshor ka pynlong ia ngi ban sngew bad shemphang ia ka jingialong shipara ne jingialong kawei hapdeng jong ngi. U William T Long uwei na ki nongthoh ka ri Bilat u ong ba ka litereshor ka kynshew ia ki jingangnud bajanai tam (ideals) bad kita ki long kum ka jingieit, ka jingngeit, ka kamram, ka jinglong paralok, ka jinglailuid bad ka jinghurom kiba long ka bynta jong ka jingim briew bad kiba kordor tam ban ri kyndong

Namarkata, kumba ngi lah ban sngewthuh mynta, ka litereshor ka long ka bor kaba khraw bah kaba lah ban

wallam ia ka jingkylla ha kano kano ka imlang sahleng  
 Ka long kum ka um pukri kaba shngiam bad haba dih ia  
 ka, ka pynjah shiang ia u pdot batyrkhong, ka pynum ia ka  
 dohnud, ka pynkie berong ia ki jingsngew bad ka rah soit  
 ia ngi sha kata ka pyrthei ka ialong kawer Hato, ngi ju  
 kynmaw mo ba u Sophocles u dei u Krik (Greek) u  
 Shakespeare u dei u English, u Rabindranath Tagore u dei  
 u Indian (ne u Bengali) haba ngi pule ia ki jingthoh jong  
 ki ? Ha ka pyrthei ka litereshor kine baroh ki khraw pyrkhut  
 ki dei ki 'jong ngi' bad ngi dih ia ka um ba sam na kajuh  
 ka khuri Haba ngi kren shaphang kane ka bynta, nga hi  
 shimet nga angnud ba ki nongthoh bapawkhmat jong ngi  
 kin ym sahkut tang ha i jylli bashitroh jong ngi, kata, tang  
 ha ka Ri u Hynñiewtrep Nga thrang ba kine kin ym dei  
 ban long tang ki mar kynti jong ngi shimet, hynrei jong  
 ka ri India ne jong ka pyrthei satlak Ka saphthoh, ka jabeng  
 bad kaer kaba ki la ai lyngba ki jingthoh jong ki dei ba  
 sam lem bad roh bynta lem da u bynriew ka pyrthei

Khatduh, ngim lah ban len ba ka litereshor ka dei  
 kawer na ki atiar ban pynpra pynpait ia ki kynroh ka  
 jingsngewpher hapdeng ki kynhun bynriew, namai ka  
 mynsiem tynrai (essence) jong ka ka dei kumba uwei  
 nongthoh u ong ka jingpynlong bad jingpynsngew ia ngi  
 'kum ki briew' ha ka pyrthei shityllup (humanization of  
 the whole world)

- Dr BEVAN L. SWER

## LYNNONG XII

## U S.J. Duncan bad ka Biria Rai

**K**awei na ki sap thoh ba la pyniasnoh bad ki nongthoh ka long kata kaba ki khot ka *biria rai* kaba la ju pyndonkam ha ki jingthoh jong ki Kane ka dei ka sap ba kyrpang ia kaba baroh ki nongthoh kim don hynrei ia kaba la ai tang ha ki katto katne Ka *biria rai* ka long ka bynta kaba snoh bah ialade ha ka thoh ka pule ne litereshor, bad kam long kata ka jinglong, kumba don lehse kiba pyrkhath, ka ban pyntad doi ia ka thoh ka tar, hynrei kaba u nongthoh u lah ban pyndonkam ia ka ha ki por kiba ka dawa, khamtain eh na ka bynta ban pynsgew tynnat, ban pynsting mynsiem ia ki nongpule Ngï lah ban kylli ka mut aiu ka *biria rai* ha ka thoh ka pule ? Hato, ka dei tang ban shu pynrkhië iapler iapang, ban shu pynkynkduk ryndang, bad shu pynkyninaw pashait ban kut noh tang katta khlem don ei ei shuh? Kaei keiñ ka *biria rai* bad kumno u nongthoh uba tbit u pyndonkam ia ka ?

Ia ka English lehse ngï lah ban pynryngkat bad kata kaba ki ong ka *wit and humour* ka bym mut tang ka jingrarkhië sngewbha shupor ne tang ka *biria* bang ja kum ban shu ong noh Hynrei *wit and humour* ka thew. ia ka jingshemphang jingsngewthuh, ka jingstet ka jabieng ban ai nia, ka jingtbit ban pyndonkam ia ka ktien bad ka jingsngewthuh ia ka longbriew manbriew ha ka *inang* sahlang Dei kumta ba kata ka *biria rai* ba pyndonkam u

nongthoh kam kut tang ha ka ikhie sadhai, rkhie pynlut por, rkhie iapler shiteng por, hynrei, ka ikhie kynkuk ba pynpyrkhat hadien bad ka kynkduk shiphang, nangta ban pyrkhat ka mut aiu Hoooid, ngi kubur ba ka biria-dei-poi ka biang, ka biria bang ja ka biang bad ka biria pynpyngngad jabieng ruh ka biang hi Hynrei ka biria-rai (with and humour) ha ka thoh ka pule (litereshor) ka kham pher namar ryngkat bad ka don ki synboh pyrkhat kiba pynpuson Ka lah ruh ban long ba ka jingiarkhie sngewbha sngew ibeiñ halor uno uno u tyngshop ne ka puron (characters) ka lah ban long pynban ka jingikhie ialade halor ki jingduna la jong

Ngı dei ban kynmaw ruh ba kawei na ki kamram ba donkam tam ha ka thoh ka pule lada ha ka thoh khana (fiction) ne drama, ka long ban pynsngewtynnat pynsngewbha ia ki nongpule, ba kin ym ich noh shiteng namar ba ki sngew btai, hynrei ba kin shah pynthame ha ki jingiaid ki jingjia, kin kwah tip shuh shuh bad ba kin poi tiap haduh bakut ka jingpule Na ka bynta kane ka jingthimu, u nongthoh u pyndonkam ruh ia ka atiar ka biria rai Hynrei pat u dei ban shemphang hangno u thep u bsuh ia ka khnang ban pynpyngngad jabieng ia ki nongpule bad ban shemphang ruh ba um dei ban shu bsuh shu phrung juboi ioh ba ka biria rai kan sngew tad dor noh bad kylla long kaba khlem don jingmut ei ei

Ha kawei pat ka liang ka biria rai kam snoh bah tang ha ka thoh ka pule hynrei ha ka kren ka khana ba man ka sngi Don ka jingong ba "Ka biria-rai ka dei ka mluh ha ka iakren ia khana kam dei ka jingbam " Kane ka jingong ka iadei ruh bad ka thoh ka pule ha kaba ngi lah ban ong kumne pat : Ka biria rai ka dei ka mluh jong ka khana, hynrei ym ka mynsiem jong ka.

To mynta ngin phai sha u Bah Simon Jenkin Duncan Hujon kum u nongthoh Khasi uba pyndonkam ia ka biria-rai ha ki jingthoh jong u khnang ba kan long ka 'mluh' khamtam eh ha ki khana lyngkot jong u U Bah S J Duncan Hujon u la pynmih ha ka jingim jong u lai tylli ki kot *Phuit Ka Sabuit* bad ka drama shaphang *Ka Tiewlarun* ha ka snem 1968, bad nangta sa ka *U Androkli* bad *U Sing* kaba dei ka jingkylla ktien na ka diama u George Bernard Shaw *Androcles and the Lion* Lyngba kine ki kot u nongthoh u pynpaw ialade kum u nongiathuh khana lyngkot (short story writer), u nongthoh drama (dramatist), u inyllung (poet) bad u nongpynkylla ktien (translator) uba don sap bad uba da ibit bha ban pyndonkam ia ka ktien

Kum ban pynphalang jingmut, shuwa u S J Duncan ka litereshor Khasi ka thylli ryngheng ha ka liang ka biria-rai Imat don ka jingpyrkhat ba ka thoh ka tar ka long ka kam ba khia ba kyntang bad ka jingpyndonkam ia ka biria-rai ka lah ban pyntad dor noh bad pynsting noh ia ka kam ka jong ki Hynrei ia ka biria-rai kaba long ka jinglong tynrai u khun u Hynñiewtrep kam lah ban shu shah set slung hynrei ka khiiwit Ka kyan bad khatduh ka bthet shabar ha ka thoh ka tar lyngba ki shympyiali kti u S.J. Duncan Une u nongthoh u pynsaksi ba u Khasi u im u khii ruh ryngkat bad ka *biria* kaba u shem ba ka long ka dawai bah ha ka jingim jong u ba man ka sngi khamtam ha ka jingladei para briew Kumba shu ong noh, ha ka pyrthet u Hynñiewtrep ka *iasiat* ka kylla long ka 'rongbiria' bad khlem ka biria-rai kan kylla tang ka kam *khala* U phrung ruh ia ka biria-rai ha ki phawar, ha ka jingrwai ialuh iapah, ki rwai pharshi, ki tien pharshi, ki sneng tymmen bad kiwei kiwei de

Hangne ngim lah ban thir ban thairi lut ia ka biria-rai u Bah S J Duncan Hynrei ngim shu pyni katto katne ki nuksa kum ban shu ai ksa khnang ban bishar haduh katno kane ka sap ka shong synggeit bha ha une u nongthoh

Jan na baroh ki khana lyngkot ha ka *Phuit Ka Sabuit* ki suhsieng da ka biria-rai wat lada ki phang-kren (theme) ki long kiba pynphalang jingmut ia ka longbriew manbriew ha la ka shimet shimet Ha kane ka jingiadei u Bah Owen Rowie u kynthoh kumne "Nga ieh ha ki nongpule ha kin bishar ia ka jingnep ki khmat ban iohi bad ka jingtibit ban buh ha ka ktien ka ban ktik da kito kiba dei ban sngew samrkhie - kum ha "Akor kaba Tam" bad "Phim Ngeit " Jia au ha *Ka Akor kaba Tam* ? Ha kane ka khana ngi lap ia u kpa u Bor uba kwah ban die ia ka jeep jong u U kpa u Bor u dei u briew uba shisui bad u bym pat ju don jingtip ei ei shaphang ka die ka thied U la shah shukoi shah siklai ha ki lai ngut ki nongwan thied kiba nyngkong bad kiba ngi lah ban sngewthuh ba ki dei ki *mynde* kiba tip bha ia ka thok ka thak Dei kane kaba la pyinkylla ia ka jinglong tynrai jong u haduh ba um shaniah shuh iano iano ruh Ka kmie u Bor pat ka shu peit shu sngew sammut ia ka jingkhoi-khoi jinglong jong u tnga jong ka Ka la shu kren siat pharshi shisien haba ka ong "Kpa U Bor, ban bad phi te lashai ka thie ka jeep kan sa kha u khun " (p 58) Haba kut wan mih u Bah Horshon u para doh para snam uba kwah thied ia ka jeep da ka jingmut sngur bad shida U kpa u Bor pat kum u briew ba la shad samtawi ka jabieng um tip shuh namar baroh ki dei ki juh ki jait Mar ia kynduh, mar ia ai bad daifi bad daifi khlem da ap u Horshon un ong afu Ha u kpa u Bor ka long kaba dei eh namar u pyrkhath ha lade "Ha ka iadie iathied haba la ishankhmat ia u briew dei ban kren ha doh hi pum." (p. 58) Dei pat ki kyntien u

Horshon haba u ong "Nga ruh uba don la ka seng ka dang Para ba iadie iathied ynda la ia peit ia ka mar ngin sa iakren ia ka doi ka mur Ngam tip phi tharai ia nga ba nga dei uci ", (p 59) kiba la pynkyndit bynriew ia u kpa u Bor

Ha ka khana *Phim Ngeit* ' (I) pat u Bah S J Duncan u kren shaphang ka lorn lorhap, ki simlai-dieng bad ka ngeit bicit ba khlem nongrim bad khamtam eh ia u thylliej ba padiah khlem bai wai Haba shu kren lyngkot, ka khana ka sdang da ka jingiakren halor ka jingiohsngew ba don kawei ka briew kaba la kha "khun bseiñ !" La win hain ka shnong ka thaw Ka khubor ka la phriang na kawei ka ning sha kawei pat haduh ba uta u khun bseiñ khatduh u don ka dur shiteng briew shiteng bseiñ! Ya ka jingkylla dur u bseiñ nawei shawei ka long halor ka kyntien ba kit jingmut bha bad kata ka dei HANA ' bad "KI ONG" u Bah Melo kum u tyngshop pdeng ka khana u la shah shoh tyndep ha kata ka khubor ka khlieng ka tyngab khamtam eh lyngba u thylliej padiah ki long kynthei Ki "hana te" bad "ki ong" ki pynlong ia u Bah Melo ban leit "wad ia ka jingshisha!" Khatduh u lap ba ym don jingshisha ei ei bad ba dei tang ka ktien briew suda Ha ka miet ba u la shem ia ka jingshisha u la phohsniew ba u la shah tian bishar ryngkat bad kita ki lorn lorhap bad ki jrong thylliej. U Bah Melo u la hap leit bret sha riat ia uta u *khun bseiñ* uba la pynkyllañ sawdong kawei ka trok, bad ka khlieh ba heh kat ka khlieh masi ba la buh halor ka tnum shong u draiber ! Ha ka khana "Bthei ! Skei !" pat la kren shaphang ka koppia, ka sarong-plak bad ka ksan rympei rem dorbar. Ka biria-rai ka ai "mluh" ia kane ka phangkren haduh ba ma ngi ruh ha la ka jong ka jinglong teng teng ngr dei ki phuang thylli khlem um ha la ting ! Ha ka khana "Wat an

nashan ia kiwei" ngi lap ia u Worsing uba long u briew u bymhun ha la ka jingim la jong, u briew uba bishni pihuiñ ia kiwei ba ki kiew shaphrang Shisien u la ioh ka lad ban pynjah burom ia u paralok jong u namar hana u kham stad bad kiew kyrdan lyngba ki *buut shukor* jong u Mynba u dang wan shisien mynmiet na Laitumkhrah da ka kjat u la iohsngew hana ia ka sur kren ka khun u Ringson ha syndah surok Nan Polok bad ba ka la buaid bad iaiaid samla shiteng miet Ha kata hi ka miet u la leit beit beit sha iing u Ringson da ka jingkmien Hynrei u la shu ang dheng haba la plie ia ka jingkhang da ka khun kaba u la pyrkhat ka dang iabuaid tanglang ha lynti ha syngkien Namar ha kata ka miet la beh nongtuh ki pulit, la kem ia u Worsing uba mut ban leit noh sha la iing La mut ring thanat ia u hynrei la pyllait noh halor ki sakhi ki para mar dong kiba la wan mih Haba u la poi ha iing bad ka dur khmat kum u "syiar uba shah phymop ha um", ka tnga jong u ka la shu peit ia u bad kylli "Balei ?" ka jingkylli kaba kit ar jingmut imat Balei ba jia aiu hynne ? lane, balei i jem rngiew kumne?" (p 124)

Nalor kitei ki sakhi to ngin iapeit pat sa ia kawei ka bynta jong ka biria-rai u Bah S J Duncan Kane ka kham pynrkhie sngewbha hynrei kaba pynpyngngad jabiceng bad kham pynshoh jingmut bad kaba ai sbob ai sbur ia ka jingim ba man ka sngi hapdeng ka jingradei para briew U kpa u Bor (ia uba la kdew shakhmat) hana namar u kwah ban die ia ka jeep jong u, u ju "shait pynsum pynsieh, pynsad pynbhabriew man ka sngi ban kham lah dor!" (p 55) Nangta kaba wan u nongthied balai la batai ia ka dur met dur phad jong u ba kine ki kyntien - "... adie-die-die kat u pengding karai.." bad uba "Lbing, i kumba u dainamait ruh un nym lah ban pynkhih" (pp. 55, 57). Haba u iathuh



pat shaphang "U Khynraw" uba long u ksew uba ngeit sneng, uba icit kynrad bad uba ka iing ka sem ka icit thep mynsiem bha bad uba la shah pyniap bakla, u S J Duncan u ong kumne "U Khynraw, uba ngi la sngew la kum u biicw, bad ngi la khein kum uba ha iing hi, ha ka khyllipmat kaba khatduh ha ka jingim jong u, u dang tip ia ka akor ksew ban thie haba nga khot " (p 79) Nangta ngi shem pat arngut ki rang biia kiba ju iakob ha ka iathuh khana, kiba shisha ruh kito, kiba shu thaw ruh kito bad kiba shu pynheh ruh kito Uwei um ju kwah ban shah rem ha uwei pat Ki nongsngap ki shu nguid umbiah bad ikhie sngewbha ia ki khana jong ki Peit ia kane kawei ka dialok haba u Bah Lari u ong ia u Rison u khuniuid jong u

"Me la ju iohsngew ba u rwai u shriei ?" U Rison u sngew biia ia ka jingkylli, bad, ka ikhie artat u ong, "Em"

"Nga te nga la iohsngew", u ong u Bah Lari "Pleng haba rwai lu u shriei, ban ia u biicw ruh jam ryndang u shriei "

"U rwai kumno, pakhyannah ?" u kylli u Rison.

"Me tharai nga u shriei, ba ngan rwai pynbud kum u shriei ?" u dumok u Bah Lari

"Em, shu iathuh kein ha kano ka rukom u rwai ?" u khroh u Rison (p 125)

Ha kawei pat ka jaka u Bah Sami uba kham iong snieh doh, uba ki ju sin ruh Sami-iong ne Sam-iong u la kren pyndom ba u Bah Lari u dei u jler thylliej u bym pat ju iohi ne ithuh ia ka huleng "Kumno phi ong ?" u kylli

suki u Bah Lari, u peit sha u Sami, "ngam ithuh ia ka huleng ? Tang shu peit ia ka khmat jong phi la ithuh, ym da donkam ban da leit sha khlaw" (p 127)

Haba ngi phai biang sha u Bah Melo uto uba kwah ban wad ia ka jingshisha lada la kha khun bseñ da ka briew, une u la leit poi sha Civil Hospital bad ia kynduh ia kawei ka *nors* bad kylli na ka la ka long shisha kumta La phai ktien kata ka *nors* kumne "Naduh mynno phi la sdang kren biert kumne ?" i kylli dom pynban, i peit ki khmat kiba kum ka ding "Ngam shym tharai, i kynthah shuh shuh, ba u rangbah briew kum phi un dang kren ki ktien biert, ktien khyllung Iada phi kwah peit khun khla khun dngiem, khun bseñ, leit sha Kiewhati, ka don ka Ju Phi tip em ia ka Ju ?" i kylli U Bah Melo ynda u la peit ia ki khmat meh ding jong i, um nang ong shuh da kumwei, u ong, "Hoid, nga tip" "Khic leit hangto, kha khun bseñ ne em, phi loh sngew ? Kane ka dei ka hospital briew, ym dei ka hospital bseñ", i pynkut

Ban shu bteng shuh shuh halor u Bah Melo tang ban ia loh kynkduk (hynrei pynpyrkhat de), une u briew um hun bad thngad na ka jingshah dumok na Civil Hospital Ka "hana te" bad "ki ong" ki dang synshar ia u Na Civil u leit sha Welfare kaba hajan ka hospital Namar ba u la tieng *nors* bad ba kin phah ia u sha Ju ha Kiewhati, um kylli ei ei na ki. Hadien shipor u loh ia iwei i kynthai iba trei ha Welfare, iba khlem nam *nors* U kylli ia i da "i sur iba jem hin him" bad ong "ki iaong, hana, kha khun bseñ" Mar iohsngew ia kua ki kyntuen, jrañ bad jrañ i kawut ia u bad diang bad mon baduh ba, i la kylla dur ruh. i ong:

“Tang ki briew kiba don jingbakla ha ka khlieh, hangne ” i kdew artat sha la ka khlieh, “kiba poi sha kane ka kyrdan . ki sngew ba baroh ki briew ki la kylla puit kylla khñiang, ki iakha khun da ki bseñ Ka sniang ha shnong jong phi ka kha khun miaw ?” i kylli U Bah Melo u ong, Em “Ka ksew ha shnong jong phi ka kha khun biang ?” i kylli biang i da peit dom artat U ong hi, Em “Phi la don jingbakla ha ka khlieh,” i ong “Ap, ngan ai ka kot ba phin ioh leit sha iing ki lamwir ha Tespur ” (p 198)

Dang don shibun ki biria bang ja, biria dei por ba biria pynpyrkhat kiba u S J Duncan u la pynpaw ha ki jingthoh jong u nador ki khana lyngkot jong u Ngi dang don ruh shibun ban iakren halor ka biria-rai jong u lyngba ka drama *Ka Tiewlarun* kaba ngin iabuh teng shwa mynta

- Dr B L. SWER

## LYNNONG XII

**Ki Jingsniew ha Shnong ha Thaw**

**L**ada don tang uwei u briew ha pyrthei, wat la u sniew dur katno katno, un kylla long u bnai khadsaw synñia, bad ka jingsniew ne jingbha kan nym don hangta namar un nym long u mawjynthut ne nongpynmyntoi iano iano Dei haba la mih ar ba ngi ioh mad ia ki soh ka jingsniew bad jingbha Dei namar ba jyllei u khun bynñiew ba sa jyrseh ka long briew Dei namar kane ka jyrseh, ba donkam u pud u sam u ban pynkhlad ia ka jingbha na ka jingsniew la ha ka niam ka rukom, la ha ka synshar khadar ne ha ka im lang sah lang ha shnong ha thaw

Ha kane ka lynnong ngin iakhmih khyndiat ia ki jingsniew kiba don mynta ha ki shnong ki thaw, ki daw kiba wanrah ia ki bad da kumno yn khang lad ia ki Ngin sdang mynta da kaba kylli shuwa ia lade ngi sngewthuh aiu da ka ktien 'jingsniew' Kat kum ka bor sngewthuh lang, ka jingsniew ka mut kaei kaei ka jingleh kaba pyrshah ia ka jingiatip lem, kaba pyrshah ia ka jingsngew salonsar bad kaba pynthut ia ka suk ka saññi ka im lang sah lang Ha ka niam ka rukom, ka jingsniew dei ka jingpalat hukum Ha ka synshar khadar, ka jingsniew ka dei ka jingpynkheññi ia ki aññi ki kanun ba la buh beit buh ryntih ban suk ban saññi, ban roi ban man, ban koit ban khiah u khun bynñiew.

Ha ka im lang sah lang ha shnong ha thaw, ki jingsniew ki don bun rukom Haba ngi peit bniah, ngin iohi ba ki jait jingsniew ki kharoi katkum ka jingiaid jong ka por, ka shnong ka thaw bad ka jingbun briew Katkum ka jingiaid jong ka por, ngin shem ba don ki jait jingsniew ki bym pat ju bna mynshuwa kiba la sei khlieh mynta Kine ki long ka buaid tanglang hapdeng ki khynnah bad samla la ka dei na ka kyad ne ganja ne dawai drugs, ka khalai kot, ka khalai sbai bad ka thoh tim, ka jinghiar ha ka kyrdan long briew ki khun samla bym nang burom shuh ia ki longkni longsan, ka iaiaid mon hapdeng ki khun ha ka jingiaid samla bad ka jingkyndrei ka bat tnga jubor; bad kiwei kiwei

Kat kum ka jingiaid jong ka shnong ka thaw, ngi iohi ba wan mih kiwei pat ki jingsniew ba ki nongshong shnong ki hap ban husiar bha ia u pud u sam ioh iasnew kai ka ktien ka thylhej, ioh hap ban kiew jing lieh iing saw Ha ki jaka ba kyrduh lei lei sa ka um, kylla iamai kylla iatla kylla iashun kha-ma-kha Teng teng mih ka iatam ktien para rangbah, mih ka iatam ktien para long kmie tang na ka daw ki khun ki kti ba kum tam 'ti tam jat ia ki mar'ki mata ne jaka jongno jongno Teng teng pat mih ka ia kynroi, mih ka iakynad, mih ka bishni, mih ka pihui, poi sha ka leh sih, poi sha ka leh dusmon, kiba long pyrshah ia ki jingdonkam jong ka shnong na ka bynta ka jingbi jingbiang uba bun uba lang

Haba ngi phai sha ka jingbun briew, ka jingkyrdueh kam ka ia long ka daw ki jingmih jong kiwei pat ki jingsniew U samla khlem kam, um don jingsuk ha iing ha sem Kaba kut ia u ka long ban pynmyllen ia iade ha surok. Ha surok, hap ban pynsywa kai ia ka por bad ia iade bad bsuh ki jingmut laiphew jait Sdang ka byngem briew,

sdang ka tuh ka thiem, sdang ka lute tang ban ioh pisa ban thied ia ki jingsngewbha Na ki jingsngewbha, mih ki kyntien kiba pynsaitmet ia ki nongsngap. Ym shngaiñ shuh ka iaid ka ieng hadien ba sep ka sngi namar iap ki hukum, tlot ka aiñ ha ka jingdum jong ka miet

Kiei ki daw kiba la pynhiar ia ka jinglong briew haduh katne katne ? Ka jubab lehse kam da jngai eh ba ka jingsniew ka kharoi hadien ka jingwan ka pisa, ka jingheh shnong bad ka jingbun briew Hyndai ki ong ka sotti juk Haba ong kumne, kam mut ba hyndai don tang ka jingbha suda Kam long kumta Ngin kynmaw ba hyndai ia u 'men ai ksuid, ki khi lai nuid Hyndai ki kiar ia ka sang ka ma, ioh dait ei u khla ioh nguid u thlen Hynrei ki jingsniew ki duna

Naduh ba ka tyngka ka kren briew, ba la heh ki shnong ki thaw, bad ba la bun u paid nongshong shnong ki jingsniew ki kharoi Ngi iohi ba ki kmie ki kpa ki shem shitom shibun ban sneng ban kraw ha la rympei, ki khun ki saitlah ia ki, ki ai nia bun sien bad ka tim ka tla Baroh baroh ngi iabun kam ban beh thong ia ka pisa Khlem ma ka, duh ruh ia ka jingsniew burom briew Haba iabeh ia ka, ka por ka duna na ka bynta ia ka ung ka sem Haba lyngkar ka synshar ung, jyllei ruh ki khyannah ba ichnoh ia jingpule tang shiteng Kiba kum kine, ki kylla ieng surok bad khyndiat eh ki ban iabeh sha ka wad kyndoi jakpoh.

Ka jingbun briew ka ia pynduna lypa ia ki lad ioh kam ioh jam. Ka jingeh ia ki khun samla ban don la ka trei ka ktah, ka pynbitar ia ki. Kane hi ka plie lad ba kim ngop ha ki jysieh baroh bad kim salia shuh ban ialeh pyrshah ia ka aiñ briew ne hukum blei namar ym don lad shuh da kumwei. Kiba kum kute ki kylla long noh ki dew byrtha

ha ki buit sianti ki 'riew-kwah-bor ha ka synshar khadar ki bym salia ban thied ia ki ban pynkhray shuh shuh la ka bor bad ka spah Ki riengkwa bor ki siew da ka dor, ki theh um theh kiad bad ktik ia ka mynsiem ki khynnah samla ban leh ia ki kam wat ki ban pynpoh dor la ka long rynieng

Haba la heh ka shnong ka thaw, u tymmen shnong, ki rangbah dong, ki shem shitom shibun ban synshar shnong. Ki shem shitom ban pynbeit ia ki khun samla kiba pyndik ia ka shnong bad teng teng la synshar pynban ia ki da ka mynsiem tieng Hangne ruh ngi shem hateng hateng ba wat u buaid bor, ban ioh synshar shnong, u hap ban pyndonkam da kiba kum kine ki jait ban ioh ka shuki ban nym synjor ka shong Kane hi ka pynkbum ia ka shyntur u nongpyniaid shnong bad ka ai lad ia ki runar ban pynsmiej pynma ia ka shnong ka thay Mynta kumba ka long, u rangbah u syier ban kynhied wat ia u khynnah haba u buaid u tanglang, haba u kren sili kren khlem akor

Bun sien ngi kynnoh ia ka kiad, bun sien ngi kynnoh ia ki dawar drugs, bun sien ngi kynnoh ia ka dii ganja, hynrei ngi klet pat ba kine ki long ki markhaii ba pynroi spah kloir Dei ka pisa kaba pynmih ia kine, dei ka jingkwah roi spah kaba pynlait lan ia ka jingdie ia ki Baroh ngi ngop ha ka kyrteng pisa Ka long biiew ka jysieh namar jong ka la ha ki kam shnong kam thaw, la ha ka saifi pyrtiei, la ha ka synshar khadar, la ha ka trei ka ktah, la ha ka khaifi pateng bad kaba ma tam ioh ban bsut sa ha ka pule ka puthi bad ha ka kam shakn blei

Kumno ban rat, kumno ban khang lad ia ka jingsniew ? Ka jubab ka long kaba eh haduh katta katta.

Hato dei da ka aiñ synshar ? Em ! Kane hi kam trei kam. Wat la ha ka aiñ ka long kaba bha, hynrei yn dang synshar hu ka pisa Hato dei da ka niam ? Em ! Kane ruh ka treikam tang ha kiba dang lung ki bym pat pei phang ia ka bor pisa bad kito kiba la kut ka por ban iabch ia ka bad ha kito kiba don mynsiem shakri blei shisha

Haba kumne, kaei keiñ ka lad ? Kawei na ki lad ka long, ka mynsiem kit khia ki kmie ki kpa ia la ka iing ka sem, ka jingai por jong ki kylluid ia la ki khun ki kti ban sngewthuh ia ki jingeh ba ki iakynduh ban iakit iabah lang, ban iasyilok iaphylliew jingmut lang, ban pyni buit ban ia pyni bor lang Sa kawei pat ka lad ka long ba ki nongsynshar kumba dei ka bynta jong ki, ban thaw ki lad ki lynti ban plie ki kam ki jam ban jyilei ki don kam bad duna ki khlem kam Nalor ki kmie ki kpa, ki shnong ki thaw ki dei ban don ia ki kynhun shakri mon sngewbha ban iasyilok ia ki iing ki sem kiba don jingeh, ban iarap ia ki ha ka khia ka shon Dei tang ka jingiatei lang da baroh ki bor, ba ngin khanglad ia ka jingsniew Tang ka synshar khadar kam biang, tang ka niam kam biang, tang ka kynhun trei mon sngewbha kam biang, tang ka shnong ka thaw kam biang, tang ka iing ka sem kam biang, hynrei da kaba iatrei lang yn lah ban teh lakam ia ka jingsniew kata lada lait na wei, yn set na wei bad kumta ter ter. Kaba kongsan ia kane baroh, dei ka jingkut jingmut ha la marwei marwei ban isih ia ka jingsniew bad iei ia la kam babha Khatduh ngim dei ban ai lad ba ka pisa kan bat lakam ia ka longbriew manbriew ne ba kan synshar ia ka jingmut jingpyrkhat jong ngi. Ngin trei pynban na ka bynta ka burom bad ka nam



## LYNNONG XIV

# Ki Kyntien ba ju iöhsngew ha ka Kam Khaïi

(COMMERCIAL TERMS)

**D**on shibun ki kyrteng bad ki kyntien ba ngi iakynduh ha ki kam khaïi ba kham heh bad tang ia kita ruh la don kam kawei ka kitab rit Hangne la buh khyndiat na ki ban ai jingmut ia ki nongialeh eksamin

**ABOVE PAR.** Ha ka dor ba kham heh ban ia ka dor trai Kane ka kham thew eh ia ka bhah ne bynta ha ki kynja kompeni bad ki kynthun'iatiei lang ha kiba ki dkhot ki iasynniang baiseng kat kum ka jinglah jong ki Ia kata ka bhah lane bynta la khot *share* ha ka English Ka lah ban long 10, 50, lane 100 tyngka kawei ka bhah Hynrei lada u dkhot u tyrwa die ia ka bhah jong u haduh 10% lane kham bun, lane kham duna ia kata, ngi ong *above par* Nga don share 1000 tyngka, lada nga die ia ka ha ka dor 1500 tyngka, kata ka long *above par*, halor ka bai seng. Kane ka iapher bad kaba ki khot *ad valorem*

**AD VALOREM.** Katba kum ka dor Kane ka mut (i) ban siw kat kum ka dor ba dei hok ban siw, (ii) lada thied ia ka *share* jongno jongno ruh, u nongthied u siw, iii u nongdie tang kat kaba u nongdie u don bynta ha ka kompeni

**ADVICE.** Ka jingpyntip da ka jingthoh sha bank ne sha kompeni ia kaba u nongkynshew peisa lane dkhoh ka kompeni ia kaba u la rai ban leh, lane, ia kaba u la lah leh *Nuksa* Phi la siew da ka cheque ia u para lok, phim thikna katno phi don tyngka ha bank phi bthah ia ka bank ba kan iathuh ia u para lok ban wan ha kawei pat ka sngi Kata ka long ka *advice*, lane jingbthah

**AFFIDAVIT.** Ka dei ka jingthoh ba u briew u soi ha khmat u nongbisliar kaba long kum ka jingsmai ba kaba u soi ka long kaba shisha Ha ka rukom pyniaid kam mynta, ia ka jingthoh la pynbiang lpa da u riew tip aiñ, hynrei la shu soi ha khmat u nongbisliar

**ANNUAL RETURN.** Ki kompeni, ki cooperative society (seng trei lang), ki kot khubor ki dei ban phah ia u nongtrei sorkar ba dei peit ia ka kam ia ka jingtrei kam jong ki, ka jingmih bad jingduh bad kum kita Ki nongpynmih kot khubor ki phah sha u Registrar of Newspaper for India, ki seng trei lang sha u Registrar of Cooperative Societies, bad ki kompeni pat sha u Registrar of Companies

**ARBITRATION.** Ka jingpynbait ia ka jingiakajia ha pdeng ki dkhoh kano kano ka kynhun da u briew ubym iashah liang Ka kynhun ka lah ban long tang ar ngut ne shibun Ia kum uta u briew uba pynbeit ki khot *arbitrator*

**ARTICLES OF ASSOCIATION.** Ka jingiakut lang ki dkhoh ka kompeni ban pyniaid ia ka kam ba kata ka kompeni ka trei Kita ki jingiakut ki long ki rul pyniaid kam jong ki. U dkhoh uba leit iasoh hadien u hap pdiang ia ki kyndon baroh ba la bub da ki dkhoh ba rim lane ki nongseng. (ianujor bad *bye-laws* harum)

**ASSETS.** Ka spah bad jingdon u briew Ha ki kam khai kata ka spah ka kynthup ia ki kor, bad ki mar die ba don ha kudam ka kompeni Kano kano kaba long tyngka haba die ka long ka *asset*

**AUDIT.** Ka jingbisha bniah ia ka jingbun jingkheñ ba la pynrung ha ki kot ki sla jong u nongkhai ne ka kompeni La leh ia kane ka kam da u briew ba la thung ban long *auditor*, lane da u chartered accountant, katba dei ban leh ia ka ripot jong u auditor ki khot *audit report*, lane *audit note*, lane *audit paragraph*

**BAD DEBT.** Ka ram bym lah ioh shuh na ki nongshum Ha ki kam khai, ju don hi ki nongthied lane nongshum ram kibym siew ia ka hok kiwei Ha ka rukom buh jingkheñ ha ki kompeni ia ka tyngka ba ki artatien ban ioh biang ki ñiew shwa kum ka ram ba artatien ban ioh biang lane *doubtful debt*, Ynda la bun ki snem, ki sa pynkylla ia ka sha ka *bad debt* Ka long ka jingduh nong ia ka kompeni Man ka snem ba ioh nong pat, ki nongpyniaid ba ki khot *directors* ki buh tyngka katto katne na ka jingioh nong sha kum kata ka jait bhah ban khyllie ia ka bai duh

**BALANCE SHEET.** Ka jingpyni ia ki jingbuh jingkheñ kat kum na ka ledger da kaba buh ryntih ia ka jingdon jingem baroh naduh ka tyngka ha bank bad kaba don ha ka kti, ki tyngka ba dang dei ban ioh bad kaba dang dei ban siew, bad ruh ia kaba tam ne duna Haba ioh nong, ia ka jingioh baroh la pynrung ha ka liang ka diang, bad haba duh pat ia ka jingduh nong ia ju pynrung ha ka liang ka mon jong ka *balance sheet* ban pynbiang ia ki jingkheñ

**BANKER'S CHEQUE.** Ki cheque ba ai na kawei ka bank sha kawei pat

**BANK DRAFT.** Kane ka dei ka kynja bill ba la die ha u nongthied ban siew ha uno uno uba shabar na ka shnong ba shong U nongthied u da siew lpa ia ka tyngka ha ka bank kaba ai ha u ia kata ka draft Uba roh ia ka u leit shim ia ka tyngka na kano kano ka bank ba la ai kyrteng ha kata ka draft

**BILL OF LADING.** Ka kynja receipt ba la ai da u nongtrei jong ka kompeni pyniaid jhad ban pynshisha ba ia ki mar jong u nongkhai la pynrung ha ka jhad ba pyniaid ma u Ki ju ai lai kopi kawei Ia kane ka bill of lading lah ban thep sha bank kum ka jingpynshisha ba la dep siew boina ia kita ki mar ba phah lyngba ka jhad

**BYE-LAWS.** Ka kynja aiñ kaba teh ia ki dkhot jong kano kano ka society, corporation, kaba kum ka *Articles of Association* jong ka kompeni Ki nongpyniaid la ki director ne ki executive member ki bud bniah ia ki kyndon kata ka aiñ Kam teh ia kino kino kibym dei ki dkhot jong ka seng trei lang Ia ki bye-laws jong kano kano ka seng la ju thaw da ki nongseng, bad ki dkhot ba wan hadien kiba pdiang ia ki jingthmu katba kumba Ia batai ha kita ki aiñ ruh ki shah teh ha ki Ki bye-laws ki batai kumno ban jied director, ban lum dorbar, ban pyntrei ia kano kano ka kam ba ka seng khai ka don.

**CONSULAR INVOICE.** Haba shu batai lyngkot, kane ka long ka bill ba ngi phah sha ki nongthied shwa ban pynkit ia ki mar sha ki; hynrei ka jingiapher ka long ba hangne ia kum kita ki jingthoh bniah ia ki kyrteng ki

mar ba die bad ia ka dor ka iadei eh shabar ri, kum na India sha Israel bad kiwei pat ki ri kiba don tang ki Consul ha India, ym ki High Commissioner lane Ambassador. *Nuksa* Haba u nongshong shnong ka India u shalan mar sha Israel, u soi ia ka bill jong u bad u phah ia ka sha u Consul ka India ha Israel, uta ruh u soi ha ka jaka ba la pynkhreh khnang La leh ia kane na ka bynta ka *custom duty*, ka musui ba u nongthied sha kawei pat ka ri u dei ban siew sha ka sorkai jong u

**C.I.F.** Kine ki dak ki mut cost, insurance and freight Lada u nongpule u phah ia ka mar ne ka tiar sha phi bad u thoh ia kitei ki dak, ka mut ba ha ki bill (la ka invoice, ne kano kano ka jingdawa) ba ka dor ba la buh ka kynthup ia ka dor ki mar, ka bai bynda lane insurance bad ka bai phah

**CREDIT NOTE.** Ka dei, ka kynja shithi ba u nongdie u phah sha u nongthied (kane ka mut sha u para nongkhau) ha kaba u thoh bniah ia ki kyrteng ki mai baroh ba u phah khlem da ioh lpa ia ka dor jong ki Ha kum kata ka shithi la ju iathuh ruh ba lada don ki mar kiba sniew, un pdiang biang ia ki, bad u pyni ruh ia ka bai die ba u ai la ka long kaba rit ne kaba heh

**DEPOSIT RECEIPT.** Baroh ngi tip ia ka receipt, lada spel rusit ruh long, hynrei ka *deposit receipt* ka kham pher La ju ai ia ka da ki kynja kompeni ai ram, lane bank haba phi leit thep lane buh jingkinsnew ha ki Ha ka ri India, kiba kum kita ki seng jingkinsnew ki ju pynkhreh lpa ia ka receipt ruh, shihang ki bat sha lade bad shihang pat ki pynphai sha phi Kaba phi ioh ka dei ka *deposit*

**receipt** Kaba dei ban sngewthuh ka long ba ka tyngka ba phi thep ka dei ka ram ia ka bank lane ka seng, ka hap ai sut ia phi kat kum ka kyndon ba phi jied

**DISHONOURED.** Kane ka dei ka kyntien kaba u pynthud ia kiba buh peisa ha bank Don bun ki daw, hynrei kaba kongsan eh ka long ba u nongkynshew u la thep ia ki cheque ba u la ioh bad ka bank jong u kam pat lum ia ka tyngka, te haba u siew da ka cheque bad haba ka tyngka kam pat poi, lada u briew uba ioh ia ka cheque u leit pan noh ia ka tyngka na bank, ka bank ka pynphai noh ia ka cheque namar bym dap ka jingkynshew ban siew Don kiwei pat ki daw ruh, kum kaba iaphei ka jingsoi u nongai, bad ba la lait por, bad kum kita

**DIVIDEND.** Ka jingsiew sha ki dkhoh ka kompeni na ka jingioh nong Ki sam kat kumba la batai ha ka articles of association lane bye-laws Kibym sngewthuh ban pulc bad kiba don tang ka mon ban iatrei lang ki ñiew ia ka kum ka sut na ka trai ba ki la buh

**EXCISE DUTY.** Ka kynja musur ba ka sorkar ka dawa lane oh na ka jingdic ia ki mar hapoh ka ri. Ia ka musur halor halor ki mar ba wan nabar ri pat ki khot *custom duty* bad ka India ka dei kawei na ki ri ha pyrthei kaba shim bun ia katei ka *custom duty*

**FIXED CAPITAL.** Ka dei ka bai seng lane ka spah ha ka dur ka khyndew, ka ñing, ki kor pynmih mar khaii ba la thied ym ban khaii lane die, hynrei kiba pynmih tyngka man ka snem.

**INTERIM DIVIDEND.** Ha ki kompeni ba heh, haba don kano kano ka jingwit na ka liang ka aifi, ki dairektor ki ju siew ka bhah jong ki dkhoh na ka jingioh nong kat

kum ka jingshem jong ki Kam long kaba kut; namar lada u auditor u la pyndep ia ka jingbishar bniah, bad ba ka dorbar pyllun ki dkhot ki lap ba dang dei shuh ban siew, ka kompeni ka hap siew ia kaba tam Lada ka siew tam pat, ym ju pan pynphai shuh na ki dkhot, namar lah ban pynbeit ha kawei pat ka snem

**LIQUID ASSET.** Ia kano kano ka mar lane tiar ban die kaba lah ban die kham kloī ban ioh peisa noh, ki khot da katei ka kyrteng

**MEMBERS' REGISTER.** Ka dei ka kopi lane kitab ha kaba ia kyrteng jong baroh ki dkhot bad ka jaka shong jong ki la thoh bniah khnang ban lah phah jingtip sha ki ia kano kano ka kam ba iadei bad ka society lane kompeni

**MEMORANDUM OF ASSOCIATION.** Ka dulir kaba iathuh lane batai bniah ia ki jingthmu jong kano kano ka kompeni bad kaba la iasoi, lut da baroh ki nongseng jong ka

**NET PROFIT.** Kane ka iapher na ka gross *profit* Ka gross profit ka pyni ia kaba tam hadien ba la kheifi ia ka jingioh tyngka Bad ka jingsiew, hynrei ka *net profit* pat ka dei kaba ioh nong shisha, namar ka shim jingkheifi ia ka jingtrei kam ha ka snem ba la dep Tang ka net profit kaba rung ha ka balance sheet, bad kaba lah ban shim kum ka jingioh nong shisha ha ka kam khaifi.

**OFFICIAL RECEIVER.** Uno uno u briew ba ka sorkar lane ka kashari ka thung ban pyniaid ia ka kam ha ka kompeni haba don jingiapher jingmut hapdeng ki nongpyniaid ia ka bad haba ka kashari ka angew ba kaba thung ia kum eta u briew ka long na ka bynta ka jingnynta ki dkhot ka kompeni.

**PAID-UP CAPITAL.** Ka dei ka tyngka ia kaba ki nongseng bad ki dkhot thymmai ka kompeni bad society ki la siew Ka mut ruh ba la siew dep ia ka bhah ba la pan *Nuksa* Lada ka seng khaii ka buh ba ka share capital jong ka kan long shi lak tyngka bad ba la synniang ia kata baroh, kata hi ka long ka paid-up capital, la siew lut baroh, ym don lad shuh ban pynheh lynda pynkylla ia ka articles of association lane ia ka bye-laws

**POWER OF ATTORNEY.** Ka bor ba la ai ha uwei pat u bried ban leh lane pyndep ia kano kano ka kam na ka bynta jong u haba um don ha shnong

**QUORUM.** Ka society lane ka kompeni ka ju buh ia ka jingdon ki dkhot ban biang ban iakren lane iapyikhat kam Ka mut ka jingdon ba khyndiat eh na pdeng ki dkhot Hynrei bun ki seng khaii (la ha kano kano ka dur) ki pynuei kam lada ki dkhot ba wan ki buh tarik da kawei pat, ha kaba ym don kam shuh ia ka quorum ba la buh ha ka aiñ ba ki la pdiang lang

**RESERVE FUND.** Na ka jingioh nong jong ka seng khaii, la ju buh tyngka katto katne ka bynta na man ka shi spah ban pyniaid ia ka kam kata ka seng, hynrei haba la buh kumta, ka mut ba lah ban pynkylla tyngka ia kata ka dor ha kano kano ka por ba don kam.

**SHOW OF HANDS.** Haba iajied ia ki director ha ka kompeni lah ban pynpaw ia ka mon la jong da kaba rah ki haba don palat ban ia uwei u nongialeh ia kano kano ka kam.

**TRIAL BALANCE.** Ka jingketiñ ba la buh thikna ha ka ledger kaba kyntiup ia ka tyngka ha bank bad ha ka kti Ka long ruh kum ka jingtynjah ia ka jingbuh bert ha ka



ledger, bad dei na kane ba lah ban pynbiang ia ka Profit & Loss Account, kata, ia ka jingioh bad jingduh nong ha ka shi snem Ka kham suk ban thaw ia ka balance sheet lada leh lpa ia kane ka kam Kawei pat ka kyrteng, ka long Cash Account, kam dei ka bank pass book Kane ka shaniah shibun eh ha ka cash book bad ka ledger

**VOUCHER**, Ia kano kano ka receipt ba ngi ioh na ki nongdie ngi khot *voucher*, namar kata ka pynshisha ba ngi la don ka mar lane tiar, ha ka kudam lane iing, kaba ngi da thied

**WINDING UP**. Kaba sangeh noh ka kam khai lane kano kano ka kam ba la sdang mynshwa

**WORKING CAPITAL**. Ka tyngka ba lah ban pyndon kam na ka bynta ka kam khai

**WRITING OFF**. Haba ym lah ioh shuh ia ka sap ba dei ban ioh, bad haba la khem duh ia ka, ki nongpyniaid ia ka kompeni lane society, ki shu n'iew ba ka long ka jingkheñ bym lar kan' shuh Te ki shu weng noh ia ka na ka jingkheñ, teng teng da ka jingmynjur ki bor sorkar, hynrei haba u nongkhai u leh li marwei, u shu buh ia ka ha ka kyrdan ban duh noh shi ita

- H W STEN

